

Luk

Ölöwak Buᅇa Luknöᅇ ohoyök.

Jim-asa-asari

Urumelenᅇ yeᅇön miti dölokᅇi qahö memba kazei, dokta Luknöᅇ mi azi öᅇgöᅇgöᅇi Tiofilusgöra kondelmamgöra aka Ölöwak Buᅇa ki ohoyök. Luk yaᅇön Jisösgö gwarekᅇi 12 yeᅇgöreᅇök kun qahöpmö, Grik azia aka kawöl ambazip mem ölöwak nupnöᅇ malök. Luknöᅇ Jisösgö könaᅇi yahöt kewö kondel neᅇgiza: 1) Anutunöᅇ Amötqeᅇe Tonᅇ melaimamgö keu jöhöiga Israel yeᅇgöra asuhuyök, 2) Yaᅇön mönö kantriᅇi kantriᅇi mem ölöwak neᅇgimamgöra kayök. Kembugö Uᅇaᅇan Jisös oholiga “ambazip etqeᅇeᅇi yeᅇgöra Ölöwak Buᅇa” jim asariyök. Ambazip yuai könaᅇi könaᅇi miangöra osigeri, Jisösnöᅇ yeᅇgöra waimanjat möta bauköm eᅇgiba malök. Luknöᅇ kösohot mewöᅇi sehisehiᅇi areᅇgöba ohom teköyök. Luknöᅇ sösoᅇgaigö kösohotᅇi gwötpuk ohoyök. Jisösnöᅇ mutuk gölmenöᅇ erök aka teteköᅇe miangöreᅇ gölme mosöta Suepnöᅇ öᅇgöyök. Miangöra sösoᅇgai sehisehiᅇi mi boᅇ 1-2 aka boᅇ 24 miangöreᅇ ahöza. Jisösnöᅇ Suepnöᅇ öᅇgöiga Buᅇa nup mem sehigetka mötnariᅇ kambunöᅇ qariba qariba anök. Luknöᅇ miangö kösohotᅇi mi buk qetᅇi “Aposol nup meme” miangöreᅇ ahöi ahöza.

Luknöᅇ Ölöwak Buᅇa ohoyöhi, miangö keu bo-honᅇi mi kewö dop köla ali ahöza: Köuluk nup

megetka ölni asuhuyök, Uña Töröñan ambazip sölölohöm enġii malget, Ambi yeñön Jisösbuk nup gwötpuk nañġoba meget, Anutunöñ sinġisöndokñini mosöta malök.

Buk kianġö bahöñi bohonñi 8 mi kewö:

Buk kianġö könañi Luknöñ ohoyök boñ 1.1-4

Jon O-melun azi aka Jisös asuħuba qariyohot 1.5–2.52

Jon O-melun azinöñ Anutugö nup meyök 3.11-20

Jisös o melun mem wañġiiga esapesap mi-wikñaiyök 3.21–4.13

Jisösnöñ qenjarök nupñi Galili prowinsnöñ meyök 4.14–9.50

Galili mosöta köna anda Jerusalem añgorök 9.51–19.27

Jerusalem añgota sonda qöndökñi malök 19.28–23.56

Wahöta asuħum enġiba Suepnöñ öñġöyök 24.1-53

Matyu Mak Jon yeñön kösohot tosatñi qahö ohogeri, mi Luknöñ nanñök ohoi bahöñi 2 aka 6 miangören ahöza. Kösohot tosatñi mi kewö: Garata yeñön liñet kölget, Lama galöm yeñön Jisös asuħuiga kaba eket, Jisösnöñ moröröpñe jöwöwöl jikenöñ öñġöyök, Samaria azinöñ gurusep azi ak kömum wañġiyök aka nanñi imbi-imbi azinöñ sinġisöndoknöñ geba sohoyöhi, miangö dopkeu.

Luknöñ kimbi Tiofilusgö ohoyök.

¹ Kezapqetok ambazipnöñ Amötqege Tonj ahumapkö keu jigetka miangö ölni sutnine asuħuyöhi, ambazip gwötpukñan miangö kösohotñi könahiba ohoget. ² Yuai ölni mi sutnine asuħuiga tosatñan mi könakönahinñeyök könahiba kota

nanjine jeñinan eka môt yakögeri, yeñön miangö dop miangö buzupñi toroqeba jim sehigetka kezapnine geba nanine buñaya ahök. Ambazip mewöñi yeñön Buña mi könahiba papianöñ ohoba arengöget ahöza.

³ Nöñön mewöyök yuai pakpak asuhuba koröhi, mi törörök qesim enjibi könajeyök könahiba jigetka môt kutuzal. O Tiofilus nöñön göhöra mötpi öngöngöñi akzan. Nöñön göbuk keu eraum mötpitkö mötpi ölöwahiga Jisösgö kösohotñi mi körekñanök arengöba ohozal. ⁴ Buña keu ölni kusum gihigetka mötzani, göñön miangö könajni oyoñda körekñanök môt kömuman. Mewö.

Jon asuhumapkö keuñi Geibrielnöñ jiyök.

⁵ *Judia prowinsgö kiñ qetñi Herod yangö nalöñe azi kun qetñi Zekaraia malök. Yañön jike nup galöm mala Abaiagö nup areñnöñ kinök. Anömñi qetñi Elisabet yañön mewöyök jike nup galöm Arongö gwölönarökñi kun ahök.

⁶ Yekñön Anutugö jeñe malmal diñdiñi mala Kembugö jöjöpañ keu aka jimkutukutuñi pakpak törörök wuatangöba köpösihitkö keuñiri qahö malohot. ⁷ Malohotmö, Elisabetnöñ köpingöra gwölönarökñiri qahö mala ambazip namñi ahot.

⁸ Nalö kunöñ Abaiagö nup areñ nalöñan kaiga Zekaraianöñ jike nup galöm nup memapköra Anutugö jemesoholñe kañgorök. ⁹ Kañgoriga jike nup galöm yeñön aiakanini wuatangöba sutñine nup mendenñda Zekaraia mekögetka Kembugö al-tanöñ öngöba jiniñ wörönñambuk ohoyök. ¹⁰ Jiniñ wanafu ohoho nalöñan kam kuñguiga yañön yuai

* 1:5: 1 Hist 24.10

wörönñambuk mi ohoiga ambazip kambu pak-pak yeñön jöwöwöl jike yaigepñe mamböta Anutu köuluköba malget.

¹¹ Jiniñ ohoiga wörönñan pukpuköba miri uruñi dop köliga miangören Kembugö garata kunöñ altanöñ eu asuhum wañgiba böröñi öñe göröken kinök. ¹² Kiniga Zekaraianöñ eka auruba keñgötñi mörök. ¹³ Keñgötñi mörökmö, garatanöñ kewö jii mörök, “Zekaraia, gi keñgötñi kude mötnöñ. Anutunöñ köuluki lök mötza. Miangöra anömngan gölöm ala morö nahöna mema. Mi meiga göñön qetñi Jon qetman.

¹⁴ Nahönñi asuhuiga urugan yañgöra ölöwahiga söngainöñga ambazip gwötpukñan sösongai akñe. ¹⁵ *I nam körö uruñe tariga Uña Töröñan miangörenök könahiba uruñi kokolak qeiga qariba wain me o köhöikñi mi qahö nemba Kembugö qöhöröñe azi öngöñgöñi aka malma.

¹⁶ Mewö mala Israel ambazip gwötpuk urumelen enjiiga Kembunini Anutugören lilingöme. ¹⁷ *Anutugö Uñañan kezapqetok azi Elaija inahöiga kukösum qakñe nup meyöhi, yañön mönö miangö dop mutuk qeljiñe aniga Kembunöñ andöñe kama. Yañön anda könagesö uru kuñgum enjiiga Kembunöñ kamapköra jöjöröba kinme. Iwi aka nahönbörat jula dengetka uru kuñgum enjiiga kunbuk mindirim angume aka qegetal ambazip mi diñdiñi yeñgö mötmöt areñnöñ angotme.”

¹⁸ Suep garatanöñ mewö jiiga Zekaraianöñ jiyök, “Anömni netköñ ambazip namñi akzirañgöra keugan mönö dewöwö öñambuk akawak?”

* **1:15:** Jan 6.3 * **1:17:** Mal 4.5-6

19 *Mewö jüiga melenök, “Ni Geibriel. Nöñön Anutugö mesoholne kinbi melaim ningii buzup ölopni ki memba kaba jibi mötzan. 20 Nöngöreñ keu jüt ölnambuk asuhumawi, göñön mi jibi qahö möt narizanağöra keugan mönö qahöwahiga mötök malman. Mewö malnönga buzup keu kiangö ölni asuhumapkö nalöñan kam kuñguiga miangöreñ nesilamgan lolohoi keu kunbuk jiman.”

21 Nalö sutne miangöreñ ambazipnöñ mamböt mala Zekaraianöñ jöwöwöl jikenöñ nalö köröp tiñtini kinöhağöra mötkurumkurum aket. 22 Mewö aka tatketka yaigep eta keu jimangö osiiga möt asariba kewö jiget, “Yañön jöwöwöl jikenöñ kinda jeni meleni Suepnöhök imut kun ekza.” Mewö jigetka böröñanök kaisöpsöp al engiba mötök aka malök.

23 Mewö mala jike nup meme nalöñan teköiga lilingöba mirine anök. 24 Wehön tosatni teköiga Elisabetnöñ gölöm ala köiñ 5 miangö dop mire asamböta kewö jiba tata malök, 25 “Moröni qahöpköra ambazipnöñ memba eta al niñgigetka Kembunöñ mesohol köl niñgiba miangö lömbötñi memba gila ak kömum niñgiza.” Mewö.

Jisös asuhumapkö keuñi Geibrielnöñ jiyök.

26 Elisabetnöñ gölöm alöhağö köiñi 6 aiga Anutunöñ garatani qetni Geibriel melaiiga Galili prowinsgö miriñi kun qetni Nazaret miangöreñ erök. 27 *Eta ambi seram jömukni qetni Maria yañgöreñ anök. Yañön azi qetni Josef yañgö ambi buñaya malök. Josefnöñ kiñ Deiwidkö gwölönarökni kun ahök. 28 Garatanöñ

* 1:19: Dan 8.16; 9.21 * 1:27: Mat 1.18

Mariagörej anda kewö jiyök, “O Maria, silimgi ölöpnji. Kembunöj kalem möriam gihiba göbuk kinma.”

²⁹ Mewö jiyökmö, Marianöj jölöj mianğöra gwötpuk auruba könañi jaruba mötkurumkurum ahök. ³⁰ Mötkurumkurum aiga kewö jii mörök, “Maria, Anutunöj kalem möriam gihiiga yağö jeje dop köljan. Mianğöra keğgötki kude mötnöj. ³¹ *Mötnöj, göjön gölöm ala morö nahöna meman. Memba qetñi Jisös qetman. ³² *Jisös yağön qariba azi qetbuñambuk aiga qetñi ‘Öngöngöñi ketañagö Nahönñi,’ qetketka malma. Mewö mali Kembu Anutunöj amböñi kiñ Deiwidkö jakömbuak dum wağgiiga salupñe ambazip galöm köl engiba malma. ³³ Jeikobkö könagesö yeğö kiña aka teteköñi qahö galöm köl engiba malma. Bemtohoñi mianğön mönö nalö kunöj kude qahöwakña.”

³⁴ Garatanöj mewö jiiga Marianöj jii mörök, “Yei! Ni azigö könañi qahö mötzal. Mianğöra keu jizani, mianğö ölnji mönö denöwö asuhuma?”

³⁵ Mewö jii möta meleñnök, “Uña Töröjan mönö aum köl gihiiga Anutu öngöngöñi ketañagö ösumñan dop köla turum gihima. Mianğöra morö memani, yağön töröñi aiga ambazipnöj qetñi ‘Anutugö Nahönñi,’ jiba qerakñe. ³⁶ Mötnöj, Tinigi Elisabet yağön mewöyök ‘Köpin mala morö memangö osiza,’ jigetmö, töndup ambi namñi aka nalö kewöñe morö nahöngö gölömnambuk aiga köiñi 6 akza. ³⁷ *Anutunöj yuai kun akñamgö jiba mi qahö qaköba osimakza.”

* **1:31:** Mat 1.21 * **1:32:** 2 Sml 7.12, 13, 16; Ais 9.7 * **1:37:** Jen 18.14

³⁸ Mewö jiiga Marianöŋ jiyök, “Mötnöŋ, nöŋön Kembugö welenqeŋe ambia akzal. Mianğöra keu jizani, mianğö dop ölop ahum niŋgima.” Mewö jiiga Suep garatanöŋ mosöta anök. Mewö.

Marianöŋ Elisabetköreŋ kusuk anda ehök.

³⁹ Marianöŋ mi möri nalö köröpŋi qahö aiga wahöta zilaŋ jöjöröba gölme kundunje öŋgöba Judia prowinsgö taon kunöŋ anök. ⁴⁰ Anda Zekara-iağö mire öŋgöba anömŋi Elisabet eka söŋgaiba jölöŋi jiyök. ⁴¹ Jölöŋi jiiga mianğöreŋök möri morö nahönöŋ körö urunje luhuba öŋgöba eri Uŋa Töröŋan Elisabetkö urunji kokolak qeyök.

⁴² Kokolak qeiga qet ketanji qeta kewö jiyök, “O alani, Anutunöŋ kötümötuetŋi öŋgöŋgöŋi al gihi-iga ambi sutnine malman aka morö memani, i mewöŋanök kötuatköm waŋgima. ⁴³ Denöwögöra Kembunangö namŋan kaba neiga mewö asuhum niŋgiza? ⁴⁴ Mötnöŋ, gi jölöŋni jinöŋga keu jölgi kezapne gei morönöŋ urune mewöyök söŋŋgai qakŋe luhuba öŋgöba etza. ⁴⁵ Kembunöŋ buzup keunji jiiga möta mianğö ölni asuhumawi, mi möt narizanaŋgöra göhö mötŋi simbawon akzan.” Mewö.

Marianöŋ söŋŋgai liŋet kölok.

⁴⁶ *Marianöŋ keu mi möta kewö jiyök,
“I-ia! Nöŋgö urukönömnan mönö önöŋi qahö
Kembu möpöseiza.

⁴⁷ Nöŋgö uŋanan Anutu, Amötqeŋe Toni
yaŋgöra söŋgaiba köiraŋ kölja.

* **1:46:** 1 Sml 2.1-10

48 *Nöñön welenqeçe ambi etqeçeni mal-jalmö, Anutunöñ töndup mesohol köla ak kömum niñgiza.

Mötnöñ, ambazip kambuñi kambuñi merak könahiba asuhumei, yeñön mönö nöngöra ‘Simbawon!’ jiba möpöseim niñgiba malme.

49 Kukösum Tonjan mönö aņgöletot öngöngöñi mem niñgii maljal.

Yañgö qetñi mi Töröñi.

50 Ambazip merak gölmenöñ maljei aka könaņep ahum sehimei, yeñgö sutñine gwöt isik denike yeñön Anutugö jitñi oņgitpinbukö keñgötñini mötmei, yañgö ak-kömukömuñan mönö yembuk pöndan ahöma.

51 Anutunöñ böröñan aņgöletot memba mianñön kukñi

kondel neñgiiga ehin.

Ambazip nanñini miwidimgöba söñgöröqök malgeri, yañön mönö i könden eñgiiga simbisembel aka malget.

52 *Kiñ kembuñi kembuñi jakömbuak dumñine tata ambazip galöm

köl eñgiba malgeri, yañön i mianğöreñök qeköba utal eñgiiga etket.

Etketmö, etqeçeni ia mönö mem wahöta al eñgiyök.

53 Ambazip yuaigö jañkötatañ malgeri, miñgö uruñini mönö

yuai ölöpñi ölöpñi mianñön kokolak qeyökmö,

* 1:48: 1 Sml 1.11 * 1:52: Job 5.11; 12.19

ambazip pomñi mi melaim engiiga böröñini börak öne anget.

54-55 *Yañön ambösakonurupnini meköba engömeiga Israel aketka nini toroqeba Anutugö welenqequeurupñi maljin.

Anutunöñ mönöwök jöjöpaj keuñi kewö jim jöhöm nenjiyök, ‘Nöñön Abraham aka yañgö gwölönarökurupñi teteköñi qahö mal öngöba malmei, i ak kömum engiba malmam.’

Mewö jiba keuñi mi qahö ölum qei mala korök. Qahöpmö, yañön mönö keu jitñi mi wuatangöba mala merak bauköm nenjimangöra kaza.”

Marianöñ mewö jiyök.

56 Marianöñ köiñ karöbut miangö dop Elisabet-puk mala kunbuk miriñe lilingöyök. Mewö.

Jon O-melun azinöñ asuhuyök.

57 Elisabetkö morö meme nalöñan kam kuñguiga morö nahöna meyök. 58 Morö nahöna meiga miri kösutñe malgeri aka tinitosolomurupñi yeñön Kembunöñ ak-kömukömu öngöngöñi kondel wañgiyöhi, mi möt asariba yambuk mohotñe sösongai aket.

59 *Sösongai aka wehön 7 teköiga wahöta anda Anutugö aiwesökñi morö silene yandimegöra tokoget. Tokoba iwiñangö qetñi Zekaraia mi wakanñ mem wañgibingöra jiget. 60 Jigetmö, namñan jiyök, “Mi qahöpmahöpmö, qetñi mönö Jon qetpin.”

61 Jiiga kewö jiget mörök, “Jon qetzanmö, göhö tinitosolomgi yeñgörenök kunñangö qetñi mi qahö

* 1:54-55: Jen 17.7 * 1:59: Lew 12.3

ahöza.” ⁶² Mewö jiget möri kinda iwiñan yangö qetñi qetmapkö qesiba böröñinan kaisöpsöp alget.

⁶³ Kaisöpsöp algetka tafegöra qesii wanğigetka miangöreñ kulem kewö ohoyök, “Qetñi mi Jon.” Mewö ohoiga miangöra körek aurum tililingöget.

⁶⁴ Aurum tililingögetka miangöreñök numbunji amgöiga nesilamñi lolohoiga keu jiba Anutu möpöseiyök. ⁶⁵ Möpöseiiga miri alaurupñini pakpak yeñön qemsömbunji gwötpuk mötket. Mötketka yuai asuhuyöhi, miangö buzupñi eraum mötketka sehiba Judia kundunji gölme pakpak dop kölök.

⁶⁶ Buzupñi eraum mötketka körekñan mi möta urukönömñine ala angön kölget. Kembunöñ kukösumñi morösepsep qakñe mokoi malöhi, miangö könani möt asariba kewö jiget, “Morö kianön qariba mönö wani yuaia kun denöwö akña?” Mewö.

Zekaraiianöñ kezapqetok keu jiyök.

⁶⁷ Mewö jigetka Uña Töröñan iwiñi Zekaraiagö urunji kokolak qeiga kezapqetok keu kewö jiyök,

⁶⁸ “Nini Israel neñgöreñ Kembu Anutu möpöseibin. I-ia!

Yañön mönö könagesöurupñi mesohol köl neñgiba sohognini memangöra jöjöröba kama.

⁶⁹ Anutunöñ welen aziñi kiñ Deiwidkö könagesö neñgö sutnineyök

azi kukösumñambuk kunğui wahöta Amötqeqe Ton-ina akña.

⁷⁰ Möpñangö möpñeyök kezapqetok ambazipurupñi tök-kutukutuñi

i sölohöm enğii keu jit kewö jiba malget,

- ⁷¹ ‘Nöñön mönö kerökurupnini yengö ösumnini qebi eriga bohonnini jöhömam.
Denike yenjon kazik ak engime, nöñön mönö körek yengö böröñineyök meköba sel jöhöm engimam.’
- ⁷² Keu mewö jiba bömönurupnini ak kömum engiba yembuk jöhöjöhö
aren qainni kun jöhöyöhi, mi mötmörriba wu-
atängöiga amötqeqegö ölni asuhuma.
- ⁷³ Jöhöjöhö keu mi bömönini Abrahamgöra jiba jöjöpañ keunöñ jim köhöii ahöza.
- ⁷⁴ Jöhöjöhö keu miangö ölni kewö:
Yañön nini kerökurupnini yengö böröñineyök meköm nengiga yengöra kengötnini qahö möta welenni qem wanğiba malbin.
- ⁷⁵ Yañön keunini jim teköi solaniba yangö jene sarakni aka malmalnini ölülp mewö mala kömumbin.
- ⁷⁶ *O gömokni Jon, göñön qariba mala qeljine mala ambazip uruñini mindingöba mewö mianjön Kembugö könañi mesatnönga kama. Miangöra qetki ‘Anutu öngöngöni ketanangö keza-pqetok azia,’ mewö qetketka malman.
- ⁷⁷ Mewö mala amötqeqegö könañi mi Anutugö könagesöurupni kusum enginönga mi möt kutuba uruñini melengetka Anutunöñ singisöndoknini sanğonda mosötma.
- ⁷⁸ Anutuninan uruñan jöpaköba ak kömum nengimakza.
Mewö aka mesohol köl nengiba undiñi euyangöreñök ali gilikbilik akza.

* 1:76: Mal 3.1

Mewögöra neñön mönö waŋgaran surui aukne asaribingö akzin.

79 *Nini pandamanöñ jipjap taringa kömupkö kondotkondot Toñan aum köl neñgimazapmö, wehön jilñbölañ kota qaknine kuñguba mem asarim neñgima.

Mem asarim neñgiiga luaigö könañi aukne asuhui eka miangören aŋgota tiba kinbin.” Zekarianöñ mewö jiyök.

80 Morö Jon yañön qariba wahöriga Uña Töröñan inahöm wañgiiga Anutugö kolek azi köhöikñi ahök. Mewö aka gölme qararañkölkölne mala mali nalöñan kam kuñguiga Israel könagesö yeñgö jeñine aukne asuha qenjarök nupñi könahiba meyök. Mewö.

2

Jisös Betlehem taonöñ ahuyök.

Mat 1.18-25

¹ Jon O-melun azinöñ ahuiga nalö miangören sisa kiñ Ogastus yañön Rom sitinöñ gölmeñi gölmeñi galöm köl eñgiyök. Galöm köl eñgiba takis könahiba memegöra gawmangö jimkutukutu aliga gölmeñi gölmeñi pakpak yeñön tokogetka kuskus (sensus azi) yeñön qetñini papianöñ ohoba areñgöget.

² Areñ nup mi nalö mutukña meget. Megeri, nalö miangören azi qetñi Qirinius yañön Siria prowinsgö premiö mala galöm köl eñgiyök.

³ Ogastusnöñ jimkutukutu aliga ambazip körek pakpak yeñön öröba anda qetñini areñnöñ

* 1:79: Ais 9.2

ohomegöra nannini ahuahu miri bohonnini dop anget.

⁴ Galili prowinsgö taon qetnji Nazaret miangören azi qetnji Josef malök. Yangö amböni mi kin Deiwid. Kin Deiwidkö taonni qetnji Betlehem mi Judia prowinsnöñ ahöyök. Miangöra Josefnöñ Nazaret mosöta öngöba geba Betlehem anök. ⁵ Anmam jüiga nalö miangören ambi buñani qetnji Marianöñ gölömnambuk malök. Maliga i auangita qetjiri ohomegöra mohotne anohot.

⁶ Anda Betlehem angorohotka Mariagö morö meme nalöñan kam kunğuyök. ⁷ Kam kunğuiğa qenjarök ahöahö mire anğota miangö uruñe tiji qahö miwikñaiyohot. Miangöra bau bulmakau miriñe öngöba tarohot. Tata miangören nahönñi mutukñi memba oponöñ esuhuba bulmakau joutñe ali geba ahöyök. Mewö.

Lama galöm yeñön Suep garata enğeket.

⁸ Betlehem taon gölme miangören azi tosatñan sunğem dop gölme köröñi miangören anda lama kambuñini galöm köl enğiba malget. ⁹ Mewö malgetka sunğem miangören Kembugö garata kunñan kösutñine asuhum enğiyök. Asuhum enğiiga Kembugö asakmararañan liliköm enğiba asariiga qem sömbuñini möta jönömñini unduyök. ¹⁰ Jönömñini unduyökmö, Suep garatanöñ jii mötket, “Mönö kezap alget. Nönön sösongai Buña ketani ambazip körek pakpak yeğöra memba kazal, mi in-del enğimam. Miangöra jönömñini kude unduma. ¹¹ Buña mi kewö: Enğö Amötqeçe Toninan dölki ahuza. Yangön kin Deiwidkö taonöñ asuhuba Kembu qetnji Kraist akza. ¹² Keu miangö aiwesökñi

kewö: Inini anda morö sepsep oponöŋ esuhuba bulmakau joutŋe alget ahözawi, mi miwikŋaime.”

¹³ Garatanöŋ mewö jiiga miangöreŋök garata kambu ketanŋan Suepnöhök kaŋgota yambuk aitonŋöba Anutugö möpömöpösei liŋet köla kewö jiget,

¹⁴ “Anutugö qetbuŋaŋi möpöseininga Suepnöŋ euyangöreŋ öngöza.

Yaŋön ambazip nanŋaŋöra meköm enŋiyöhi, yeŋöra körö ölöwak möta gölmenöŋ luai al enŋiza.” Mewö.

Lama galöm yeŋön anda Jisös eket.

¹⁵ Garata yeŋön enŋömosöta Suepnöŋ lilingöba öngögetka lama galöm yeŋön naninak kewö jiget, “Ayop, Betlehem miangöreŋ yuai ahuiga Kembunöŋ miangö keuŋi jii mötzini, nini mönö mia anda ekin.”

¹⁶ Mewö jiba ösumŋinan anda Maria Josef aka morösepsep bulmakau joutŋe ahöyöhi, miwikŋaiba eket. ¹⁷ Eka kinda garatanöŋ morögöra keu jii möta kageri, mi indela jim asariget. ¹⁸ Jim asarigetka mötkeri, yeŋön körek pakpak auruba welipköget.

¹⁹ Welipkögetmö, Marianöŋ keu pakpak mi uru könömŋe ala dumgöba jöhöba könaŋi mötmöriba malök. ²⁰ Welipkögetmö, yuai pakpak Suep garatanöŋ jiyöhaŋö dop asuhuyöhi, mi lama galöm yeŋön eka möta miangöra Anutugö sösongai liŋet köla möpöseiget. Möpöseiba mosöta lilingöba anget. Mewö.

Morö qetŋi Jisös qetket.

²¹ *Jisös ahui Sonda mohot miangö dop teköiga

* **2:21:** Lew 12.3; Luk 1.31

Anutugö aiwesökñi silenje yandibingö nalöñi kaiga qetñi Jisös qetket. Suep garatanöñ qet mi mutuk qeta wañgiigun nalö mianğörenjök namñangö gölöm uruñe ahuyök. Mewö.

Jisös wañgita Anutugö buñaya alget.

²² *Mosesgö Köna keunöñ keu kewö ahöza, “Am-binöñ morö nahönñi mutukñi memba silim 40 kounje mali teköiga sörö gulunji köl könjorat wañgiba inini mönö jöwöwöl jikenöñ öngöba morö mi Anutugö jene algetka yangö buñaya akña.” Mianğöra nalö mi kam kuñguiga Josef Maria yetkön keu mi tem köla Jisös wañgita Kembangö buñaya akñapköra Jerusalem öngöyohot.

²³ *Kembangö Köna keunöñ keu kewö ohoget ahöza, “Morö nahön pakpak sep mutuk mokozei, mi mönö Kembangö buñaya akñapköra qem teköba mem sarahime.” Yetkön keu mi wuatangöyohot.

²⁴ Mewöyök Kembangö Köna keunöñ jimkutukutu keu ahözawañgö dop kembö me kembö supsup nei yahöt mi jöwöwöl ohomahotköra Jerusalem sitinöñ öngöba anohot.

²⁵ Nalö mianğoreñ azi kun qetñi Simeon Jerusalem malök. Yañön uruñi jömuk Anutugöreñ qekötahöba urumelengö kölguliguli aiga Uña Töröñan yambuk kiniga Amötqeqe Tonjan Israel uruñe asuhumapköra mamböta malök.

²⁶ Mamböta maliga Uña Töröñan keu kewö indeli mörök, “Gi Kembangö Amötqeqe Tonji Kraist ahui mutuk ekagun kömupkö sihimbölöñi mötman.”

²⁷ Iwinamñan Mosesgö Köna keu wuatangöba Jisös

* 2:22: Lew 12.6-8 * 2:23: Eks 13.2, 12

wanğita jöwöwöl jikenöŋ öngöyohot. Öngöyohotka Uŋa Töröŋan Simeon sölölohöi nalö mianğoreŋök mewöyök jikenöŋ öngöyök. ²⁸ Öngöba morö mi eka memba dohongöba Anutu möpöseiba kewö jiyök,

Simeongö sösöŋgai liŋet

²⁹ “O Kembu, merak welen azigan ölop anda uru-luainöŋ mala kömuma.

³⁰ Göhö keugahö dop Amötqeŋe Tonji melainöŋ asuhuiga i nani jenan eka simbawoŋ mötzal.

Mianğöra ölop anda kömumam.

³¹ Göŋön amötqeŋegö könani mözözömgöba kantri pakpak yeŋğöra indel eŋginöŋga mi eka möt kutume.

³² *Göŋön Amötqeŋe Tonjaŋgö asakŋi indelnöŋga kian kantri yeŋgö

uruŋini kuŋguiga asarime

aka qetbuŋagan nangi könagesögi Israel neŋgö sut-nine mewöyök qarima.”

Simeongö kezapqetok keu

³³ Simeonöŋ morögöra keu mewö jiiga iwinamŋan möta köŋkuŋ aka welipköyohot.

³⁴ Welipköyohotka kötuetköm eŋgiba namŋi Maria kewö jii mörök,

“Mötnöŋ, Anutunöŋ morö ki kuŋguba ali Israel ambazip sehisehiŋan i andö qeba eta eŋgugetka gwötpukŋan uruŋini melenđa ölöwakŋe.

Anutunöŋ nanŋak i ali aiwesök aiga gwötpukŋan i tuaköpek jim wanğime.

* **2:32:** Ais 42.6; 49.6; 52.10

³⁵ Tuaköpek jim wan̄gigetka urumötmötn̄ini asa-asambötn̄an mewö auk̄ne asuhuma. Nangi urugan mewöyök wösöbirik aiga mian̄ön sou zuluk alaln̄i ewö urugi kun̄guba qe-sin̄ma.” Mewö.

Ana ambigö kezapqetok keu

³⁶ Jerusalem mian̄göreñ kezapqetok ambi nam̄ni kun qet̄ni Ana malök. Yangö isik̄ni qet̄ni Aser, iwin̄i qet̄ni Fanuel. Ambi mian̄ön seram̄je azi memba mali yambu (yara) 7 mohot̄je malohot. ³⁷ Malohotka ap̄ni kömui malö aka mala kori nalö mian̄göreñ yambuñi 84 ahök. Yan̄ön nalö dop jöwöwöl jikenöñ öngöba mi silim kun qahö mosörökmö, sun̄gem asak Anutugöra nene sin̄gi mala köuluköba waik̄ni memba möpöseiba malök.

³⁸ Yan̄ön nalö mian̄göreñök kan̄gota morö mi eka Anutu möpöseiyök. Anutunöñ Jerusalem ambazip sohop̄ni memapköra mamböta malgeri, körek yeñgöra morö mian̄gö kön̄ni jim asarii mötket. Mewö.

Jisösbuk Nazaret lilingöget.

³⁹ *Josef Maria yetkön Kembunöñ aren̄i jim kutuiga Köna keunöñ ahözawi, mi körek ahot teköiga Galili prowinsnöñ lilingöba taon̄jiri Nazaret mian̄göreñ anohot. ⁴⁰ Morönöñ qariba wahöta köhöiba mötkutukutuñi ahuba kokolak qeiga Anutugö kalem möriam̄nan qak̄ne öngöi kinök.

Jisös yaran̄i 12 aiga jöwöwöl jikenöñ öngöget.

* **2:39:** Mat 2.23

41 *Jisös iwinamñan yambu (yara) dop ak-kömukömu* kendon nalöñe Jerusalem siti öngöba anjahotma. 42 Mewö mala Jisös yambu (yara)ñi 12 aiga silikñini ahakzeañgö dop nalöñi kam kuñguiga mewöyök öngöba anget. 43 Anda mala kendon nalö mianñon teköiga lilingöba miriñire anohot. Anohotmö, morö gwabö Jisösnöñ Jerusalem tari iwinamñan mi qahö möt kutuyohot. 44 “Yañon ambazip kambu yembuk anja,” jiba silim mohotkö dop köna anda sepkitip aka alaurupñiri yeñgö uruñine qeta jaruyohot. 45 Qeta jaruyohotmö, qahö miwikñaiba kunbuk lilingöba Jerusalem anda jaruyohot.

46 Jaruba malohotka silim karöbut teköiga jöwöwöl jikenöñ öngöba mianğöreñ miwikñaiyohot. Miwikñaiyohotka azi ketañi yeñgö sutñine tarök. Tari kusum wañgigeri, mi möta qesim enğiba tarök. 47 Tata Buña keugö könañi törörök möt asariba diñdiñanök melenñiga körek pakpak yeñon mi möta welipköget. 48 Iwinamñan eka auruba namñan jii mörök, “Nahöni, gi denöwögöra mewö ak netkizan? Mötnöñ, niri iwigabuk göhöra waimanjat möta qeta jaruba malit.”

49 Mewö jiiga kewö melen etkiyök, “Inñiri mönö wuanöngöra ni görain niñgizahot? Ni Iwinangö mire tatpi dop kölja, mi mötzahot me qahö?” 50 Mewö melen etkiyökmö, yetköñ keu jiyöhi, mianğö könañi mi qahö möt asariyohot.

* **2:41:** Eks 12.1-27; Dut 16.1-8
kendon mianğö qetñi kun Pasowa.

* **2:41:** Anutunöñ Ijipt

mianğöreñ Israel ambazip enğehoriba enğonğiröhi, ak-kömukömu

⁵¹ Qahö möt asariyohotmö, töndup wahöta yet-puk lilingöba Nazaret taonöŋ anda iwinamŋi tem köl etkiba malök. Jisösnöŋ keu jiyöhi, namŋan mi pakpak möta urukönömŋe ala jöhöba anŋön kölök.

⁵² *Jisösnöŋ mala qarai yambu (yara)ŋi öngöiga mötkutukutuŋi asariba sehiiga Anutunöŋ kalem möriamŋi waŋgii köhöiba ambazip aka Anutu yeŋö jeŋine dop köl enŋiyök. Mewö.

3

Jon O-melun azinöŋ Buŋa keu jiyök.

Mat 3.1-12; Mak 1.1-8; Jon 1.19-28

¹ Zekaraiagö nahönŋi Jon yaŋön nupŋi könahiyök. Nalö miangöreŋ sisa kiŋ qetŋi Taiberius yaŋön Rom sitinöŋ mala gölmeŋi gölmeŋi mindiriba yambu (yara) 15 azi kembu aka toroqeba galöm köl enŋii malget. Galöm köl enŋimamgöra gölmeŋi gölmeŋi Israel liliköba ahözei, mi mesinŋetka bahöŋi 4 aiga miengö kiŋini 4 mi kewö kuŋguget:

Pontius Pailöt, Herod, Filip aka Lisantias. Pontius Pailöt mi Judia prowinsgö premiönina malök. Kiŋ Herodnöŋ Galili prowins galöm köl enŋiyök aka datŋi Filipnöŋ Ituria aka Trakonitis prowins yahöt miengö kembuŋina malök aka Lisantias yaŋön Abilene gölme memba malök.

² Jike nup galöm bohonnini yahöt malohot, qetŋiri Anas aka Kaiafas. Nalö miangöreŋ Zekaraiagö nahönŋi Jon yaŋön gölme qararanölkölŋe maliga Anutugöreŋ Buŋa keu asuhuiga mörök. ³ Anutugö Buŋa möta anda

* 2:52: 1 Sml 2.26; Qam 3.4

Jordan o töwatɲaŋgö kösutɲe miri dop liliköba malök. Liliköba mala Buɲa keunöŋ uruɲini kuŋguba kewö jiba malök, “Inini mönö uruɲini melengetka nöŋön o melun mem enɟimam. Mewö aketka Anutunöŋ siŋgisöndokɲini saŋgoŋda mosötma.”

⁴*Miaŋgö keuɲi mi kezapqetok azi Aisaianöŋ ohoi yaŋgö Buzup Kimbinöŋ kewö ahöza, “Kolek garata kuŋɲan gölme qararaŋkölkölɲe qeta maliga anda qetɲi kewö mötme, ‘Kembunöŋ kamawo! Miaŋgöra mönö jöjöröba könaɲi mesatket. Mönö uruɲini mindiŋgöba könaɲi qölöleiget.

⁵Köna örue pakpak mönö qem tigetka diŋdiɲi akɲa. Kunduɲi wanɲaɲi pakpak mi mönö qeköba köl qölöleigetka köröŋi akɲa.

Köna mösökqösökɲambuk mi mönö möhamgögetka diŋgime.

Luhutnöŋ köna misiiga simbiɲsambaɲ tatzawi, mi mönö kutuba mesatketka solanima.

⁶Anutunöŋ oyaenƙoyaen Toɲi melaii kaiga gölmeɲi gölmeɲi pakpak yeŋön mi eka ek kutume.”

⁷*Jonöŋ miaŋgö dop uruɲini kuŋguiga ambazip kambuɲi kambuɲi yeŋön o melun mem enɟimapköra yaŋgöreɲ kagetka enɟeka yeŋgöra kewö jiyök, “O qatö moröŋi, inini uruɲini qahö melengetka Anutugö irimɲan seholiiga likepɲi melen enɟimamgö akza. Mi ölöŋ kölbingö goro keuɲi mi mönö daŋön jii möta sömbuɲini möta ki kaze?

* **3:4:** Ais 40.3-5 * **3:7:** Mat 12.34; 23.33

8 ***“**Miaŋgöra mönö ölnanök uruŋini melenme. Bölöŋamŋineyök lilingögetka ölni asuhui mi mönö ahakmemenjanan aukŋe kondela malme. Uruŋine möndömöndö keu kewö kude mötmörime, ‘Neŋön mönö Abrahamgö gwölönarökŋa malinga Anutunöŋ qahö ayuhum neŋgima.’ Mewö töptöpŋine qemakzemö, ölni mi qahö ahakze. Nöŋön miaŋgöra kewö jibi mötket: Anutunöŋ köt ki ölop jim kutum enŋiiga letota Abrahamgö gwölönarökurupŋi aka Anutu möpöseimakŋemö, iŋini denöwö?”

9 ***“**Uruŋini qahö melenme ewö, Anutunöŋ mönö iŋini ip ewö tenŋöri etpingö akze. Ip pakpak ölni ölopŋi qahö kuŋgumakzei, mi mönö köli etket könöpŋi gili geme. Ip mewöŋi kölmamgö keŋi lök jitrŋi saŋe ala ip könane ali jöjöröba ahöza. Anutunöŋ mönö bölöŋamŋinaŋgö likepŋi melenenŋgima.”

10 Mewö jiiga ambazip kambuŋi kambuŋi yeŋön kewö qesiba jiget, “Mewögöra nini mönö denöwö ahinga dop köлма?”

11 Qesiba jigetka kewö melenök, “Kunŋan maluku yahöt memba maljawi, yeŋön mönö mietköreŋök kun mi malukuŋi qahö i waŋgima aka denike yeŋön neneninambuk maljei, yeŋön mönö mewöyök nenenini qahö yeŋgöra mendenenŋgime.”

12 ***Takis** meme azi tosatŋan mewöyök o melun mem enŋimapkö kaba qesim waŋgiget, “Böhi, neŋön mönö denöwö ahinga dop köлма?” 13 Qesim waŋgigetka jii mötket, “Gawmanöŋ takisgö jim

* 3:8: Jon 8.33 * 3:9: Mat 7.19 * 3:12: Luk 7.29

kutum engii ahözawi, dop mi mönö qahö ongita meme.”

¹⁴ Yarö azi tosatnjan mewöyök qesim wanğiget, “Niniato? Neñon denöwö ahinga dop kölma?” Qesim wanğigetka kewö jii mötket, “Kungören monengöra kunguba upetkupet aka kiom kude kölmemö, nanñini töwanjini memakzei, miambuk mönö urumohok aka ösöñ malme.” ¹⁵ Ambazip pakpak yeñon “Jonöñ Amötqege Tonj Kraist akapuk,” jiba uruñinan mewö mötmöriget. Mianğö könani mötpingö kezapñini köröpñi aket.

¹⁶ Mewö aketka Jonöñ körek yeñgöra kewö jiyök, “Nöñon o töhönöñ melun mem engizalmö, azi kukösumñi köhöikñi kun kama. Yanğö kukösumñi öngöngöñan mönö nöngören ongitma. Yanñon azi öngöngöñi akñawanğöra nöñon yanğö köna esuñanğö kösöñi bauköba pösatmamgö qötötanğömam. Yanñon mönö Uña Töröñi uruñine ali könöp bölamñan köl könjörat enğiiga mewö mianñon melun mem enğima. ¹⁷ Yanñon ölni aka kamböñi mendenj etkimangö sapakñi memba kangota uba qörörenğöba kewötma. Kewöta wit kötni tokoba köweñe almapmö, kamböñi aka gwaugulapñi mi mönö usuñniga könöpnöñ geba teteköñi qahö jema.”

¹⁸ Keu mewöñi mewöñi gwötpuk toroqeba jiba uruñini kuñguba Ölöwak Buña ambazip kambu yeñgöra jim asariba malök. ¹⁹ *Malökmö, gölme bahöñanğö kiñ Herod yanñon datñanğö anömñi qetñi Herodias mi ölöñ meyök aka bölöñi könani könani aka malöhi, mianğö sapñi Jonöñ qeba

* **3:19:** Mat 14.3-4; Mak 6.17-18

munjurariga jim wanġiyök. ²⁰ Jim wanġiba bölönamni kun toroqeba aka Jongören nupni tözöpköba suahö galömni jii Jon memba kösö mire alget. Mewö.

Jonöŋ Jisös o melun mem wanġiyök.

Mat 3.13-17; Mak 1.9-11

²¹ Jonöŋ ambazip pakkak o melun mem enġiba Jisös mewöyök o melun mem wanġiyök. Mem wanġii köuluköiga miangörenök Suepnöŋ aŋanġiyök. ²² *Aŋanġiiga Uŋa Töröŋan melenġa kembö nei ewö aka Jisösgö qakŋe erök. Mewö eriga Suepnöhök qet kun kewö asuhuyök, “Göŋön mönö nani wölböt nahöna aknöŋga köröni ölöwahiga geknahöm ak gi-hizal.” Mewö.

Jisösgö isikurupni yeŋgö qet areŋini

Mat 1.1-17

²³ Jonöŋ Jisös o melun mem wanġiiga yambu (yara)ni 30 miangö dop aiga amötqeqe nupni könahiba memba malök. Memba maliga Josefgö nahönŋa akzawi, ambazipnöŋ mewö mötmöriget. Jisös iwiŋi Josef, asaŋi qetŋi Heli. ²⁴ Jisös amböŋi qetŋi Matat, sukumŋi qetŋi Liwai. Liwai iwiŋi Melki, asaŋi Janai, amböŋi Josef, ²⁵ sukumŋi Matatias. Matatias iwiŋi Amos, asaŋi Nahum, amböŋi Esli, sukumŋi Nagai. ²⁶ Nagai iwiŋi Mat, asaŋi Matatias, amböŋi Semen, sukumŋi Josek. Josek iwiŋi Joda, ²⁷ asaŋi Joanan, amböŋi Resa, sukumŋi Zerubabel. Zerubabel iwiŋi Sealtiel, asaŋi Neri,

²⁸ amböŋi Melki, sukumŋi Adi. Adi iwiŋi Kosam, asaŋi Elmadam, amböŋi Er, ²⁹ sukumŋi Josua.

* **3:22:** Jen 22.2; Sum 2.7; Ais 42.1; Mat 3.17; Mak 1.11; Luk 9.35

Josua iwiŋi Eliezer, asaŋi Jorim, amböŋi Matat, sukumŋi Liwai. ³⁰ Liwai iwiŋi Simeon, asaŋi Juda, amböŋi Josef, sukumŋi Jonam. Jonam iwiŋi Eliakim, ³¹ asaŋi Melea, amböŋi Menna, sukumŋi Matata. Matata iwiŋi Neitan, asaŋi Deiwid, ³² amböŋi Jesi, sukumŋi Obed. Obed iwiŋi Boaz, asaŋi Salmon, amböŋi Nason,

³³ sukumŋi Aminadab. Aminadab iwiŋi Amin, asaŋi Arni, amböŋi Hezron, sukumŋi Perez. Perez iwiŋi Juda, ³⁴ asaŋi Jeikob, amböŋi Aisak, sukumŋi Abraham. Abraham iwiŋi Tera, asaŋi Nahor, ³⁵ amböŋi Serug, sukumŋi Reu. Reu iwiŋi Peleg, asaŋi Eber, amböŋi Sela, ³⁶ sukumŋi Kainan. Kainan iwiŋi Arpaksad, asaŋi Siem, amböŋi Noa, sukumŋi Lamek. ³⁷ Lamek iwiŋi Metusela, asaŋi Enok, amböŋi Set, sukumŋi Adam. Adam mi Anutunöŋ mei ahuyök. Mewö. ³⁸ (-)

4

Satanöŋ Jisös esapköba malök.

Mat 4.1-11; Mak 1.12-13

¹ Jonöŋ Jisös o melun mem waŋgiiga Uŋa Töröŋan uruŋi kokolak qei Jordan onöhök lilingöiga waŋgita gölme qararanökölŋe anök. ² Anda miangöreŋ mali Bölöŋi Toŋan esapköm waŋgii wehön 40 teköyök. Nalö 40 miangöreŋ nene kun qahö namba mali teköiga nenenangö kömuyök.

³ Yakanangö kömuiga Bölöŋi Toŋan jii mörök, “Gi Anutugö nahönŋa akzan ewö, mi mönö kondela köt ki jim kutunöŋga letota beret aketka neman.”

⁴*Jii möta melennök, “Qahö, Buña Kimbinöŋ keu kewö ohoget ahöza, ‘Nenenöhök ambazip malmal qahö nenjimakza.’ ”

⁵ Melenniga waŋgita kundunji köröpŋi kunöŋ öngöba gölmegö kantriŋi kantriŋi pakpak mi zilaŋ kondel waŋgiyök. ⁶ Kondel waŋgiba jii mörök, “Nöŋön kantri pakpak mi galöm köl enjimamgö kukösumŋi aka inap yuainangö aködamunŋi mi nöŋgö böröne alalŋa ahöza. Miangöra mi nani sihimnangö dop niŋia waŋgimam jiba ölop waŋgimam. Miangöra yuai pakpak ki mönö göhö böröge alman. ⁷ Miangöra gi waikni memba möpöseim niŋgiman ewö, mi pakpak mönö göhö buŋaya ak teköma.”

⁸*Mewö jii möta kewö melennök, “Qahö, Buña Kimbinöŋ keu kewö ohoget ahöza, ‘Gi mönö Kembugi Anutu waikŋi memba möpöseiba ia mohot welen gem waŋgiba malman.’ ”

⁹ Melenniga Jisös waŋgita Jerusalem sitinöŋ anda jöwöwöl jikegö boŋe euyangöreŋ öngöba kewö jii mörök, “Gi Anutugö nahönŋa akzan ewö, mönö kiangöreŋök luhuba emu geman. ¹⁰*Buña Kimbinöŋ keu kun kewö ohoget ahöza, ‘Anutunöŋ garataurupŋi jim kutum enŋiiga ölopŋanök galöm köla sel jöhöm gihime,’ ¹¹*aka keu kun kewö, ‘Yeŋön böröŋine ala nöŋögölim gihigetka geba kötnöŋ könage qahö guhum qizit akŋa.’ ” Miangöra geba kude ayuhuman.

¹²*Mewö jiyökmö, Jisösnöŋ kewö melen waŋgiyök, “Qahö! Anutunöŋ jiza, ‘Gi mönö

* **4:4:** Dut 8.3 * **4:8:** Dut 6.13 * **4:10:** Sum 91.11 * **4:11:** Sum 91.12 * **4:12:** Dut 6.16

Kembugi Anutu kude esapköm wanğiman.’ ”

¹³ Bölöni Toñan esapesap pakpak mi Jisös ak wanğii teköiga mosöta anök. Mewö.

Jisösnöñ könahiba amötqege nup meyök

Mat 4.12-17; Mak 1.14-15

¹⁴ Jisösnöñ gölme qararañkölkölñi mosöri Uña Töröñañgö ösumñan yambuk kiniga Galili prowinsnöñ lilingöyök. Lilingöiga keu buzupñan sehiba miri gölme liliköba tat angeri, mi pakpak dop köla anök. ¹⁵ Dop köli miriñi miriñi liliköba köuluk miriñine öngöba Buña keu kusum engiyök. Kusum engiiga mötkeri, körek yeñön mönö söñgaiba möpösem wanğiget. Mewö.

Nazaret yeñön Jisös andö qeget.

Mat 13.53-58; Mak 6.1-6

¹⁶ Jisösnöñ lilingöba malqarip taonñi Nazaret miangöreñ anök. Sonda kendonöñ kaiga ahakzawangö dop köuluk mire öngöba Buña Kimbi oyon engimangö wahörök. ¹⁷ Wahöri kezapqetok azi Aisaiagö Buzup Kimbi wanğigetka kötula keu kembangani kewö ohoget ahözawi, mi miwikñaiyök:

¹⁸*“Kembugö Uña Töröñan nöñgö urune geba nup memegö kelök supañi

köl niñgiba ambazip etqegeñi yeñgöra Ölöwak Buña jim asarimakzal. Yañön melaim niñgiiga keu kewö jim sehimakzal:

Bölöñan gwaröhöm engii maljei, Anutunöñ mönö i pösata meköm engiiga malme.

Anutunöñ jegömöl ambazip jeñini mem tohoiga kunbuk uba ekñe.

* **4:18:** Ais 61.1-2

Taikpaik memba eta alget maljei, Anutunöŋ mönö i meköm enğiiga siyoŋsayoŋi qahö malme.

19 Kembunöŋ amötqeqegö yambu ölopŋi ali kam kuŋgumawi, nöŋön miangö kolekŋa kaba mi jim asarimakzal.”

20 Keu mewö oyoŋda köpöp supap mi köpeiba galömnji waŋgiba eta tarök. Tariga köuluk mire tatkeri, yeŋön körek je qisilmisilŋi qahö dörötköba ehiget. 21 Ehigetka könahiba kewö jii mötket, “Buzup Kimbigö keu ki oyoŋbi kezapŋine gei mötzei, miangö ölnjan mönö merak asuhuza.”

22 Mewö jii mötketka kalem möriam keuŋi keuŋi numbuŋeyök eriga körekŋan mi möta welipköba jim soroköm waŋgiba keu miangö jiji-kilik-kilikŋi mi kewö jiget, “Azi ki Josefgö nahönŋa me?”

23 Jigetka kewö jii mötket, “Inini nalöŋi nalöŋi keu kötnji ki jimakze, ‘Mem ölöwak azi gi mönö nangi mem ölöwak aŋguman.’ Inini keu kötnji mi dölki nöŋgöra jibingö mötze, mi mötzal. Mi jiba kewö jibeak, ‘Gi Kaperneam taonöŋ anda aŋgöletot öŋgöŋgöŋi menöŋga buzupŋi mörini, miangö dop mönö nangi miri kiangöreŋ mewöyök meman.’”

24 *Mewö jiba jiyök, “Nöŋön keu ölnji kun kewö jibi mötme: Kezapqetok ambazip kunöŋ mönö nanŋi malqarip taonöŋ qahö dop kölja.

25 * “Nöŋön keu ölbölŋi kun kewö jibi mötme: Elaijagö (Elia) nalöŋe Anutunöŋ Suep nanŋuŋi köli yambu (yara) karöbut aka köiŋ 6 miangö uruŋe kie qahö yöhöiga bödi ketanji ahuiga gölme pakpak dop kölök. Nalö miangöreŋ ambi malö gwötpuk

* 4:24: Jon 4.44 * 4:25: 1 Kiŋ 17.1

Israel uruŋe malget. ²⁶ *Gwötpuk malgetmö, Anu-tunöŋ Elaija yeŋgöreŋök kungöreŋ anmapkö qahö melaiyökmö, kian gölme Saidongö miri qetŋi Sarefat miangöreŋ ambi malö mohot-töp yaŋgöreŋ melaiiga anök. ²⁷ *Kezapqetok azi Elisagö nalöŋe uzikukunöŋ Israel azi gwötpuk turum eŋgiiga malgetmö, yeŋgöreŋök kunŋan kun qahö solaniyök. Qahöpmö, kian gölme Siriagö azi qetŋi Naman yaŋön mohot-kun mönö Elisagö keuŋi möt nariba solaniba ölöwahök.”

²⁸ Jisösnöŋ mewö jiiga köuluk mire tatkeri, yeŋön körek keu mi möta irimŋini seholiiga urupik aket.

²⁹ Urupik aka wahöta Jisös közöla taon yaigepŋe wuatangöba taon mi kundunangö sem kösutŋe meget kinöhi, miangöreŋ aköget gemapköra anget.

³⁰ Angetmö, sutŋine qendenŋa eŋgömosöta anök. Mewö.

Kaperneam taonöŋ öme kun közölök.

Mak 1.21-28

³¹ Jisösnöŋ Galili prowins uruŋe Kaperneam sitinöŋ eta aŋgota Sabat kendonöŋ ambazip kambu kusum eŋgiyök. ³² *Kusum eŋgiiga keuŋan kukösumŋambuk aiga jiyök. Miangöra könagesö yeŋön mi eka auruba welipköget.

³³ Köuluk miri miangöreŋ azi kun ömeŋambuk tarök. Tariga ömeŋan teriŋgöba silata qetŋi kewö qerök, ³⁴ “Aek! Jisös, Nazaret azia! Gi wania ak neŋgimangö akzane? Mönö ayuhum neŋgimangöra kazan me? Ni könaŋamgi möt kutuzal. Gi Anutugöreŋ azi Tök-kutukutuŋi akzan.”

* **4:26:** 1 Kiŋ 17.8-16 * **4:27:** 2 Kiŋ 5.1-14 * **4:32:** Mat 7.28-29

³⁵ Mewö qeriga Jisösnöñ tembula kewö jim wañgiyök, “Gi mönö keugi bököiga azi ki mosöta kesalnöñ.” Mewö jim wañgiiga ömenöñ azi mi memba gili tala sutñine gölmenöñ geiga miz-iqizikñi qahöpmahöp aka kota mosöta anök.

³⁶ Aniga körekñan nemböñini teköiga welipköba sutñine eraum möta kewö jiget, “Yei! Keu ki mönö wani keuya? Yañön kuk aka ösum-mumu qakñe ömewöröme jim kutum eñgiiga tem köla kota anje.”

³⁷ Mewö asuhuiga Jisösgö qetbuñanñan sehiba miri pakpak kösutñe tat angeri, miangörenñ anda gölme mi dop kölok. Mewö.

*Jisösnöñ kawöl ambazip gwötpuk meiga ölöwaket.
Mat 8.14-17; Mak 1.29-34*

³⁸ Jisösnöñ wahöta Kaperneam köuluk miri mi mosöta Saimon Pitögö mire öngöyök. Öngöiga Saimongö suhunñan sile könöp öngöñgöñi yöhöi ahöyök. Ahöiga yañgöra aka Jisös köuluköm wañgiget. ³⁹ Köuluköm wañgigetka anda sipköba geba sile könöp jim kutum wañgiiga mosöriiga miangörenñök wahöta nene ohoba gumohom eñgiyök.

⁴⁰ Wehön jeñi teköba geiga miangörenñ ambazip denike yeñön alaurupñini kawöl könañi könañi miañön eñgöhöi ahögeri, mi körek eñguangita Jisösgörenñ kaget. Kagetka böröñi körek yeñgö qakñine inannjik inannjik aliga ölöwak teköget.

⁴¹ Ömewöröme yeñön mewöyök ambazip gwötpuk yeñgö uruñineyök kota silata kewö qetket, “Gi Anutugö nahöñni akzan.”

Jisösnöŋ Amötqeŋe Toŋi Kraist akzawi, yeŋön mi mötkeŋgöra Jisösnöŋ jim eŋgiba numbuŋini muhungöba eŋguataŋgöyök. Mewö.

Amötqeŋe nupŋi Galili dop kölök.

Mak 1.35-39

⁴² Jisösnöŋ gaun ahöiga miri waŋgaraan suruiga wahöta nanŋik tirin (tin) kutuba geba göraŋe kunöŋ anök. Anökmö, ambazip yeŋön göraim waŋgiba anda miwikŋaiba kude eŋgömosöta anmapköra esapköba aŋgön köl waŋgiget. ⁴³ Aŋgön köl waŋgigetmö, kewö jii mötket, “Nöŋön Anutu bemtohonŋaŋgö Ölöwak Buŋaŋi mi taon tosatŋi yeŋgöra mewöyök jim asarim eŋgibi dop kölma. Anutunöŋ mönö miangöra melaim niŋgiyök.”

⁴⁴ Mewö jiba anda Galili prowins liliköba köuluk mirinŋine Buŋa keunöŋ uru kuŋgum eŋgiba malök. Mewö.

5

Jisösnöŋ gwarekurupŋi mutukŋi eŋgoholök.

Mat 4.18-22; Mak 1.16-20

¹ *Nalö kunöŋ Jisösnöŋ Genesaret o aŋgö jitŋe kiniga ambazipnöŋ kambu köla Anutugö Buŋa keu mötpingö ölöqölököba liliköm waŋgiget. ² Liliköm waŋgigetka kinda waŋge yahöt köwet göraŋe taro-hotka etkehök. Söra örörö yeŋön waŋge mi mosöta geba mösakŋini kusahöla saŋgoŋget. ³ Waŋge kun mi Saimongöreŋa. Jisösnöŋ miangöreŋ öngöba toŋi kewö qesim waŋgiyök, “Göŋön mönö naŋgönöŋga borom kun noaŋgita onöŋ göröken anma.” Qesim

* **5:1:** Mat 13.1-2; Mak 3.9-10; 4.1

wanjiiga nanğöiga anda wanğenöj tata ambazip kambu kusum enğiyök.

⁴ Kusum enğim teköba Saimongöra jiyök, “Gönön mönö wanğe ki nanğönönga o anğö bibiñe aniga alaurupki yembuk mösakñini söragöra gilgetka gema.”

⁵ *Jiiga Saimonöj melenök, “Ketanamni, nini sunğem köröp mösak gil bibihiba ölni kun qahö mezin. Qahöpmö, gönön jim kutuzananğöra mönö tøndup anda gilin gema.” ⁶ *Mewö meleni jiyöhanğö dop aketka söranöj awamñi qahö mösakñine gegetka buratibingö aket. ⁷ Mewö aketka alaurupñini wanğe kunöj malgeri, yengöra kaba bauköm enğimegö börökaek kölgetka kaget. Kagetka wanğe yahöt mi söranöj kokolak qegetka nemulahöm taköyohot.

⁸⁻⁹ Söra öngöngöni mewö memba eka miangöra körekñan welipköget. Welipköba Saimon Pitönöj mi eka Jisösgö wösöñe geba simin köla jiyök, “O Kambu, ni singisöndok azia akzalanğöra mönö nömosöta anöj.” ¹⁰ Saimongö alayahötñi Jeims aka Jon Zebedigö nahönyahötñi yetkön mewöyök nembönjiri teköiga welipköyohot. Saimonöj keuñi jiyökmö, Jisösnöj kewö melenök, “Mönö keñgötki kude mötman. Gi kianğö andöñe ambazip mi söra ewö öröba enğömembra malman.”

¹¹ Mewö jiiga wanğenini öröba kota saknöj ala öroyuaiñini pampak mosöta Jisösgö andöñe wu-atangöba anget. Mewö.

*Jisösnöj uzikuku azi kun mem solaniyök.
Mat 8.1-4; Mak 1.40-45*

* 5:5: Jon 21.3 * 5:6: Jon 21.6

¹² Jisösnöŋ taon kunöŋ maliga miangöreŋ azi kun silenŋ uzikukunöŋ mem bölim teköiga tarök. Tata Jisös eka kösutŋe simin köla geba kewö köuluköm waŋgiyök, “O Kembu, göŋön sihimgan mem ölöwak niŋgimangö mötzan ewö, mönö ni ölöp mem solanim niŋgiman.”

¹³ Mewö jiiga böröŋi böranda silenŋ misiriba jiyök, “Nöŋön mi akŋangö mötzal. Gi mönö solaniman.” Mewö jiiga uzikukuŋi mi miangöreŋök solaniyök.

¹⁴ *Solaniiga kewö jim kutum waŋgiyök, “Mötnöŋ kiangö buzup keuŋi mi kun kude jinöŋ mötme. Qahöpmö, gi mönö jike nup galömgöreŋ anda silegi kondel waŋgiba Mosesgöreŋ jimkutukutuŋi wuatangöba solanizanaŋgö saiwap nalukuŋi ala jöwöwöl ohoman. Mi ohonöŋ ehiga ambazipnöŋ könaŋangi möt kutume.”

¹⁵ Mewö jiyökmö, mi töndup Jisösgö qetbuŋaŋi sehiba miri dop asariba anök. Anöhaŋgö dop ambazip kambuŋi kambuŋi yeŋön keuŋi mötpingö aka kawölŋini mem ölöwakŋapkö yaŋgöreŋ kaba tokoget. ¹⁶ Kagetmö, Jisösnöŋ engömosöta gölme qararaŋkölkölŋe anda mala köuluköyök. Mewö.

*Jisösnöŋ azi sile likeŋi kömukömuŋi möhamgöyök.
Mat 9.1-8; Mak 2.1-12*

¹⁷ Jisösnöŋ wehön kunöŋ Buŋa keu kusum eŋgiiga Farisi (Köna keugö kapaŋkölköl) aka Köna keugö böhi tosatŋan Galili aka Judia prowinsgö miriŋi miriŋi aka Jerusalemök kaba ambazip kambu sutŋine tatket. Kembugö kukösumŋan Jisös nam köl waŋgiiga ambazip kawölŋini mei ölöwaket.

* **5:14:** Lew 14.1-32

18 Nalö miangöreŋ azi tosatŋan alaŋini sile likepŋi kömukömuŋi mi kululunöŋ ala aŋguba kaget. Kaba kutuba Jisösgö kösutŋe miri uruŋe öŋgöba albingö esapköget. 19 Esapkögetmö, ambazip kambunöŋ ölököba kingeraŋgöra paŋpaŋgöba miri uruŋe öŋgöbingö köna kun qahö miwikŋaiba memba miri qakŋe öŋgöget. Öŋgöba bo kötnöŋ memenji mi esim lulungetka kinimŋi ahui kawöl azi kululuŋambuk kösönöŋ jöhöba miangöreŋ algetka ambazip sutŋine Jisösgö wösöŋe geyök. 20 Mewö geiga Anutu möt narim waŋgigeri, Jisösnöŋ yeŋgö tandökŋini mi ehi dop köliga kawöl azigöra kewö jiyök, “Alani, nöŋön siŋgisöndoki mosötzal.”

21 Mewö jiiga Köna keugö böhi aka Farisi yeŋön mi möta könahiba kewö jiba mötmöriŋet, “Azi ki niŋia? Yaŋön mönö Anutu ilita mepaqepaik akza. Anutu mohotŋan siŋgisöndoknini mosörakzapmö, azi kunŋan mi qahö.”

22 Mewö mötmöriŋetmö, Jisösnöŋ uruŋini ek kutuba kewö jii mötket, “Tosatŋi iŋini uruŋinan wuanöŋgöra keu jizali, miangöra gwötpuk mötmörize? Mi qahö dop kölja. 23 ‘Nöŋön siŋgisöndoki mosötzal, jizali, keu mianön mönö awamŋanök jijiŋa. Kunŋan mewö jiiga tosatŋan keu miangö ölni qahö ekŋe. Miangöra mi keu awamŋaŋgö dop. Nöŋön keu kun kewö jimamangö mötzal, ‘Mönö wahöta anöŋ.’ Keu mi mönö lömbötŋambuk jijiŋa akza. Mewö jibiga ölni asuhuma me qahöwi, mianön mönö aukŋe asuhui ekŋe.

24 Mötket, gölmenöŋ siŋgisöndok mosötmosötkö

kukösümüni mi Suep gölmegö azi ölnangören ahözawi, inini miangö kónangöra janjuj malbepuk. Miangöra keu lömbötñi mi azi kiangöra jibi ölni eket.” Mewö jiba azi sile likepñi kömukömuñi yangöra jiyök, “Nöñön göhöra jizal: Gi mönö wahöta tumbulahöpki memba mirige anöñ. Keu lömbötñi mi ölnambuk akña ewö, keu awamñi mi mönö mewöyök denöwögöra omañi akawak?”

²⁵ Mewö jüiga miangörenök jeñine wahöta tumbulahöpñi ahöyöhi, mi memba Anutu möpöseiba mosöta miriñe anök. ²⁶ Mewö asuhuiga ambazip körekñan welipköba sömbuñini möta Anutu möpöseiba jiget, “Yei! Merak yuai qetpuk soroha ekzin.” Mewö.

Jisösnöñ Matyu (Liwai) oholök.

Mat 9.9-13; Mak 2.13-17

²⁷ Miangö andöñe Jisösnöñ Kaperneam mosöta anda takis ofis ongitmamgö aiga miangören takis meme azi qetñi Liwai tariga eka jii mörök, “Gi mönö nöngö andöne kanöñ.” ²⁸ Mewö jii möta nupñi pakpak mosöta wahöta Jisösgö andöñe anök.

²⁹ Anda Jisös miriñe köl öröba yangöra közölömbuan ketanji mözözömgöyök. Mözözömgöba takis meme tilipqilipñinambuk aka alaurupñi tosatñi öröm enjiiga kambu ketanji köla yembuk tata nene neget. ³⁰ *Mewö negetka Farisi (Köna keugö kapankölköl) aka yengören böhi yeñön mi eka jimongot aka Jisösgö gwarekurupñi kewö jim engiget, “Aek! Inini mönö wuanöngöra takis meme tilipqilipñinambuk aka siñgisöndok ambazip yembuk tata nene aka o neze? Mi qahö dop kölja.”

* **5:30:** Luk 15.1-2

³¹ Mewö jim enġigetka Jisösnöŋ likepŋi kewö jii mötket, “Sile unditundit ambazipnöŋ doktagöra qahö ak enġimakzapmö, kawöl ambazipnöŋ mönö doktagöreŋ anakze. ³² Nöŋön siŋgisöndok ambazip uruŋini melenmegö enġoholmamgöra kaba maljalmö, ambazip nanŋinanġö mötketka solanŋi akzei, i qahö.”

Nene siŋgi malmalgö keuŋi

Mat 9.14-17; Mak 2.18-22

³³ Ambazip tosatŋan Jisösgöreŋ kaba qesiget, “Jon O-melun azigö gwarekurupŋi neŋön nalö gwötpuk Anutugöra nene siŋgi mala köuluk totoko köröpŋi alakzin. Farisi (Köna keugö kapanġölköl) yeŋgö gwarekurupŋinan mewöŋanök aka maljemö, nangi gwarekurupkan mönö pöndaŋ nene aka o nemakze.”

³⁴ Mewö qesigetka kewö melenök, “Ölŋa! Nini wani nalönöŋ nene siŋgi malakzin? Ambi meme nalöŋe azigö andöurupŋan könöpŋi algetka ambigö sep kitipurupŋan yuai mi tökömakze me qahö? Nöŋön nani gwarekurupni yeŋgö azi buŋaya aka yeŋgö sutŋine köisirik tatzal. Tatpiga siŋgi malbingö jigetka yeŋön aijölöŋ söŋgaiba tata siŋgi malbingö osimakze. ³⁵ Osimakzemö, Anutunöŋ noanġiri kömumbiga yeŋön mönö nalö miangöreŋ ölop siŋgi malakŋe.

³⁶ “Inini malmal walŋi aka sösoŋgai Buŋa dölökŋi mi mindirim etkibingö osime. Miangö dopkeu pasetŋi kun mi kewö jibi mötket: Löŋgölöŋgöt walŋi jurariga kunöŋ löŋgölöŋgöt dölökŋi mitiba opo su jöhanŋi mianöŋ qahö ala uhum göreŋgömakza. Mewö akawak ewö, opo su jöhanŋi

dölökñan mönö walñambuk öröröñ qahö aka mi öröba munjurariga böliqölibapuk.

³⁷“Mewöñanök kunöñ wain o dölökñi mi jobö me toru walñi lama silenñan memenji mianğöreñ qahö kusuiga gemakza. Mewö akawak ewö, wain o dölökñan mönö qariba toru qesiñniga jula mokoiga gölmenöñ eta sohoiga toruñan böliqölibepuk.

³⁸“Mianğöra wain o dölökñi mi toru dölökñeyök mokoin geiga dop kölma. (Mewöñanök kunöñ o ölöpnji mi gina gisagisahöñe qahö umakzin. Mewö ubinak ewö, mianjön mönö jula kisipisirik eriga nemba kawöl neñgöhöbapuk. Mewö akapüköra o ölöpnji mi gina ölöpnje umakzin. Inini mewöyök malmal walñi aka Ölöwak Buña dölökñi mi mindirim etkibingö osime.) ³⁹ Kunñan wain o walñi möpöseiba nemba malakzawi, yañön wain o dölökñi nemamgö sihimñi qahö möta ölan alakza.” Mewö.

6

Jisösnöñ Sabat kendongö Kembuñi akza.

Mat 12.1-8; Mak 2.23-28

¹ *Mianğö andöñe Sabat kendon kunöñ Jisösnöñ wit padi nup köröñi ketañi kutuba anök. Ani gwarekurupñan wösöñini enğuiga wit ölnji mohot mohot böröñinan misiba sömañda neget. ² Mewö negerañgöra Farisi (Köna keugö kapañkölköl) tosatñan mi eka kewö jiget, “Inini mönö wuanöñgöra Sabat kendongö nup meme sonğöñi onğitze?”

* **6:1:** Dut 23.25

³ *Mewö jigetmö, Jisösnöŋ kewö melenök, “Kiŋ Deiwidnöŋ yarö aziurupŋi yembuk liliköba wösöŋini enğuiga yuai akeri, mi lök oyonget me qahö? ⁴ *Yaŋön mönö Anutugö opo seri jikenöŋ öngöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö meiga neget. Beret kömbukŋi mosötmosötŋi mi jike nup galöm yeŋönök nezema. Yaŋön aka yaŋgö sunğurumurupŋan mi nembepuköra soŋgo ahöyök mi töndup neget.”

⁵ Mewö jiba kewö jii mötket, “Suep gölmegö azi ölnan mönö Sabat kendongö Kembuŋi akza.” Mewö.

Jisösnöŋ azi böröŋi sösöröngöŋi mem ölöwahök.

Mat 12.9-14; Mak 3.1-6

⁶ Jisösnöŋ Sabat kendon kunöŋ köuluk mire öngöba Buŋa kusum enğiyök. Mianğoreŋ azi kun böröŋi ölni soholiiga tarök. ⁷ Köna keugö böhi aka Farisi (Köna keugö kapaŋkölköl) yeŋön Jisös eka keu jakeŋe al waŋgibingö könaŋi jaruba “Azi mi Sabat kendonöŋ möhamgöma me qahö?” jiba je galöm memba tatket. ⁸ Tatketmö, Jisösnöŋ mötmötŋini mi möt kutuba azi böröŋi sosoholiŋi mi kewö jii mörök, “Mönö wahöta jenine kinöŋ.” Mewö jiiga wahöta kinök.

⁹ Kini Jisösnöŋ jii mötket, “Köna keu wuatangöba Sabat kendonöŋ yuai ölopŋi me bölöŋi akin? Ölop kungö bohonŋi jöhöbin me mosöringa ayuhuma. Wanat kun meinga dop kölma? Mi qesim enğibi jiget.” ¹⁰ Mewö jiba körek pakpak lilingöm purik enğeka azi mianğö jiyök, “Gi mönö börögi

* 6:3: 1 Sml 21.1-6 * 6:4: Lew 24.9

qötöteinöŋ.” Mewö jiiga böröŋi qötöteiiga kunbuk ölöwahök.

¹¹ Ölöwahökmö, galöm yeŋön irimŋini gwötpuk seholiiga “Jisös denöwö ak waŋgibin?” jiba nanŋini eraum mötket. Mewö.

Gwarekurupŋi 12 möwölöhöm enŋiyök.

Mat 10.1-4; Mak 3.13-19

¹² Nalö mianŋöreŋ Jisösnöŋ kundunŋe köulukömamgö öŋgöba sunŋem köröp mi Anutu köuluköm waŋgiba mali miri alök. ¹³ Miri gianŋiiga gwarekurupŋi enŋohola yeŋgöreŋök 12 möwölöhöm enŋiba melaimelai azi aposol qet mi enŋiyök.

¹⁴ Qetŋini kewö qerök: Saimon, Jisösnöŋ qetŋi Pitö waŋgiyök, yaŋgö munŋi Andru aka Jeims, Jon, Filip, Bartolomyu, ¹⁵ Matyu, Tomas, Jeims Alfiusgö nahönŋi aka Saimon qetŋi kun Tuaköpek azi qetket.* ¹⁶ Judas Jeimsgö nahönŋi aka Judas Iskariot. Kariot azi mianŋön könanŋen mamalolo azia ahök.

Jisösnöŋ kawöl ambazip mem ölöwak enŋiyök.

Mat 4.23-25

¹⁷ Jisösnöŋ aposolurupŋi yembuk kundunŋeyök eta gölme köröŋe anda kinget. Kingetka gwarek kambuŋi ketanŋi aka ambazip kambulelembe yeŋön yaŋgöra tokoba mambötket. Yeŋön “Buŋanŋi jii möringa kawölnini mem ölöwakŋa,” jiba mianŋöra Judia prowins pakpak, Jerusalem siti aka köwet jitŋeyök Taiö aka Saidon taon mianŋöreŋök kaba tokoget. ¹⁸ Ömewörömenöŋ

* **6:15:** Nasönöl pati zelot yeŋön Rom gawman tuarenŋon aka nanŋine kinkin membingö tuaköpek memba malget.

kölköljinjin mem engiyöhi, yejön mewöyök kaba ölöwaket. ¹⁹ Kukösumñan yangörenök kutuba yeñgören öngöiga körek ölöwak engiyök. Miangöra ambazip körekñan Jisös misiribingö jaram tiget. Mewö.

Simbawon aka kezapjupjup ahakö keunji

Mat 5.1-12

²⁰ Jisösnöñ gwarekurupñi uba wahöta engeka kewö jiyök,

“Anutugö bemtohon mi wanapñi engö bunaya. Miangöra wanapñi injini mönö simbawon akze.

²¹ Nalö kewöñe nenegö ewö kömumba qemjen qeba maljei, Anutunöñ mönö

sihimñini mi gumohom engima. Miangöra injini mönö simbawon akze. Nalö kewöñe sahötzei, eñön mönö sösöngai aka gön kölme. Miangöra wösöbirik maljei, injini mönö simbawon akze.

²² *“Ambazipnöñ injini Suep gölmegö azi ölnangöra aka kazik aka

yaköriba silenje ala urugeqe keu töhören jim engiba kiam sekbölö ewö qetñini kutumei, injini mönö simbawon akze.

²³ *Ambösakonurupñinan miangö dop kezapqetok ambazip yeñgöra ak

engiba malget. Mötket! Anutunöñ töwanjini öngöngöñi Suep mire ali ahöza. Miangöra mewö ak engigetka nalö miangören mönö söngaiba köirañ kölme.

* **6:22:** 1 Pitö 4.14 * **6:23:** 2 Hist 36.16; Apo 7.52

24 Injini simbawonj maljemö, pomnji suki-napņinambuk injini malmal siyonşayonji qahö maljei, mi teköma. Mianğöra nöņön engöra wöłziköba ‘Yei!’ jizal.

25 Nalö kewöņe nem timbirenj maljei, injini mönö wösöņini ali (buörö)

bödi malme. Mianğöra nöņön engöra wöłziköba ‘Yei!’ jizal. Nalö kewöņe sösöņgai aka gön köljei, injini mönö amburerenj aka sahotme. Mianğöra nöņön engöra wöłziköba ‘Yei!’ jizal.

26 “Ambösakonurupņinan kezapqetok ambazip takapulakanj jim möpöseim engiba malget. Ambazip pakpak mianğö dop ak engigetka nöņön engöra wöłziköba ‘Yei!’ jizal.” Mewö.

Kerökurupki mönö jöpaköm engiman.

Mat 5.38-48; 7.12a

27 “Bölöņi ak engimemö, injini keuni möta maljei, nöņön engöra kewö jibi mötme: mönö kerökurupņini uruņinan jöpaköm engiba malme. Denike yeņön kazik ak engizei, i mönö ölopņanök ak engiba malme.

28 “Denike yeņön qesuahöba jinjererenj ak engizei, i mönö köl tömbiba kötuatköm engime. Örom ureim ak engizei, yeņğöra mönö Anutugö köuluköme.

29 “Kunņan nuņgulumgi likepņi qekötahöliiga likepņi mewöyök melenj wanğiman. Kunņan qakņangö malukugi goaņgiriga göņön mönö dutņangö oponji mohokņe memangö möri mi kude aņğön kölman.

30 “Yuaigö ulet gihigetka mi mönö körek yeņğöra engiman. Kunņan göhö inap yuaigi meiga mi

mönö melenḡ gihimapkö kude kapan köla qesiman.

31 *Ambazipnönḡ yuai nanḡinanḡö ak enḡimegö mörakzei, miangö dop mönö nanḡini mewöyök i ak enḡimakḡe.

32 “Gölmegö siḡisöndok ambazipnönḡ alaurupḡinanḡ jöpaköm enḡigetka kitipḡi melenḡda jöpaköm enḡiba möpöseim anḡumakze. Inḡini miangö dop gölmegö tandökḡi wuatangömakze ewö, Anutugörenḡ tosa qahö ahuiga mönö denöwö inḡini möpöseim enḡibawak? Alaurupḡini aka kerökurupḡini mi mönö mohotḡe jöpaköm enḡigetka töwa enḡiiga oyaenḡkoyaenḡ akḡe.

33 “Gölmegö siḡisöndok ambazipnönḡ alaurupḡinanḡ yuai ölöḡḡi ak enḡigetka kitipḡi melenḡ enḡiba ala ak anḡuba möpöseim anḡumakze. Inḡini miangö dop aka gölmegö tandökḡi wuatangömakze ewö, Anutugörenḡ tosa qahö ahuiga inḡini qahö möpöseim enḡima.

34 “Gölmegö siḡisöndok ambazipnönḡ monenḡ yuai mi siḡisöndok ambazip tosatḡi yenḡöra enḡiba kitipḡi miyök melenḡ enḡimegöra kapan kölakze. Mi gölmegö ahakmemeya. Inḡini tosatḡan tosaḡini melenḡ enḡimegö al mambötketka Anutunönḡ mönö denöwö möpöseim enḡibawak? Tosatḡan tosaḡini qahö melenḡ enḡigetka Anutunönḡ mönö kitipḡi mi melenḡda töwa enḡima.

35 “Inḡini mönö Suep Toḡanḡö ahakmemeya aka memba malme. Gölmegö ambazipnönḡ bölöḡḡi aka saiwap qahö jimakzemö, Anutunönḡ töndup i ölöḡḡi ak enḡimakza. Miangöra inḡini mönö kerökurupḡini uruḡinanḡ jöpaköba ölöḡḡanök ak

* 6:31: Mat 7.12

engiba monen yuai engiba miangö likepni kun melenja engimegöra kude al mambötme. Mewö aka malgetka töwaninan sehiba öngöngöni aiga Anutu öngöngönanjö nahönböraturupni aka malme.

³⁶ “Suep Iwiñinan körek pakpak ak kömum engimangö mötzawi, injini mönö miangö dop ambazip pakpak ak kömum engiba malme.” Mewö.

Jimtekötekö tonji ewö kude akne.

Mat 7.1-5

³⁷ “Ambazip tosatni yengö keunini mi kude kewöta jim teköme. Mi qahö jim teköm engigetka Anutunöñ mönö nanñini mewöyök qahö jim teköm engima. Injini tosatni yengö siñgisöndokñinanjö likepni mi qahö melenj engime. Mi qahö melenj engigetka Anutunöñ mönö nanñini siñgisöndokñinanjö likepni mi mewöyök qahö melenj engima. Injini mönö tosatni yengö siñgisöndokñini mosötme. Mi mosötketka Anutunöñ nanñini siñgisöndokñini mewöyök sanjonja mosötma.

³⁸ “Injini ambazip tosatni yengöra yuai ak engigetka Anutunöñ mönö miangö dop kewöta yuai mi melenja engöra ak engima. Miangöra injini mönö yuai kalema engimakne. Mewö engigetka Anutunöñ mönö mewöñanök kalema engimakña. Ölña, Anutunöñ ekbonep qahö möta bauköm engimakña. Anutunöñ kewöta injini engigeri, miangö dopni jömuk memba kiwinöñ mokoï numbune kori utuköi qöröran aiga mulungöi gei toroqeba qakne mokoï dopni onjgita qeqelanjan

eri, mi mönö gösörjine löngöt enjima.” Anutugö könaŋi mewö.

Ambazipnöŋ nanŋini könaŋini eka mötme.

³⁹ *Jisösnöŋ dopkeu kun kewö jii mötket, “Jegömöl ambazip kunöŋ jegömöl alaŋi kun ölop böröŋe memba wanŋitma me qahö? Mewö anbahorak mönö mohotŋe lömnöŋ geba etkubawak. ⁴⁰ *Gwareknöŋ böhiŋi qahö oŋgitza. Böhiŋinan mötmöt pakpak törörök kusum enŋii möt kömumei, körek yeŋön mönö böhiŋini ewö akŋe.

⁴¹ “Gi wuanöŋgöra alagahö jeŋe gödöwöröt morörökŋi ekzanmö, nangi jege ip sahöŋi ketanŋi ahözawi, mia denöwö kude ek kutuzan? ⁴² Nangi jege ip sahöŋi ketanŋi ahözawi, mi qahö ek kutuba denöwögöra alagahö kewö jibanak, ‘Alani mötnöŋ! Jege euke gödöwöröt geba tatzawi, mi ölop itaköbi etma.’ O urumelenŋö silesile azi, gi mönö mutuk nange jegeyök ip sahöŋi (tapötŋi) ketanŋi mi memba gilman. Mi mem gilagun törörök ek kutuba alagahö jeŋe gödöwöröt geba tatzawi, mi ölop itakönöŋga etma.” Mewö.

Ipkö könaŋi mi ölni eka kewöta möt kutume.

Mat 7.16-20; 12.33-35

⁴³ “Ip ölopŋi kunŋan ölni bölöŋi qahö kuŋgumakza. Mewöŋanök ip bölöŋi kunŋan ölni ölopŋi qahö kuŋgumakza. ⁴⁴ *Jau kötŋi mi jömnöŋ asuhuiga membingö osimakzin aka muli ölni mi koururuknöŋ asuhuiga qeköbingö osimakzin.

* **6:39:** Mat 15.14 * **6:40:** Mat 10.24-25; Jon 13.16; 15.20

* **6:44:** Mat 12.33

Miaṅgö dop ipkö ölni eka kewöta kõnaṅi möt kutume.

⁴⁵ *“Azi uruṅan yuai kokolak qei ahözawi, mia mönö numbuṅan aukṅe jimakza. Miaṅgöra azi ölopṅaṅgö uru köweṅe ölopṅaṅgö möriamṅi ahözawi, yaṅön mönö ölopṅi mi aukṅeyök jimakza. Azi bölöṅaṅgö uru köweṅe bölöṅi ahözawi, yaṅön mönö bölöṅi mi aukṅe jimakza.” Mewö.

Miri tandö köhöikṅi aka lölöwöröṅi

Mat 7.24-27

⁴⁶ “Inini nõṅgöra ‘Kembu Kembu!’ qet mi mönö wuanõṅgöra qerakzemö, nõṅön yuai memegö jimakzali, mi qahö tem köla memakze.

⁴⁷ “Denike yeṅön nõṅgöreṅ kaba keuni möta tem köla mezei, nõṅön yeṅgö kõnaṅamṅini kondela dopkeunöṅ jimam. ⁴⁸ Yaṅön mitim qeṅe azi kiaṅgö dop akza: Azi mianṅön ‘Miri memam,’ jiba lõm köröpṅi esiba geba tandöṅi köt jamönṅiṅ qakṅe kuṅgum köhöii kinök. Mewö kiniga kie uru nalöṅe o göulu köhöikṅi gila miri kemaṅe kuṅguyökmö, ölopṅanök mem muhungöi kinök. Miaṅgöra kusumamgö qem bibihiiga köhöiba kinök. ⁴⁹ Qem bibihiyökmö, kunöṅ keuni möta qahö tem köla mezawi, yaṅön mönö mitimqeṅe azi kiaṅgö dop akza: Yaṅön ‘Miri memam,’ jiba tandö qahö esim kõmöta gölme qakṅe kut bim miyök ala meyök. Mei kiniga kie uru nalöṅe o göulu köhöikṅi gila miri kemaṅe kuṅguiga miri mi miaṅgöreṅök kusuiga goromororõṅgöba erök.” Mewö.

* 6:45: Mat 12.34

7

Jisösnöñ suahö galöm kungö nup aziñi mem ölöwahök.

Mat 8.5-13

¹ Jisösnöñ ambazip kambu sutñine mala Buña keuñi pakpak mi jii mötketka engömosöta Kaperneam taonöñ kañgorök. ² Mianğoreñ Rom suahö galöm kungö nup aziñan kawöl yöhöi kömumangö ahök. Galömñan yañgö möri öngöngöñi ahök.

³ Mianğöra Jisösgö buzupñi möta Juda yañgö jitreememe tosatñi melaim engiiga Jisösgöreñ anda kewö qesiget, “Mönö kaba welen aziñi mem ölöwakñan.” ⁴ Anda Jisösgöreñ angota kapañ köla köuluköba jiget, “Ketañamnini, suahö galöm mianğön mönö bauköm wañgimanangö dop ölop sorokñi akza. Mianğöra mönö kanöñ.” ⁵ Mötnöñ, yañön Juda ambazip kambu neñgöra ak wañgiiga ‘Köuluk mirinini membin,’ jiinga kian yañön moneñ ali meget.”

⁶ Mewö jiget möta yembuk anök. Anökmö, suahö galömgö miriñi dopdowii yañön alaurupñi melaim engiba Jisösgöra keu kewö alök, “O Kambu, ni mewörökñi malbiga nöngö miri boñan gualöñmapkö gamuni mötzal. Mianğöra mönö qahö aum kömumba kaman. ⁷ Ni nanangö mötpi eretñi akzawañgöra göhöreñ kamangö dop kude mötzalmö, keu jitkanök jinöñga welen azinan ölöwakña. ⁸ Mi kewögöra: Ni nanak mewöyök galömnañgö kukösum bapne al niñgiget maljal. Nöngö bapne yarö azi malgetka mi jim kutum engimakzal. Yeñgöreñök kungöra ‘Anman’ jim kutubi yañön anma. Kungöra ‘Kanöñ’ jim kutubi

yañön kama aka welen azini kungöra ‘Nup ki meman,’ jibiga yañön mi mema.”

⁹ Jisösnöñ keu mi möta suahö galömgöra welipköba ambazip kambu wuatangöba kageri, yeñgöreñ lilingöba kewö jiyök, “Nöñön kewö jibi mötme: Israel könagesö sutñine mewöyök mötnarip ketañi mewöñi mi kungö uruñe qahö miwikñaijal.”

¹⁰ Mewö jiiga suahö galömgö kolekaziurupñan lilingöba mire angota welen azi miwikñaiaba eketka ölöwaka tarök. Mewö.

Jisösnöñ malö kungö nahönñi mem guliyök.

¹¹ Mianğö andöñe Jisösnöñ taon qetñi Nain mianğöreñ aniga gwarekurupñi aka ambazip kambulelebenöñ wuatangöba anget.

¹² Mianğöreñ taon kiripo nanğunñi dopdowiiga qamöt kun anguba kaget. Malö kungö nahönña mohok-kunñan kömuiga taongö ambazip kambu ketañan tokoba löm kölbingö kaget.

¹³ Kembunöñ malö mi eka wösöñi möta jii mörök, “Kude sahötman.” ¹⁴ Mewö jiba anda bokis anguba kageri, mi jii dörök algetka bokis misiriba kewö jiyök, “Azi gwabö, mönö wahötnöñ. Nöñön göhöra mewö jizal.” ¹⁵ Mewö jiiga qamöt mianjön guliba wahöta könahiba keu jiyök. Keu jiiga Jisösnöñ namñambuk anmapkö wañgiyök.

¹⁶ Ambazip pakpak yeñön mi eka qem sömbuñini möta Anutu möpöseiba jiget, “Kezapqetok azi ketañi kunöñ mönö sutnine asuhaba malja.” Tosatñan jiget, “Anutunöñ könagesöñi mesohol köl nenğii maljin.”

17 Yangö keu buzupñi mi sehiba Judia prowins pakpak dop köla gölmeñi gölmeñi likeplikep mianğoreñ an teköyök. Mewö.

Jongö gwarekyahötñi Jisösgöreñ kayohot.

Mat 11.2-19

18 Jon O-melun azinöñ kösö mire tariga gwarekurupñan yuai pakpak mi asuhuyöhi, mianğö kösohotñi jiget mörök. 19 Jiget möta gwarekñi yahöt etkoholi kayohotka Kembugöreñ anda kewö qesim wañgimahotköra melaim etkiyök, “Mem ölöwak azi kamapköra mamböringa göñön mia akzan me azi kun bian kamapköra mambötpin.”

20 Melaim etkiiga Jisösgöreñ angota jiyohot, “Jon O-melun azinöñ kewö qesim gihibitköra melaim netkiiga kazit, ‘Mem ölöwak azi kamapköra mamböringa göñön mia akzan me azi kun bian kamapköra mambötpin.’ ”

21 Jisösnöñ nalö mianğöreñök ambazip gwötpuk uzi kawöl izekwaizek (ijenwaijen) aka ömeñinambuk mi mem ölöwak engiyök aka jegömöl ambazip gwötpuk jeñini metohoi uba eket. 22 *Jongö gwarek yahötñan angota qesim wañgiyohotka kewö meleñnök, “Yuai eka mötzahori, mianğö kösohotñi mönö anda Jon kewö jiyohot mötma: Jegömöl yeñön uba eketka lokon yeñön köna anda kagetka uzikuku yeñön solanigetka kezapduhup yeñön keu mötketka kömuget yeñön guliba wahötketka etqegeñi yeñöra Ölöwak Buña jim asaribiga mörakze.

* 7:22: Ais 35.5-6; 61.1

23 Mewö asuhui eketka kungö uruñan qahö bölii andö nuñgumawi, yañön mönö simbawoñ akza.”

24 Mewö jiiga Jongö gwarek yetkөн anohotka Jisösnöñ könahiba Jongö könañi ambazip kambu yeñgöra kewö jim asariyök, “Inini gölme qararañkölkölñe miangöreñ wania ekingöra anget? Luhutnöñ jehot uwutapköba metali anjanbanjan ahakzawi, inini azi mewöñi ekingöra anget me?”

25 “Me wanat yuaia ekingöra anget? Azi malukuñi aködamunñambuk löngöta malöhi, mi ekingöra me? Mötket, ambazip malukuñini kulemñi ek sihimñambuk löngöta anda kaba siyoñsayoñi qahö maljei, mienön mönö kiñ yeñgö jakömbuak miriñine malje. Mi gölme qararañkölkölñe qahö.

26 “Me wanat yuaia ekingöra anget? Kezapqetok azi kun ekingöra me? Ölna, nöñön kewö jibi mötket: Azi ekeri, yañön mönö kezapqetok ambazip tosatñi eñgoñgita tandökñi kun akza.

27 *Yañgö könañi mi mönöwök kewö ohoget ahöza, ‘Mötnöñ, nöñön kolekni garata kun melaibiga qeljiñe anda ambazip uruñini mindiñgöba göhö könagi mesariga göñön mönö yañgö andöñe gölmenöñ emu geman.’ 28 Keu mewö ahözapmö, nöñön kewö jibi mötket: Ambinöhök morö pakpak eñgömegetka asuhugeri, yeñgö sutñine Jonöñ mönö körek eñgoñgita qetbuñañambuk kinja. Kinjapmö, Anutugö bemtohoñ uruñe añgota Anutugö qetbuñañi miwikñaimakzei, yeñgö sutñine eretñi kondikñi yañön mönö Jon oñgitza.”

* 7:27: Mal 3.1

29* Ambazip könagesö pakpak aka yeŋgö sutŋine takis meme yeŋön mohokŋe Jongö Buŋaŋi mötkeri, yeŋön jim köleŋda “Aha! Anutugö köna diŋdiŋi jim asariza,” jiba uruŋini melengetka Jonöŋ o melun mem enġiyök. 30 Mewö enġiyökmö, Farisi aka Köna keugö böhi yeŋön Anutugö areŋi qahö tem köla Buŋaŋi andö qeba silekmales aketka Jonöŋ o melun qahö mem enġiyök.

31 “Ambazip merak gölmenöŋ maljei, mi mönö wanatpuk dop al enġibileŋak? Yeŋgö silikŋini mi denöwö? 32 Yeŋön namande ewö akze. Mienön maket sombemnöŋ tata keu gön gila laŋ qeta kewö jimakze, ‘Nini awölop uinga iŋini liŋet gwawet qahö unduget. Nini jingŋen kölinga iŋini qahö toro-qeba sahötket.’ 33 Mianġö könaŋi kewö: Jon O-melun azinöŋ kaba nene siŋgi mala wain o qahö neiga iŋini yaŋgöra jimakze, ‘Öme kunöŋ uruŋe geiga malja.’

34 “Suep gölmegö azi ölnan kaba nene nem söŋgaip aiga enön jimakze, ‘Mötket, yaŋön bau numbu tandök közöjeriba wain o gwötpuk namba takis tilipqilipŋinambuk aka bölöŋi meme yeŋgö alaŋina malja.’ 35 Körek pakpak Anutugö mötkutukutu köl gulimakzei, yeŋgö ahakmemeninaŋgö ölnan mönö mötkutukutuŋinan dop köljawi, mi kondelakza.” Mewö.

Sinġisöndok ambinöŋ Jisösgö könaŋi kelök miriyök.

36 Farisi (Köna keugö kapaŋkölköl) azi yeŋgöreŋök kunŋan Jisös mi nanŋi miriŋe kaba nene nemapkö köl öröyök. Köl öröi anda miriŋe

* 7:29: Mat 21.32; Luk 3.12

öngöba nene dumņe tarök. ³⁷ *Taon mianğöreñ siñgisöndok ambi kun malök. Yañön Jisös Farisi azigö mire öngöba tata nene neyöhi, mianğö buzupņi möta kelök umköhöwakņambuk mokoi köt kirin kun kokolak qeyöhi, mi memba öngöba kayök. Kirin mi nöluk tuat-tuat qetņi alabastö mianğön memeņa.

³⁸ Öngöba kaba Jisösgö könaje geba tata könahiba sahöri imbilņan tiņgita geba könaje miriyök. Miriiga nöröp juņņan kereņ memba kutui öröniiga könaji numbuņan yöhötim namba kelök umköhöwakņambuknöñ miriyök. ³⁹ Miriyökmö, Farisi azinöñ Jisös köl öröyöhi, yañön mi eka uruņan kewö mötmöriyök, “Ambi ki siñgisöndokņambuha. Azi kianğön kezapqetok azia malbawak ewö, yañön mönö ambi könaje misirizawaņgö könaji möt kutubawak.”

⁴⁰ Jisösnöñ mi möt kutuba kewö melenđa jiyök, “Saimon, nöñön keu kun jimamgö mötzal.” Jiiga jiyök, “Böhi, ölop jinöñ mötpi.”

⁴¹ Jiiga Jisösnöñ kewö jii mörök, “Ambazip yahötņan benknöñ anda tosa albitkö moner galömņaņgö qesiyohot. Kunöñ silim 500:kö töwaņi (Kina 2500,-), kunöñ silim 50:gö töwaņi (Kina 250,-) mianğö dop tosa albitkö qesiyohot. Qesiyohotka mianğö dop etkiyök. ⁴² Etkiba könagep tosaņiri misimahot jiiga moneriri qahöwahiga osiyohot. Osiyohotka benk galömņan tosaņiri qeköba kutuba mosöt etkiyök. Mosöt etkiiga yetköreñök dañön i uruņan gwötpuk jöpaköm waņgimakza?”

* **7:37:** Mat 26.7; Mak 14.3; Jon 12.3

⁴³ Mewö qesiiga Saimonöŋ kewö melenök, “Nöŋgö mötmötnöŋ tosa ketanŋi kutuba mosöt waŋgiyöhi, yaŋön.” Mewö melenŋiga jiyök, “Gi keu törörök kewöta jizan.”

⁴⁴ Mewö jiba ambigöreŋ lilingöba kewö jii mörök, “Ambi ki eknöŋ. Nöŋön mirige kotpiga göŋön könani saŋgoŋmamgö o kun qahö niŋgizanmö, ambi kianön mönö könani imbilŋan miriba nörop jupŋan kereŋ memba kutui öröniza. ⁴⁵ Göŋön numbuni qahö yöhötim nezanmö, ambi kianön mönö mire kotpiga miangöreŋök kapaŋ köla könani yöhötim nemba malja. ⁴⁶ Göŋön nöropni kelök kude mirizanmö, ambi kianön mönö kelök umköhöwakŋambuknöŋ könane nömiriza. ⁴⁷ Miangöra nöŋön kewö jibi mötnöŋ: Anutunöŋ ambi kiangö siŋgisöndokŋi gwötpuk mi mosöta saŋgoŋniga miangöra uruŋan ni gwötpuk jöpaköm niŋgiza. Kunöŋ siŋgisöndok boromdökŋi ahiga Anutunöŋ siŋgisöndokŋi morörökŋi mosoriga yaŋön uruŋan borom kun miyök jöpaköm niŋgimakza.”

⁴⁸ Mewö jiba ambi mi kewö jii mörök, “Nöŋön göhö siŋgisöndoki saŋgoŋda mosötzal.”

⁴⁹ Mewö jiiga azi mohotŋe nene nemba tatkeri, yeŋön könahiba nanninök kewö jiget, “Siŋgisöndok saŋgoŋda mosötzawi, yaŋön mönö niŋi azia akŋamgö mötza?”

⁵⁰ Mewö jigetmö, Jisösnöŋ ambigöra jiyök, “Mötnaripkan mönö amöt qem gihiza. Ölop luainöŋ anman.” Mewö.

8

Ambi tosatņan Jisös naņgöba anget.

¹ Miangö andöņe Jisösnöņ liliköba taonņi taonņi aka miriņi miriņi miangöreņ anda Anutugö bem-tohoņgö könaņi jim asariba Ölöwak Buņa keunöņ ambazip uruņini kuņguba malök. Gwarekurupņi 12 yeņön yambuk mohotņe anget. ² *Mewöyök ambi tosatņan yambuk anget. Ambi mi mutuk kawöl eņgöhöi ömenöņ kölköljinjin mem eņgii malgetka Jisösnöņ mem ölöwak eņgiyök. Ambi mi kewö: Maria qetņi kun Magdalagö ambia qetket. Jisösnöņ yaņgö uruņeyök öme 7 közöl eņgii kota anget. ³ Ambi kun qetņi Joana. Yaņgö apņi qetņi Kuza yaņön kiņ Herodkö jakömbuak miri miangöreņ gawmangö moneņ galömņa malök. Ambi kun qetņi Susana, Yeņön aka ambi tosatņi gwötpuk yeņön nanņini moneņ inapņinan Jisös aka gwarekurupņi könanöņ galöm köla naņgöm eņgiget. Mewö.

*Qesiņqesiņ azigö dopkeu**Mat 13.1-9; Mak 4.1-9*

⁴ Ambazipnöņ taon dop miangöreņök öröba Jisösgöreņ kaba kambulelebenöņ tokogetka Jisösnöņ dopkeu kun kewö jiyök:

⁵ “Azi kunöņ nene kötņi qesiņ gilmamgö anök. Anda qesiņniga kötņi tosatņan köna jitņe geba kölget. Geba kölgetka ambazipnöņ tim tökötahögetka könakemba (warawen) neiņi neiņi kaņgota mi nem teköget. ⁶ Kötņi tosatņan köt jamönjinöņ geba kölget. Geba köla miangöreņ

* **8:2:** Mat 27.55-56; Mak 15.40-41; Luk 23.49

gölme oŋambuk qahö miwikŋaiba korapŋi kota soholiba gororoŋgöget.

⁷ “Kötŋi tosatŋan siri uret wahinambuknöŋ geba kölget. Geba kölgetka mienön öröröŋ kota eŋgoŋgita qem turuba böbölohot mem eŋgiget. ⁸ Kötŋi tosatŋan gölme ölöpŋe geba kölget. Geba köla jula wahöta ölni ölöpŋi asuha handötkö dop ahum sehiget.”

Keu mi jim teköba qet ketanŋi kewö qerök, “Kunŋan urukezapŋambuk malja ewö, yaŋön mönö dopkeu ki kezap ala möt kutuma.” Mewö.

Jisösnöŋ denöwögöra dopkeugö könaŋi jiyök.

Mat 13.10-17; Mak 4.10-12

⁹ Mewö jiiga gwarekurupŋan dopkeu kiangö könaŋgöra Jisös qesim waŋgiget. ¹⁰ *Qesim waŋgigetka jiyök, “Anutugö bemtohone angota malbingö keu tölapŋi mi eŋgöra aukŋe jibi möt kutuzemö, tosatŋi yeŋgöra mia dop keunöŋ jibi mörakze. Mewö möta nannini jeŋinan yuai ek-agun könaŋi töndup qahö ek kutume. Nannini kezapŋinan keu törörök mötagun könaŋi töndup qahö möt asarime.”

Jisösnöŋ dopkeugö könaŋi jiyök.

Mat 13.18-23; Mak 4.13-20

¹¹ “Dopkeu miangö könaŋi kewö: Köt qesiŋ gil-jawi, mi Anutugöreŋ Buŋa keu. ¹² Nene kötni köna jitre geba kölgeri, mi kewö: Ambazip tosatŋan Buŋa keu mötzemö, mi mötketka Bölöŋi Toŋan kaba uruŋini melenŋa Suepkö buŋa akepuköra keu kötni mi uruŋineyök qeköba eŋguanŋirakza. ¹³ Nene kötni

* **8:10:** Ais 6.9-10

qesiɲniga köt jamönjiɲnön geba kölgeri, mi ambazip söpsöpɲi kun. Yeɲön Buɲa keu möta mi sösongai qakɲe möt aɲgön kölakzemö, uruɲine geba jalönini qahö megeraɲgöra nalö töröptökɲi miyök möt nariba malgetka esapesapkö nalöɲe mönö tala eɲguma.

¹⁴ “Nene kötni qesiɲniga siriuret wahiɲinambuknön geba kölgeri, mi kewö: Yeɲön Buɲa keu mötketka uruɲine gezapmö, gölmenön malmalgö waimanjatɲi aka moneɲ inap memegö urukönöpɲi ahuba lömbörim eɲgimakza. Qetbuɲaɲinambuk akingöra köpösöngögetka sihim kömbönaɲi bölöɲi tosatɲan mewöyök uruɲine dumgöba Buɲa keu böbölohot mem waɲgize. Mewö aiga ölni qahö gilipitɲi akɲe. ¹⁵ Qahöpmö, nene kötni gölme ölöɲe geba kölgeri, mi ambazip kewöɲi: Yeɲön Buɲa keu kezap ala mötketka uruɲini ölöɲi geɲmonɲi qahö miangören geiga sohobapukö mökösöɲda 8kapaɲ köla galöm kölgetka ölni ölöɲi ölöɲi miwikɲaimakze.” Mewö.

Yuai asa-asambötɲi pakpak mi aukɲe ahuma.

Mak 4.21-25

¹⁶ * “Kunɲan lambe me kiwa ohotiriba kimbutnön kude köl turuma me dum bapɲe qahö alma. Mi qahöpmö, mi miangö dum qakɲe ali tatma. Tata asariiga tosatɲan miri uruɲe öngöbingö mötzei, yeɲön miangö asakɲi eka ölöɲ öngöme.

¹⁷ * “Mewöɲanök urunine yuai kun asambötket tölapɲe ahözawi, mi mönö aukɲe asuhum tiɲgitma.

* **8:16:** Mat 5.15; Luk 11.33 * **8:17:** Mat 10.26; Luk 12.2

Yuai kun köl turuin ahözawi, mi mönö lulungetka kötula ahöma.

18 **“Miaᅅgöra Anutugö keu mötzei, mi mönö urukönömᅅine ala mötmöriba köl guliba malme. Kunᅅan mötkutukutuᅅambuk maljawi, Anutunöᅅ mönö mi toroqem waᅅgii qarimapmö, kunᅅan mötkutukutuᅅi qahö maljapmö, ‘Miambuk maljal,’ jizawi, Anutunöᅅ mönö mötmötᅅi moröᅅi mi mewöyök qeköba waᅅgitma.”* Mewö.

Jisösgö nam-munurupᅅi.

Mat 12.46-50; Mak 3.31-35

19 Jisösnöᅅ mewö jiba maliga nam munᅅan i ekingö kagetmö, ambazip kambu ketanᅅan ölököba gwözöᅅgeraᅅgöra kösutᅅe anbingö osiget. 20 Osiba kingetka kunᅅan kewö jii mörök, *“Göhö nam-mungan mönö yaigep kinda gi gekingö mötze.”*

21 Jii mörökmö, Jisösnöᅅ kewö melenᅅa jii mötket, *“Ambazip ki Anutugö Buᅅa keu möta tem köla köl gulimakzei, mienᅅön mönö nöᅅgö namni aka munurupᅅi akze.”* Mewö.

Jisösnöᅅ jiiga raidimbom göröᅅ qeyök.

Mat 8.23-27; Mak 4.35-41

22 Wehön kunöᅅ Jisösnöᅅ gwarekurupᅅi kewö jii mötket, *“Mönö mosöta o aᅅgö kutuba likepᅅe aᅅgotpin.”* Mewö jiiga waᅅᅅenöᅅ mohotᅅe öᅅgöba o aᅅgö qakᅅe anget. 23 Anda opo seri möröreᅅgögetka luhutnöᅅ naᅅgöiga angetka Jisösnöᅅ gaun ahöyök. Ahöiga luhut raidimbom o aᅅᅅönöᅅ gila siri kunduriga waᅅᅅe uruᅅe geyök. Geba numbuᅅe qemamgö aiga ayuhubingö aket.

* **8:18:** Mat 25.29; Luk 19.26

24 Ayuhubingö aka gwarekurupnan anda möndöba jiget, “Kembu Ketañamnini, mönö nini anğönöñ ayuhubingö akzin.” Mewö jigetka imbiñi möta luhut aka o anğögö siriñi kewö jim qetal etkiiga ösumñiran eriga nöñ qeba ahöyök.

25 Mewö aiga jii mötket, “Enğö mötnariñini mi denike?” Mewö jiyökmö, yeñön awöwöliba qem sömbuñini möta jiget, “Yei, azi kia mönö denöwöñan malja? Yañön mönö luhut aka köwet siri jim kutum etkiiga jitñi tem köl wañgizahot.” Mewö.

Ömenöñ bau uruñine gegetka azinöñ ölöwahök.

Mat 8.28-34; Mak 5.1-20

26 Jisösnöñ gwarekurupñi yembuk toroqeba opo seri möröreñgetka luhutnöñ nañgöi anda o anğö kutuba Galili prowins likepñe Gerasa gölmenöñ anğotket. 27 Mianğöreñ anğota saknöñ öñgöi azi ömeñambuk kun mi taonöhök kaba Jisös miwikñaiyök. Azi mi qaksirinöñ mala qamöt köteñi esiba urorohoget ahögerañgöreñ ahöm malök. Nalö köröpñi opo maluku qahö löngöta miri kungö uruñe qahö ahömalök.

28-29 Ömenöñ nalö köröpñi öröm ureim wañgiiga azi gwötpukñan börö takñi qeba könañi tapepnöñ (muñgamuñga) jöhöba galöm köla malgetmö, tapepñi öroi tiñgitqinğiriga ömenöñ kuñguiga gölme qararañkölkölñe anda lañ malök. Mianğöra Jisösnöñ ömeñi mi kewö jim kutum wañgimangöra ahök, “Öme bölöñi, gi mönö kota azi ki mosöta anöñ.” Mewö jimangö aiga Jisös eka silata gölmenöñ kösutñe geba qet gigilahöba kewö qerök, “Aek Jisös, gi Anutu öñgöñgöñangö nahönñi akzan. Gi mönö denöwö ak niñgimangöra ki kazan. Nöñön

ulet gihizal: Gi sihimbölö könöpñambuk kude ak niñginöñ.”

³⁰ Mewö jiiga kewö qesiyök, “Gi qetki niñi?” Ömewöröme gwötpuk uruñe geba malgerañgöra “Qetnini lijön jizin” jiget. Mi nanine keunöñ Kerök kambu ketañi. ³¹ Mewö jiba Jisös kewö ulet wañgiget, “Gi neñguatañgöba öme löm dutñi qahö miañgöreñ gebingöra kude jim kutum neñgiman.”

³² Kösutñine kundunji marömñe miañgöreñ bau kambu ketañi kun gwözözak uruñe kulunđa malget. Miañgöra ömenöñ kewö jiba ulet wañgiget, “Gi ölop jinöñga nini bau miengö uruñine gebin.” Ulet wañgigetka “Mönö anda geget.” Jiba jim kutum eñgiyök. ³³ Jim kutum eñgiiga azi uruñeyök kota anda bau uruñine geget. Gegetka bau kambu yeñön mönö luhuba nembönembönöñ anda joro-roñgöba o añgönöñ geba nemulahöba kömuget.

³⁴ Mi asuhuiga bau galöm yeñön mi eka taon aka miri morömorö miañgöreñ ölöñ unjurata anda keu buzupñi mi jiget mötket. ³⁵ Jiget möta ambazip sesegilgil yeñön yuai asuhuyöhi, mi ekingöra kaget. Kaba Jisösgöreñ kañgota azi uruñeyök ömenöñ kotkeri, yañön könañe tariga miwikñaiget. Opo sileötañi törörök jöhöba uruñi amöriiga imbi mötmötñi pakpak asuhuiga eka awöwöliget. ³⁶ Azi ömeñambuk malöhañön denöwö ölöwahöhi, mi jeñinan ekerañön jiget mötket.

³⁷ Möta gwötpuk awöwöliba qem sömbuñini mötket. Miañgöra Gerasa gölmegö ambazip kambu pakpak yeñön Jisösnöñ eñgömosötmapköra ulet wañgiget. Ulet wañgigetka lilingöba anmamgö wañgenöñ öñgömamgö ahök. ³⁸ Öñgömamgö aiga

azi uruñeyök ömenöñ kotkeri, yañön kaba Jisösbuk mohotñe anda malmamgöra qesiyök. Mewö qesiyökmö, Jisösnöñ qetala melaim wañgiba kewö jiyök,

³⁹ “Gi mönö lilingöba mirige anda Anutunöñ aᅅgöletot ketañi ketañi ak gihiyöhi, mianᅅgö kösohotñi jinönga mötme.” Mewö jiiga anda Jisösnöñ aᅅgöletot ketañi ketañi ak wañgiyöhi, mianᅅgö keuñi mi taon uruñe liliköba miri dop jim sehiyök. Mewö.

Jairusnöñ böratñangöra Jisös köuluköyök.

Mat 9.18-26; Mak 5.21-43

⁴⁰ Ambazip pakpak Jisösgö mambötketka lilingöba kaiga kambu köla söñgaiba öröm wañgiget. ⁴¹ Köuluk mirigö keu galöm kun qetñi Jairus yañön kaba Jisösgö wösöñe geba simin köla miriñe kamapköra köuluköm wañgiyök. ⁴² Moröurupñi qahöpmö, böratñi mukmorö mohok yambuñi (yara) 12:gö dop mala kömumamᅅ ahök. Jisös köl öröm wañgigetka aniga ambazip kambunöñ likeplikep ölököba utal wañgiget. Mewö.

Kawöl ambi kunöñ Jisösgö malukuñi misiriyök.

⁴³ Utal wañgiba angetka mianᅅgöreñ sutñine ambi kun malök. Yañön yambu (yara) 12 mianᅅgö dop köiñnöñ ehiga nalö dop kawöl yöhöiga malök. Yañön sile galöm yengö töwañini monen inapñi pakpak gil maliga sile galöm körekñan mem ölöwakingö osiget. ⁴⁴ Ambi mianᅅñ Jisösgö andöñe anda malukuñangö kitip suñi misiriiga mianᅅgöreñök sepñi jöpköyök.

⁴⁵ Jisösnöñ qesiba jiyök, “Dañön nömisiriza?” Mewö jiyökmö, ambazip körekñan mi qañ kölgetka

Pitönöŋ jiyök, “Ketaŋamni, ambazip kambunöŋ ölököba utal aŋguba kaba goseize.”

⁴⁶ Jiiga Jisösnöŋ jiyök, “Qahö, kunŋan nömisiiriiga ösumni kun ani mötzal.” ⁴⁷ Mewö jiiga ambinöŋ “Könaŋamni lök asuhuza,” jiba jönömŋi unduiga kaba Jisösgö wösöŋe simin köla kawölŋaŋgö könaŋi aka misiriba mianğöreŋök ölöwahöhi, mianğö könaŋi aukŋe jiiga ambazip kambu körekŋan mötket. ⁴⁸ Mötketka Jisösnöŋ kewö jii mörök, “Böratni, mötnariŋkan mönö mem ölöwak gihiza. Ölop urubönjöhönöŋ anman.” Mewö.

Jisösnöŋ Jairusgö böratŋi mem guliyök.

⁴⁹ Keu mewö jiba kiniga köuluk mirigö keu galömŋaŋgö mireyök kunŋan welen kaba Jairusgöra jiyök, “Böratkan kömuza! Mianğöra böhigö qakŋe lömböt toroqeba kude alman.”

⁵⁰ Jiyökmö, Jisösnöŋ keu mi möta köuluk mirigö keu galömŋi kewö jii mörök, “Keŋgötki kude mötman! Mohok-kun akŋan. Mönö ni möt narim niŋginöŋga böratkan ölöwakŋa.”

⁵¹ Mewö jiba yaŋgö mire anda ambazip tosatŋi engömosöta Pitö, Jon, Jeims aka morö böratkö iwinamŋi iyök enğuaŋgiri nanŋinök miri uruŋe öŋgöget. ⁵² Öŋgögetka ambazip körekŋan jingŋe köla sahöta amburereŋ megetmö, Jisösnöŋ jiyök, “Yaŋön qahö kömuzapmö, gaunök ahöza. Mianğöra mönö sahöt mosötme.”

⁵³ Mewö jiiga gönahit ewö aiga “Mönö kömuza!” möta gön köl waŋiget. ⁵⁴ Gön köl waŋigetmö, börat mi böröŋe memba qeta jiyök, “Böratni, mönö wahötnöŋ.” ⁵⁵ Mewö jiiga uŋaŋan liliŋgöiga mianğöreŋök wahöta kinök. Kiniga numbu nene

wanğiget nemapkö jiyök. ⁵⁶ Iwinamñan mi eka welipköyohotmö, Jisösnöñ yuai asuhuyöhi, mianğö buzupñi kun jiget mötpepukö songo al enğiyök. Mewö.

9

Jisösnöñ gwarekurupñi 12 melaim enğiyök.

Mat 10.5-15; Mak 6.7-13

¹ Jisösnöñ gwarekurupñi 12 mi enğoholi tokogetka ömewöröme pakpak közöl enğimegöra aka uzi kawöl mem ölöwakñegöra kukösumñi ösum-mumuñambuk al enğiyök. ² Kukösum enğiba kewö jiba melaim enğiyök, “Inini mönö anda Anutugö bemtohoñangö könañi ambazip jim asarim enğiba kawöl ambazip mem ölöwak enğiba malme.” ³ *Melaim enğiba jii mötket, “Inini köna anmeañgöra yuaini kun qahö memba anme, öröp qahö, gösö qahö, köna nalem qahö, soujeni qahö. Maluku semönñi qahöpmö, mohok meme.

⁴ “Anda mire denike denike anğotmei, mönö mianğoreñök mala nup memba taon mi mosöta köna anme ⁵ Anda mala miri kunöñ anğotketka qahö köl öröm enğiba keuñini qahö mötketka nesampurekñini mönö kewö jiba kondel enğime, ‘Nini enğö gölmenöñ kainga sölbuham köna tambönine mekötahözawi, mi mönö tim tönjöraringa nanñine lilingöba gema.’ Mewö jigetka könañamñini solanñi möt kutugetka ölop taon mi mosöta toroqeba anme.”

* **9:3:** Luk 10.4-11; Apo 13.51

⁶ Mewö jiiga mosöta anda miriñi miriñi liliköba miri dop Ölöwak Buña jim asariba kawöl ambazip mem ölöwak engiba malget. Mewö.

Herodnöñ Jisösgöra lalalulu siksauk ahök.

Mat 14.1-12; Mak 6.14-29

⁷ *Yuai pakpak asuhuyöhi, miangö qetbuñanjan sehiba gölme bahöñangö (Galili prowinsgö) kiñ Herodkö kezapñe geiga mörök. Ambazip tosatñan kewö jiget, “Jon O-melun azinöñ mönö kömupnöhök wahöta malja.” Miangöra kiñnöñ keugö jaruba lalalulu siksauk ahök. ⁸ Ahökmö, tosatñan jiget, “Elaijanöñ kunbuk asuhuba malja.” Tosatñan toroqeba jiget, “Kezapqetok azi walñi yengöreñök kunöñ mönö guliba wahöta malja.” ⁹ Mewö jigetmö, kiñ Herodnöñ kewö jiyök, “Jon O-melun azi mi nöñön jibi jölñi kutugetmö, kungö keuñi mewö jiget mötzali, mi mönö dañön?” Mewö jiba Jisös ekñamgö kapan köla jörömqöröm ahök. Mewö.

Jisösnöñ azi 5000 nene gumohom engiyök.

Mat 14.13-21; Mak 6.30-44; Jon 6.1-14

¹⁰ Melaimelai azi aposol yeñön Jisösgöreñ lilingöba yuai aka megeri, miangö kösohotñi pakpak jiget mörök. Jiget möta enguangita ambazip qenjarökñini mosöta taon qetñi Betsaida miangö kösutñe nanñinök kötikñe malbingö anget. ¹¹ Angetmö, ambazip kambu yeñön mi möta Jisös andöñe wuatangöba anget. Anda Jisösgöreñ kagetka köl öröm engiba Anutu bemtohoñangö

* **9:7:** Mat 16.14; Mak 8.28; Luk 9.19

könaŋi jim asariba kawöl ambazip mem ölöwak enġiyök.

¹² Mewö aka mali wehön jeŋan teköba gemamgö ahök. Mewö aiga ġwarek 12 yeŋön kaba Jisös kewö jiget mörök, “Nini ġölme kötikŋi kiangören maljinangöra gi ölop ambazip kambu ki melaim enġinöŋga miri koum dowe dowe tat anjei, miangören anda ahöahö miri aka nene miwikŋaime.”

¹³ Mewö jigetmö, kewö jii mötket, “Enjön mönö nanŋinak i nene gumohom enġime.” Mewö jiiga melenġet, “Nini beret sahötŋi 5 aka söra yahöt miyök memba maljin. Miangöra denöwö akinto? Nini ölop anda ambazip kambu ki pakpak yeŋgöra nene söŋgörüŋi membinak me? ¹⁴ (Yeŋön azi 5000:gö dop malje.)” Mewö melenġetka ġwarekurupŋan kewö jii mötket, “Enjön mönö ambazip enġöra jiba menden enġigetka kambu dop 50:gö dop nene nemingö tokoba eta tatme.”

¹⁵ Jiiga mewö aka menden enġigetka ambazip körekŋan eta kambuŋi kambuŋi tat anget. ¹⁶ Tat angetka beret 5 aka söra yahöt mi memba suepnöŋ ui öŋgöiga kötuatköyök. Kötuatköba beret mindipköba ġwarekurupŋi enġiiga ambazip kirip dop menden da sutŋine alget. ¹⁷ Sutŋine algetka körekmakörek nembra nem timbireŋ aket. Nene kitipŋi kitipŋi mosötkeri, mi ġwarek yeŋön qezakögetka sakap 12 miangören geba kokolak qeyök. Mewö.

*Pitönöŋ Jisösgö könaŋi jim miwikŋaiyök.
Mat 16.13-20; Mak 8.27-30*

18 Nalö kunöŋ Jisösnöŋ nanŋök gölme kungen köuluköiga gwarekurupŋan yambuk malgetka qesim enŋiba kewö jiyök, “Ambazipnöŋ nöŋgöra denöwö jimakze? Ni niŋia akzal?”

19 *Jiiga melenŋa kewö jiget, “Tosatŋan ‘Gi Jon O-melun azia akzan,’ jimakzemö, tosatŋan ‘Gi Elaija akzan,’ jimakze aka tosatŋan toroqeba kewö jimakze, ‘Gi kezapqetok azi walŋi yenŋörenök kunŋan kömupnöhök wahöta maljan.’ ”

20 *Mewö jigetka kewö qesim enŋiyök, “Aka nanŋinak nöŋgöra denöwö jize? Ni niŋia akzal?” Qesim enŋiiga Pitönöŋ melenŋa jii mörök, “Gi Anu-tugoreŋ Amötqeqe Tonji Kraist akzan.” Mewö.

Jisösnöŋ kömumamgö keuŋi jiyök.

Mat 16.20-28; Mak 8.30-9.1

21 Mewö jiiga könaŋi aukŋe jiget kunŋan mötpepuköra soŋgo köhöikŋi al enŋiyök. Mewö. 22 Jisösnöŋ jiyök, “Suep gölmegö azi ölnan mönö sihimbölö gwötpuk mötma. Kantrigö jitŋememe, jike nup galöm aka Köna keugö böhi yenŋön mönö andö qeba qegetka kömuma. Kömumba wehön karöbut aiga kömupnöhök wahötma.” Mewö.

Kraist wuatangöbingö söŋöröŋi

23 *Jisösnöŋ ambazip pakpak yenŋöra keu kewö jii mötket, “Kunŋan nöŋgö andöne nuatangöba kamamgö mötzawi, yanŋön mönö nanŋi urusilenanŋö sihim kömbönaŋi bölöŋi andö qeiga sisitŋi megetka sihimbölö mi bisimakŋa.

* **9:19:** Mat 14.1-2; Mak 6.14-15; Luk 9.7-8 * **9:20:** Jon 6.68-69

* **9:23:** Mat 10.38; Luk 14.27

Mi maripomnöŋ kömumawaŋgö dop mökösoŋda ni nuataŋgöba kama.

24 **“Kunŋan malmalŋi nanŋaŋgöra aŋgön köla nanŋi imbi-imbi maljawi, yaŋön mönö malmalŋi ölni jöhöi sohoma. Sohomapmö, kunŋan gölmegö malmalŋi nöŋgöra aka köleŋda tököm niŋgimawi, yaŋön mönö malmal ölnaŋgö könaŋi miwikŋaiba köhöiba malma.*

25 *“Kunŋan gölmeŋi gölmeŋi miengö öroyuaini pakpak köl öroiga buŋaŋi an teköiga uruŋaŋgö malmalŋi mem sohoba silebile mala kömuiga Anutunöŋ keuŋi jim teköiga könöp sianöŋ geba uŋaŋan ayuhuiga qahö dop kölma. Sukinaŋŋi mianöŋ mönö urusösöŋgai qahö ak waŋgima. Qahöpmahöp!*

26 *“Kunŋan nöŋgö qetni aka Buŋa keuni memba eta aljawi, i Suep gölmegö azi ölnan mewöyök ehöröŋ kölma. Yaŋön könaŋep Suep garata töröŋi yembuk ki etiketka yeŋgö, nanŋaŋgö aka Iwiŋaŋgö asakmararaŋini eka aurume. Nalö miangöreŋ azi me ambi mewöŋi mönö ehöröŋ köl waŋgima.*

27 *Nöŋön keu ölni kun kewö jibi mötme: Kiangöreŋ kinjei, engö sutŋineyök tosatŋan Anutugö bemtohoŋan asuhumawi, mi ek kutume. Jebuk mala kömupkö sihimbölöŋi qahö mötketka asuhum tiŋgiriga mi ekŋe.” Mewö.*

Jisösgö sileŋe letotqetot ahök.

Mat 17.1-8; Mak 9.2-13

28 **Keu mi jiiga wehön 8:kö dop teköiga Jisösnöŋ Pitö, Jon aka Jeims enŋuaŋgita kundunje öŋgöba*

* **9:24:** Mat 10.39; Luk 17.33; Jon 12.25 * **9:28:** 2 Pitö 1.17-18

Anutu köuluköyök. ²⁹ Köuluköiga miangöreñ jemesoholñangö kaisongolomñan letota tandökñi murutñi ahök. Malukuñan tuat lalamñi aka kölkölbilikbilikñambuk asariyök. ³⁰ Miangöreñök eketka azi yahötñan asuhuba Jisösbuk keu keu jiget. Mi Moses aka Elaija. ³¹ Asakmararañ uruñe asuhuba Jisösbuk keu kewö eraum mötket, “Anutunöñ Jisös sihimbölö möta kömumapkö melaiga eta zilañ Jerusalem sitinöñ aniga areñ mianñön öñambuk ak teköma.”

³² Mewö eraum mötketmö, Pitönöñ alayahötñi yetpuk jeñinan lömböriiga gaun ahöget. Ahögetmö, gaunöhök imbiñini möta jeñini uba Jisösgö asakmararañi aka azi yahöt yambuk kinohori, mi engeketa. ³³ Engeketa kinda Jisös mosötpitkö ahotka Pitönöñ Jisösgöra jiyök, “Ketañamnini, neñön kiangöreñ uru ölöwak mötzin. Miangöra neñön ölop koum karöbut qebin: Göhö kun, Mosesgö kun aka Elaijagö kun.” Pitönöñ mewö jiyökmö, nanñi keuñangö könañi mi qahö möt kutuyök.

³⁴ Mewö jiba kiniga unuñununñ kunöñ eta aumñan esuhum enjiiga kousu uruñe mala awöwöliba jönömñini unduyök. ³⁵ *Jönömñini undui kingetka kousu uruñeyök qet kun kewö eriga mötket, “Azi ki mi nani nahöna. I ambazip amöt qem enjimangöra möwölöhöm wanñial. Mönö yanñgö keuñi möta malme.”

³⁶ Qet mianñön eri möta gwarek yeñön miangöreñök uba Jisösnöñ nanñök kini eket. Kunduñe yuai ekeri, miangö buzupñi mi nalö

* **9:35:** Ais 42.1; Mat 3.17; 12.18; Mak 1.11; Luk 3.22

mianğöreŋ kude jiba keu bök malgetka kunŋan kun qahö mörök. Mewö.

Jisösnöŋ öme wuatangöi morönöŋ ölöwahök.

Mat 17.14-21; Mak 9.14-29

³⁷ Ahöba wahötketka Jisösnöŋ gwarekurupŋi karöbut yembuk kunduneyök eta sörökŋe ambazip kambuleleme engeget. ³⁸ Engegetka ambazip kambunöhök azi kunŋan qeta kewö jiyök, “Böhi, nöŋgö nahöni mukmoröya akzawangöra mönö kaba i ekŋan. Mianğöra köuluköm gihizal. ³⁹ Mötnöŋ, öme kunöŋ i memba mendawöli mianğöreŋök qet gigilahöi utuköm wanġii wölöhariiga numbuŋeyök qölqölsöutsöt erakza. Öme mianjön öröm ureim wanġiba nalö gwötpuk qahö mosörakza. ⁴⁰ Mewö aiga göhö gwarekurupki öme mi wuatangömegö ulet engizalmö, yeŋön mi osize.”

⁴¹ Mewö jiiga Jisösnöŋ melen wanġiba jiyök, “Yei, gölmegö yanġiseŋ aka misimkaulup ambazip, nöŋön mönö nalö dawik embuk mala qatön engubiga Anutu qahö möt narigetka sihimbölo mötmam? Nahöŋgi mönö wanġita ki kanöŋ.”

⁴² Morö mi wanġita kaiga nalö mianğöreŋ mewöyök ömenöŋ morö utuköba urepköm wanġiiga wölöhariyök. Mewö ahökmö, Jisösnöŋ öme mi jim wanġii mosöri morö mem ölöwaka iwiŋi wanġiyök. ⁴³ Anutugö kukösumŋi ketanjan mewö asuhuiga körekŋan mi eka nemböŋini teköi welipköget. Mewö.

Jisösnöŋ kömumangö bunjanġi jiiga yahöt ahök.

Mat 17.22-23; Mak 9.30-32

Jisösnöŋ yuai pakpak mi meyöhi, miangöra ambazip körekŋan welipkögetka Jisösnöŋ nalö miangöreŋ gwarekurupŋi keu kötni kewö jii mötket, ⁴⁴ “Keu ki mönö kezap ala mötme: Anutunöŋ Suep gölmegö azi ölni mi gölme ambazip yeŋgö böröŋine al waŋgi gema.” ⁴⁵ Keu kötni mi jii mötketmö, mi qahö möt kutuget. Anutunöŋ mi köl turui tölapŋe ahöiga mi qahö möt asariget aka könaŋi denöwö, mi qesibingö kölköldömdöm aket. Mewö.

Gwarek sutŋine daŋön mutukŋi akza?

Mat 18.1-5; Mak 9.33-37

⁴⁶*Gwarek neŋgöreŋök ‘Daŋön öŋgöŋgöŋi akza?’ jiba keu mi mötmöriget. ⁴⁷ Mi mötmörigetmö, Jisösnöŋ urumötmötŋini möt kutuba namande moröŋi kun memba qöhöröŋe ali kinök. ⁴⁸*Kiniga kewö jii mötket, “Körek eŋgöreŋök kunŋan eretŋi kondökŋi akzawi, yaŋön mönö öŋgöŋgöŋi akza. Miangöra kunŋan namande ki nöŋgö qetne miriŋe köl öröba köyan kölmawi, yaŋön mönö ni köl öröm niŋgima. Kunŋan ni köl öröm niŋgimawi, yaŋön melaim niŋgiyöhi, mönö i mewöyök köl öröm waŋgima.” Mewö.

Kunöŋ keröki qahö, yaŋön mönö alagi akza.

Mak 9.38-40

⁴⁹ Nalö miangöreŋ Jonöŋ könahiba keu kewö jiyök, “Ketaŋamni, azi kunŋan göhö qetnöŋ öme közöl eŋgiiga ehin. Yaŋön nembuk qahö liliköba maljawangöra nini i qetal waŋgiin.”

* **9:46:** Luk 22.24 * **9:48:** Mat 10.40; Luk 10.16; Jon 13.20

⁵⁰ Mewö jiyökmö, Jisösnöŋ kewö jii mörök, “I kude qetal waŋgime. Kunŋan qahö qetal eŋgimakzawi, yaŋön mönö eŋgö areŋnöŋ malja. (Miaŋgöra inini mönö nöŋgö alaurupni tosatŋi mi qetala aŋgösirip mem eŋgibepuk.)” Mewö.

Samaria miri kun yeŋön Jisös andö qeget.

⁵¹ Jisösnöŋ Suepnöŋ öŋgömamgö ahök. Miaŋgö nalöŋi törizawaŋgöra Jisösnöŋ kindä “Jerusalem sitinöŋ anmam,” jiba jim köhöiba könahiba könanöŋ anök. ⁵² Anda kolek qeljine aliga mutuk anget. Könanöŋ anda mala Samaria prowinsgö miri kunöŋ aŋgota “Jisösgöra mözöqözözöm akingöra kazin,” jiget. ⁵³ Jiba angetka anökmö, “Ni Judia prowinsnöŋ Jerusalem jike göröken anmam” jiiga miaŋgöra miri aŋgön köla yaizözkök qahö jiget. ⁵⁴ *Mewö aketka gwarekyahötŋi Jeims aka Jon yekŋön mi eka jiyohot, “O Kembu, Suepnöhök könöp eta eŋgohoi qahöwakeak, mewö köuluköbingö mötzan me qahö?”

⁵⁵ Mewö jiyohotmö, Jisösnöŋ lilingöba tembula jim etkiyök. ⁵⁶ Miaŋgöreŋök toroqeba miri kunöŋ anget. Mewö.

Jisös wuataŋgöbingö möndömöndö keunji

Mat 8.18-22

⁵⁷ Könanöŋ angetka azi kunŋan kaba Jisösgöra jiyök, “Gi denike denike anmani, nöŋön mönö miaŋgöreŋ gi guataŋgöba kamam.”

⁵⁸ Mi möta Jisösnöŋ kewö jii mörök, “Arökŋaŋgö kiam yeŋön köteŋine ahögetka könakemba nei yeŋön aipŋini memba malakzemö, Suep gölmegö

* **9:54:** 2 Kiŋ 1.9-16

azi ölğan mönö denike anda nöröpñi wani qömböñnön nariba luhut membawak.”

⁵⁹ Jisösnön azi kungöra jiyök, “Gi kaba ni nu-atañgöman.” Jiyökmö, kewö melenök, “Kembu, mi ölöpmö, iwinan kömumamgö aiga mutuk jinönga anda galöm kölbi kömui löm kölbigun.”

⁶⁰ Mewö jiyökmö, Jisösnön melenäda jiyök, “Mosötnön! Köhömuñi yeñön qamötnini köhömuñi mi ölop löm kölmemö, göñön mönö anda Anutu bemtohoñgö könañi jim asarim enjiba malman.”

⁶¹ *Kunbuk azi kunğan kañgota jiyök, “Kembu, nöñön gi guatañgömamgö sihimni mötzalmö, mötnön, gi ölop jinönga mutuk mire anda tinitosolomurupni yaizökzökñini jibigun.”

⁶² Jiyökmö, Jisösnön melenök, “Kunön gölme mesiñmesiñgö kinön mi hos andöñe jöhöba böröñan kinön supñe memba kini aniga dumñe lilingöba andöñe uzawi, yañön mönö Anutugö bemtohoñnön añgota nupñi memawañgö dop qahö akza.” Mewö.

10

Jisösnön gwarek 72 melaim enjii anget.

Mat 9.37-38; 10.7-16

¹ Miangö andöñe Kembunön gwarek tosatñi 72* mi möwölöhöm enjiiyök. Nanñak “Taonñi taonñi miriñi miriñi anmam,” jiba miangöreñ yahöt yahöt meköba mutuk melaim enjiiyök. ²*“Melaim enjimam,” jiba kewö jii mötket, “Anutugö nupnön

* **9:61:** 1 Kiñ 19.20 * **10:1:** Tosatñan oyoñda 70 jize. Tosatñan 72 jize. * **10:2:** Mat 9.37-38

nene ölni gwötpuk öliba ahözapmö, mi tokobingöra nup meme ambazip nini awamdökni maljin. Miangöra mönö nene öliölinangö Kembunji köuluköm wangigetka nup meme ambazip melaim engiiga ölni mem tokome.

³ *³“Inini mönö anme. Mötket, lama yejön arökñangö kiam kalñi yengö sutñine gegetka luhuba engöhöbepuk, nöjön inini miangö tandök ewö melaim engibi anme. ⁴*⁴Inini monen irimunga me gösö kun me köna esu mi kude memba anme. Anda könanöñ ambazip engeka jiji-kilik-kilik yaizökzök kude akñe.

⁵ *⁵“Anda miri kunöñ öngöba mutuk kewö jime, ‘Anutunöñ miri kiangören luai ali böñjöñ malme.’

⁶ *⁶Mewö jigetka kunñan luai angön kölmangö dop akzawi ewö, luaininan mönö yangö qakñe öngömapi, kunñan mi qahö angön köлма ewö, luaininan mönö lilingöba nanñini qakñine öngöma.

⁷ *⁷Miri öngömei, mönö miangörenök mala nup meme. Ambazipnöñ nup meme ambazip malmalñini nangömeangö dop akze. Miangöra yejön nene aka o engime, mi mönö neme. Miri tosatñe lañlañ kude ahöme. Miri suen kude anda kame.

⁸ *⁸“Taon miangören me miangören angotketka köл öröba nene engime, mia mönö neme. ⁹ *⁹Nemba tosatñan miangören kawöl engöhöi ahöme, i mönö mem ölowak engime. Mewö aka kewö jiget mötme, ‘Anutugö bemtohoñan mönö dowe kaiga miangö uruñe angotme.’ ¹⁰ *¹⁰Mewö akñemö,

* **10:3:** Mat 10.16 * **10:4:** Mat 10.7-14; Mak 6.8-11; Luk 9.3-5

* **10:7:** 1 Kor 9.14; 1 Tim 5.18 * **10:10:** Apo 13.51

taon kunöŋ aŋgotketka andö eŋgumei, miangöreŋ mönö maketnöŋ me sombemnöŋ anda kewö jiget mötme,

11 ‘Nini eŋgö taonöŋ kainga sölbuham yuai köna tambönine mekötahözawi, mi mönö tim tönjöraringa nanŋine lilingöba gema. Gemapmö, keu ki mönö möt yaköme: Anutugö bemtohoŋan mönö kösutŋine asuhuza.’ 12 *Nöŋön kewö jibi mötket: Anutunöŋ nalö ketanŋe qemasolokepŋinanŋö likepŋi melenŋi taon miangö qakŋe öŋgömawi, dop miangön mönö Sodom yeŋgö sihimbölö dopŋi oŋgita toroqem eŋgima.”†

Jisösnöŋ taon 3 yeŋgöra ‘Yei wösöbirik!’ jiyök.

Mat 11.20-24

13 *“O Korazin toŋi, nöŋön eŋgöra ‘Yei!’ jiba sahötzal aka Betsaida toŋi, eŋgöra mewöyök ‘Yei!’ jiba sahötzal. Nöŋön yeŋgöreŋ anbiga keuni jibi sösonihii aŋgöletotni kukösumŋinambuk asuhugetmö, uruŋini töndup qahö melenŋet. Aŋgöletot mi kian gölmenöŋ Taiö aka Saidon sitinöŋ asuhubeak ewö, yeŋön mönö nalö köröpŋi uruŋini melenŋbingö kaisösöpŋi kondela dodohonöŋ aŋgömiriba kau ariba sahötpeak.

14 “Sahötpeakmö, Anutunöŋ könanŋep Korazin aka Betsaida yeŋgö keuŋini jim teköba likepŋi melenŋi sihimbölö mötmei, nalö ketanŋi miangöreŋ mi mönö Taiö aka Saidon yeŋgö sihimbölö dopŋi oŋgita mötme. 15 *Aka Kaperneam toŋi, Anutunöŋ

* **10:12:** Jen 19.24-28; Mat 11.24; 10.15 † **10:12:** Sodom yeŋön bölöŋi kanjamŋambuk memba mala uruŋini qahö melenŋetka Anutunöŋ könöpŋöŋ köndenŋ eŋgiyök.

* **10:13:** Ais 23.1-18; Eze 26.1-28.26; Joel 3.4-8; Amos 1.9-10; Zek 9.2-4 * **10:15:** Ais 14.13-15

inini ölop mem wahöt enggi Suep mire öngöbeak me qahöpto? Qahöpmahöp! Inini mönö kömupkö senjom mire kölöhoba geme.

16 **“Kunḡan keuḡini mötmawi, yaḡön mönö nöḡö keuni mötma. Kunḡan andö engumawi, yaḡön mönö ni andö nuḡumapmö, kunḡan ni andö nuḡumawi, yaḡön melaim niḡiyöhi, mönö i andö qema.”* Mewö.

Gwarek 72 yeḡön liliḡöba söḡaiget.

17 Gwarek 72† yeḡön mala liliḡöba kaba söḡaiba kewö jiget, “Kembu, nini göhö qetke öme wöröme jim kutum engiinga yeḡön mewöyök keunini bapḡe anda tököba anget.”

18 Mewö jigetka Jisösnöḡ melenök, “Nöḡön Satan kakögetka Suepnöhök luhuba wölbilik ewö aköba gei ehal. 19 *Mötket, nöḡön kukösum engibiga inini ölop kitim soraḡen, skorpion (nendaḡ kömbukḡi pomemba) aka kerökniḡö ösum-mumuḡi jitiḡambuk pakpak tiget eriga luhut alme. Miḡḡöra yuai kunḡan qahö engum mizit ak engima.

20 “Miḡḡöra ömewöröme yeḡön keuḡini bapḡe anjemö, töndup engöreḡ söḡḡai bohonḡi mi miḡḡöra kude söḡaime. Engö qetḡini Suep mire ohoget Anutugö bukḡöḡ ahözawi, miḡḡöra mönö önöḡi qahö söḡaime.” Mewö.

*Jisösnöḡ söḡaiba Anutu möpöseiyök.
Mat 11.25-27; 13.16-17*

* **10:16:** Mat 10.40; Mak 9.37; Luk 9.48; Jon 13.20 † **10:17:** Tosatḡan oyoḡda 70 jize. Tosatḡan 72 jize. * **10:19:** Sum 91.13

21 Nalö mianğoreŋ Uŋa Töröŋan Jisös inahöm waŋgiiga söŋgaiba keu kewö jiyök, “O Iwini, göŋön Buŋa keugi mötkutukutu ambazip mötmöt ketani megeri, yeŋğoreŋ asambötnöŋmö, ambazip nahönbörat ewö nanŋinaŋğöra mötketka gukmaulem akzei, mi mönö yeŋğoreŋ indelnöŋga möt asarize. Mianğöra nöŋön Suep gölmegö Kembuŋi gi möpöseim gihizal. O Iwini, gi nangak mewö asuhumapköra mötnöŋ dop köli ölöwahök.

22 *“Iwinan mönö yuai pakpak jim kutuiga nöŋgö buŋaya ahök. Iwinan Nahönŋaŋgö könaŋi nanŋök möt yaköiga kunŋan mi qahö mötza. Mewöyök kunŋan Iwiŋaŋgö könaŋi qahö möt yaköiga Nahönŋanök mi mötza aka ambazip möwölöhöm eŋgiba yeŋğöra mi indelmawi, yeŋön mönö Iwi möt waŋgime.”

23 Jisösnöŋ mewö jiba gwarekurupŋi yeŋğoreŋ liliŋgöba nanŋinök ölöŋ kewö jii mötket, “Inini yuai ek kutuzei, denike yeŋön mi ek kutuzei, yeŋön mönö jeŋinaŋğöra aka simbawoŋ akze. 24 Mianğö könaŋi kewö: Nöŋön keu kewö jibi mötket, Keza-pqetok ambazip aka kiŋ azi kembu gwötpukŋan inini yuai ki ekzei, mi ekingö awöweŋgöba malgetmö, mi qahö eket. Inini keu ki mötzei, yeŋön mi mötpingö awöweŋgöba malgetmö, mi qahö mötket.” Mewö.

Jöjöpaŋ keu bohonŋi yahöt mi denöwö?

Mat 22.34-40; Mak 12.28-31

25 *Köna keugö böhi kunŋan wahöta Jisös bötak ala kewö qesim waŋgiba jiyök, “Böhi, nöŋön

* **10:22:** Jon 3.35; 10.15 * **10:25:** Mat 22.35-40; Mak 12.28-34

denöwö aka malmal kömbönaŋi teteköŋi qahö buŋa qem aŋgubilenak?” ²⁶ Jiiga Jisösnöŋ kewö melenđa qesiyök, “Mosesgö Köna keunöŋ keu denöwö ohoget ahöza? Miangö könaŋi denöwö?”

²⁷ *Qesiiga melenđa jiyök, “‘Gi urugi jömukŋi, uŋagi jömukŋi, kuki jömukŋi aka mötmötki jömukŋi miangön mönö Kembu Anutugi jöpaköba malman,’ aka ‘Nangi jöpaköm aŋgumakzani, mewöŋanök mönö ambazip pakpak jöpaköm eŋgiba malman.’”

²⁸ *Jiiga Jisösnöŋ melennök, “Törörök melenjan. Mi tem köla malmal kömbönaŋaŋgö buŋaya akŋan.”

²⁹ Mewö melennökmo, Köna keugö böhinöŋ ‘Mi tem köla solanŋi akzal,’ mewö mötmöriba könaŋamŋi kondelmangö möta Jisösgöra jiyök, “Ambazip sutŋine mala korali, yeŋgöreŋök mönö dagöra jizan? Niŋja qahö jöpaköm waŋgubilenak?”

Samaria azinöŋ gurusep azi ak-kömum waŋgiyök.

³⁰ Mewö jiiga Jisösnöŋ melenđa jiyök, “Azi kunŋan Jerusalem siti mosöta Jeriko mire geba könanöŋ kegwek-kahasililiŋ yeŋgö böröŋine gei meget. Memba inap yuaini waŋgita oponi qeköba gurusep qeba gila angetka kömumangö aka ahöyök. ³¹ Ahöba mamböriga jike nup galöm kunŋan köna miyök anda eka ek siriba köna likepŋeyök anda oŋgita anök. ³² Aniga mamböri jike nup azi (Liwait) kunŋan miangöreŋ kaŋgota eka mewöŋanök ek siriba oŋgita anök. ³³ *Anökmö, Samaria prowinsgö azi§ kunŋan köna miyök

* **10:27:** Lew 19.18; Dut 6.5 * **10:28:** Lew 18.5 * **10:33:**
2 Hist 28.15 § **10:33:** Juda yeŋön Samaria ambazip jijiwilit ak eŋgizema.

anda ahöyöhi, mianğöreñ anğota eka wösöñi möta ehoriyök.

³⁴ “Ehoriba kösutñe geba uziñi kelök aka wain oñan miriba esuhuyök. Uziñi esuhuba memba kököbihiba donkiñi qakñe ala wañgita qenjarök ahöahö mire anda ala köyan köl wañgiyök. ³⁵ Köyan köl wañgiba ahöba wahöta söñanök silim yahötkö töwañi (Kina 10,-) uzeta qenjarök mirigö toñi wañgiba jiyök, ‘Azi ki mönö köyan köl wañgiba malnöñga moneñ gihizali, mi kude dop köla oñgitma ewö, mi mönö lilingöba kaba mianğöreñ toroqeba gihimam.’ ³⁶ Azi karöbut könañamñini mewö kondelget. Azi kegwek-kahasiliñ yeñgö böröñine geyöhi, yeñgö alañi dañön ahök? Yeñgöreñök dagöra mötnöñ, i uru kalem ak wañgiyök?”

³⁷ Qesim wañgiiga melenñök, “Ak kömum wañgiyöhi, yeñön.” Mewö melenñiga Jisösnöñ jii mörök, “Gi mönö anda mewöñanök aka malman.” Mewö.

Jisösnöñ Marta Maria yetpuk kujuk tarök.

³⁸ *Jisösnöñ gwarekurupñi yembuk könanöñ angetka Kembuñinan miri kunöñ anğorök. Anğoriga ambi kun qetñi Marta yeñön köl öröm wañgii miriñe öñgöyök. ³⁹ Martagö munñi qetñi Maria malök. Yeñön Kembu eka könañi kösutñe eta tata Buña keu jiyöhi, mi kezap ala mörök. ⁴⁰ Mörökmö, Martanöñ lömbuañ nupnöñ öroi anda kaba mökösususu aka Jisösgöra jiyök, “Kembu, munan nömosöri nanök welen nup membi mötnöñ

* **10:38:** Jon 11.1

dop kölja me qahö? Mianğöra mönö Maria jinönga kaba bauköm niŋgima.”

⁴¹ Jiiga Kembunöŋ melenđa jii mörök, “Marta Marta, gi yuai könaŋi könaŋi mianğöra waimanjat möta mötkurumkurum aka könöpŋambuk aka kinjan. ⁴² Mewö kinjanmö, waimanjat mohok kun memba mem köhöninga dop kölma. Nini yuai sehisehiŋi mianğöra qahö osizin. Marianöŋ kewöta urugö likepŋi möhamgöm aŋgumangö möwölöhöba simbawoŋ akza. Malmalgö bahöŋi ölopŋi mi kunŋan kun kude waŋgitma.” Mewö.

11

Jisösnöŋ köulukö könaŋi kusum enğiyök.

Mat 6.9-13; 7.7-11

¹ Jisösnöŋ miri kunöŋ köuluköba mali teköiga gwarekurupŋi yeŋğöreŋök kunŋan kewö jiyök, “Kembu, Jon O-melun azinöŋ gwarekurupŋi köulukö könaŋi kusum enğiyöhi, gi mönö mewöŋanök nini kusum neŋgiman.”

² Jiiga Jisösnöŋ kewö jii mötket, “Inini köuluköbin jiba kewö jime:

Iwi, göhö qetkan mönö töröŋi ahöma. Mönö galöm köl neŋginönga bemtohoŋgahö ölni asuhuma. (Göhö jitsihitki Suepnöŋ tem kölakzei, gölmenöŋ mönö mewöŋanök asuhuma.)

³ Gi wehön dop nene dopnine neŋgiman.

⁴ Tosatŋan bölöŋi ak neŋgigeri, nini körek yeŋgö siŋgisöndokŋini mosötzin ewö, gi mönö neŋğöreŋ siŋgisöndok saŋgoŋ neŋgiman.

Gi esapesapnōḡ eta neḡgubapukōra aḡḡōn kōl neḡgiba Bōlōḡi Toḡaḡḡō bōrōḡeyōk mekōm neḡgiman.”*

⁵ Jiśōsnōḡ toroḡeba kewō jii mōtket, “Eḡḡōreḡōk kunḡan suḡgem bibiḡe alaḡaḡḡō mire anda mōndōba kewō jima, ‘Alani, beret karōbut niḡḡinōḡa likeḡḡi biaḡ melaḡ gihibi. ⁶ Alani kunḡan kōnanōḡ mala nōḡḡōreḡ kaḡḡoriga neneḡamni qahōpkōra gumohom waḡḡimamḡō jaruzal.’ ⁷ Mewō jii alaḡan miri uruḡeyōk kewō melaḡda jima, ‘Gi gaun gwōlō ak neḡḡizan. Ni naḡḡuḡi lōk kōl kōhōibiga nahōnbōraturupnan nōmbuk tumbulahōpnini tumbula gaun ahōzin. Miaḡḡōra wahōta mi gihimamḡō osizal.’ ⁸ Mewō jimapmō, nōḡōn jibi mōtket: Miri toḡan alaḡi akzawaḡḡōra aka qahō wahōta waḡḡimapmō, mi tōndup kapaḡ kōla jiba kinjawaḡḡōra mi ōlōp wahōta qesizawaḡḡō dop kōrek waḡḡima.

⁹ “Nōḡōn miaḡḡō likeḡḡi kewō jibi mōtket: Mōnō Anutu kōulukōme. Kōulukōgetka eḡḡima. Anu-tugōreḡ mōnō yuaigō bōrōḡaḡ memba jarume. Mi jarugetka kondeliga miwikḡaime. Kinda naḡḡuḡōḡ qeme. Qegetka naḡḡu tal eḡḡima. ¹⁰ Kunḡan Anutu kōulukōmakzawi, yaḡōn mōnō likeḡḡi buḡa qem aḡḡuma, yuaigō jarumakzawaḡōn mōnō mi miwikḡaima. Naḡḡuḡōḡ qemakzawaḡḡōra mōnō naḡḡu ōrōm waḡḡima.

¹¹ “Iwiurup eḡḡōreḡōk daḡōn kewō akza: Nahōnḡan sōraḡōra qesiiga salupḡe qatō waḡḡima. ¹² me kuruk kōtḡaḡḡō qesiiga skorpion (nendaḡ

* **11:4:** Tosatḡan keu mi kewō melaḡda jimakze: bōlōḡeyōk mekōm neḡḡiman.

kömbukni pomemba) wanğima? ¹³ Mewögöra inini ambazip bölöni akze aka tündup kalem ölopni ölopni mi nahönböraturupni engibingö mötze ewö, Suep Iwinöni mönö kalemni denöwö anğön kölbawak? Yanğö uruñanğö ahakmemeni mi nenğonğita tandökni kun akza. Mianğöra Uña Töröñanğöra köuluköba qesim wanğime ewö, yanğön mönö sihimñan i melaiğa uruñine gema.” Mewö.

Jisösnöni öme yenğö ösumni onğita qei etza.

Mat 12.22-32; Mak 3.20-27

¹⁴ Ömenöni azi kun tönöt aka numbuñi jöhöiga mötök maliga Jisösnöni ömeni mi wuatangöiga kota mosöri nesilamñan lolohoiga kunbuk keu jiyök. Keu jiiga ambazip kambu yenğön mi eka welipköget. ¹⁵ *Welipkögetmö, yenğorenök tosatñan kewö jiget, “Yanğön mönö öme yenğö kembuñini Katakömulat yanğö ösumnön ömewöröme enğuatangömakza.”

¹⁶ *Mewö jigetka tosatñan Jisös keugö bötaknön öromapköra esapköm wanğiba kewö qesiget, “Gi mönö jim kutunöni Suenöhök anğöletot kun asuhuiga ekin.” ¹⁷ Qesigetmö, yanğön uru mötmötñini möt teköba kewö jii mötket, “Kantri denike yenğö galömurupñinan sutñine anğururuk aka julmei, yenğön mönö ayuhum anğugetka kantriñinan böliba sahopñanök ahöma. Mewöyök miri kungö könagesö yenğön julmei, miriñinan mönö qeqelanñan ahöma.

¹⁸ “Mötket! Satangö könagesö yenğön mewöyök sutñine anğururuk aka julbeak ewö, yanğön

* **11:15:** Mat 9.34; 10.25 * **11:16:** Mat 12.38; 16.1; Mak 8.11

mönö gawman nupɲini membingö osigetka ömetohoɲinan mönö denöwö kinbawak? Inini nöngöra kewö jize: Yaɲön Katakömulatkö ösumnöɲ ömewöröme enɟuataɲgömakza. ¹⁹ Mewö jizemö, mötket, nöɲön Katakömulatkö ösumnöɲ ömewöröme közöl enɟibileɲak ewö, enɟö alaurupɲinan mönö dagö ösumnöɲ mi közöl enɟibeak? Miaɲgöra yeɲön mönö keuɲini ölni me qahö, mi kewöta jim teköme.† ²⁰ Mi jim tekömemö, Anutugö ösumɲan nöngö börö kesötni sölölohöi öme enɟuataɲgömakzal ewö, Anutugö bemtohoɲan mönö enɟöreɲ kam kuɲguza.

²¹ “Azi köhöikɲan timbi liɲɟipɲambuk miri gölmeɲi galöm meiga sukinapɲan mönö kahaimök ahöma. ²² Mewö ahömapmö, azi köhöikɲi kötökɲan luhuba kaba qeba luhut al waɲgiba timbi liɲɟipɲi nariyöhi, mi körek waɲgita qezanda sukinapɲi memba anda alaurupɲi mendeɲ enɟima.

²³*“Kunɲan nömbuk qahö maljawi, yaɲön mönö qetal niɲgimakza. Kunɲan ambazip nöngö qetne tokomegöra qahö öröm enɟimakzawi, yaɲön mönö mendeɲ enɟimakza.” Mewö.

Öme yeɲön azi uruɲe liliɲgöbingö kapan kölje.

Mat 12.43-45

²⁴ “Ömenöɲ azi uruɲeyök kota gölme qararaɲkölkölɲe anda laɲ liliköba mala luhut memangö miri jaruba kun qahö miwikɲaiba

† **11:19:** Nanɲini sile galömurupɲinan Anutugö qetɲi qeta töndup öme mi Katakömulatkö kukösumnöɲ közöl enɟigetka nöɲön mi Anutugö ösumnöɲ közöl enɟimakzal. Öroröɲ qahö kinjinaɲgöra daɲön ölni aka daɲön keu muneɲi wuatangömakzawi, mi ambazipnöɲ kewöta jim teköme. * **11:23:** Mak 9.40

ölan yöhöiga kewö jima, ‘Mirini mosöta kazali, mianğoreŋ mönö kunbuk lilingömam.’²⁵ Mewö jiba lilingöba miriŋi usuŋda meŋölöi ahöyöhi, mi mewöŋanök ahöi miwikŋaïma.²⁶ Mewö miwikŋaïba anda öme tosatŋi 7 eŋguaŋgitma. Öme 7 mi nanŋi oŋgita bölöŋi kötökŋi akze. Yaŋön mi eŋguaŋgiriga kaba miri mi öngöba mianğö uruŋe malme. Mewö aiga azi mianğö könaŋi mutuk kileŋkileŋ ahökmö, könaŋep bölüm qölim teköma.” Mewö.

Denike yeŋön simbawoŋ akze?

²⁷ Jisösnöŋ keu mewö jiba mali ambazip kambu sutŋineyök ambi kunŋan qeta Jisös kewö jii mörök, “Gömokni, ambinöŋ gölöm ala gömimba juzu gumohom gihiyöhi, nöŋön yaŋgö mötŋi simbawoŋ akza.”²⁸ Mewö jiyökmö, Jisösnöŋ kewö melenök, “Mi jizanmö, nöŋön kewö jimam: Ambazip Anutugö keugöra kezap ala möta tem köla köl guli-makzei, yeŋön mönö simbawoŋ akze.” Mewö.

Böhi tosatŋan aŋgöletököra kapaŋ köla uletket.

Mak 8.11-12; Mat 12.38-42

²⁹ *Ambazip kambunöŋ tokogetka qariiga Jisösnöŋ toroqeba keu kewö jiyök, “Ambazip merak gölmenöŋ maljei, mi kambu bölöŋa. Yeŋön Anutugö aiwesökŋaŋgöra kapaŋ kölakzemö, aiwesök kun kezapqetok azi Jonagöra lök asuhuyök. Anutunöŋ aiwesök murutŋi kun qahö al eŋgima.³⁰ *Keu mianğö könaŋi kewö: Anutunöŋ mönöwök Jona melaiiga Niniwe yeŋgö sutŋine anda Anutugö aiwesökŋi ahök. Mianğö dop Suep

* **11:29:** Mat 16.4; Mak 8.12 * **11:30:** Jona 3.4

gölmegö azi ölnan mewöyök ambazip kambu kiangö sutñine asuhaba uruñini melenmegöra kunğum engiba aiwesökñina akña.

31 *“Könañamñinañgö kaisösöpñi kun kewö: Anutunöñ mönöwök mötkutukutu öngöñgöñi ketañi mi kiñ Solomon wañgiiga Saut görökenök kantri kungö qin ambinöñ Solomongö mötkutukutuñi mötmamgö sihimñi mörök. Sihimñi möta gölme göraneyök wahöta köna köröp tiñtiñi kaba mala Solomongö mötmötñi mörök. Mi mörökmö, mötket, nalö kewöñe nöñön sutñine asuhaba kinda Anutugöreñ mötkutukutu öngöñgöñi memba kazali, mi Solomongö mötkutukutuñi oñgitzta. Oñgitzapmö, inini töndup nesampurek ak niñgiba tönpin kingetka qahö dop kölja.

“Miañgöra Anutunöñ könañgep ambazip körek pakpak öröm engii keuñini jim tekömapköra jeñe añgotmei, nalö miañgöreñ Saut kantrigö qin ambi miañön mönö mewöyök añgotma. Yañön ambazip kambu ki kinjei, embuk öröröñ kömupnöhök wahöta engö qöhöröñine mohotñe kinma. Mohotñe kinda keu kewö engö silenine alma, ‘Inini Jisös nesampurek ak wañgigetka Anutunöñ likepñi melen engii sihimbölä öngöñgöñi mötme.’ Yañön mewö jiiga silikñi kewöta nanñinañgöra gamuñini mötme.

32 *“Jonanöñ Niniwe ambazip sutñine anda Anutugö keunöñ uruñini kunğui möta miañgöreñök uruñini melengetmö, mötket, nöñön sutñine asuhaba kinda Jonagö ahakmemenji

* **11:31:** 1 Kiñ 10.1-10; 2 Hist 9.1-12 * **11:32:** Jona 3.5

onqita ahakzal. Mewö ahakzalmö, inini töndup nesampurek ak niŋgimakze.

Miaŋgöra Niniwe ambazipnöŋ jimtekötekögö nalö ketaje ambazip kambu ki kinjei, embuk öröröŋ kömupnöhök wahöta eŋgö qöhöröŋine mohotje kinme. Mohotje kinda Niniwe yeŋön keu kewö eŋgö silenine alme, 'Inini Suep gölmegö azi ölni nesampurek ak waŋgigetka Anutunöŋ likepni melen eŋgii sihimbölö öŋgöŋgöŋi mötme.' Niniwe yeŋön mewö jigetka ahakmemeninan nanŋini könaŋamŋini indelgetka gamuŋini mötme." Mewö.

Kiwa mi asakŋi neŋgimapköra ahöza.

Mat 5.15; 6.22-23; Mak 4.21-23

³³ *"Kunŋan lambe me kiwa ohotiriba köwe waŋgömŋe me kimbutnöŋ qahö almapmö, mi mönö miaŋgö dum tatatnöŋ alma. Mewö ali tosatŋan miri uruŋe öŋgöbingö mötzei, yeŋön miaŋgö asakŋi eka ölop öŋgöme. ³⁴ Göhö jegi mi uru silegahö kiwaŋi akza. Miaŋgöra kawöl kunöŋ jegi qahö mem böliza ewö, miaŋön mönö tohoba asarim teköi Anutugö asakŋan ölop uruge mem asariiga malmalgi pakpak asakŋe malman. Asakŋe malmanmö, sihim kömbönaŋi bölöŋan me yuai kunŋan jegi mem böliba asakŋi közambötza ewö, miaŋön silegö malmalgi mewöyök mem söŋauiga pandaman uruŋe jipjap malman.

³⁵ "Mewö aiga mötnöŋ, söŋaupnöŋ urugahö asakŋi közamböri söŋaubapuköra mönö tihitki möta galöm mem aŋguman. ³⁶ Mewö aknöŋga Anutugö asakŋan urugi körek dop köli waŋgömŋi kun qahö

* **11:33:** Mat 5.15; Mak 4.21; Luk 8.16

söḡauza ewö, göhö silegan mönö mewöyök asoḡ-kilik-kilikḡambuk aka jemesoholgan asariza. Kiwa ketanjan silege kuḡguba kölköl-bilikbilikḡambuk mem asarim gihizawi, malmalgi mönö mianḡö dop Anutugö asakḡe al teköba malman.” Mewö.

*Urumelenḡö silesile tandököra ‘Yei!’ jiiga 6 ahök.
Mat 23.1-36; Mak 12.38-40; Luk 20.45-47*

³⁷ Jisösnöḡ keu mi jim teköi Farisi (Köna keugö kapanḡkölköl) azi kunöḡ kewö jiba köl öröm wanḡiyök, “Gi ölop nöḡḡö mire öḡḡöba tata nene nembin.” Mewö jiiga anda öḡḡöba nene nemamḡö tarök. ³⁸ Mutuk böröḡi qahö sanḡonḡa eta tarökmö, Farisi azinöḡ silik mi eka welipköyök. ³⁹ Welipköiḡa Kembunöḡ kewö jii mörök, “O Farisi inḡini mönö ölnḡa amöt qem anḡubingöra qambi aka al nenegö silenḡi sanḡonḡ yakömakzemö, nanḡini urunḡinan mönö tölohoza. Mi dogo jimamonḡ aka qewölonḡ mianḡön kokolak qei malje.

⁴⁰ “O inḡini, urunḡini qahö. Kunöḡ silenḡi pakpak miwikḡaiyöhi, yanḡön mönö urunḡi mewöyök miwikḡaiyök me qahö? Inḡini mönö wuanöḡḡöra uru likepḡanḡöra tanḡanḡ akze? Mi qahö dop kölja. ⁴¹ Mianḡöra yuai kiwi al nenenöḡ tatzawi, mi mönö kalema ambazip wanapḡi enḡime. Mewö aketka Anutunöḡ amöt qem enḡii enḡörenḡ yuai pakpak mönö sarakḡi ahöma.” Mewö.

⁴² *“O Farisi ambazip, lömböt qakḡine öḡḡözawanḡöra mönö wölköba ‘Yei!’ jizal. Inḡini nene pakpak mendenḡa bahöḡi 10 mianḡörenḡök mohot Anutugö buḡaya qemakze. Gipḡi, supe aka yöha könanḡi könanḡi mi mewöyök menḡendenḡa

* **11:42:** Lew 27.30

tenöhök mohot mi Anutugö buña qemakze. Naluk mi törörök alakzemö, Köna keugö kötni bohonji ki mönö ongita mosörakze: Gi Anutu uru könömgan jöpaköm wangiman aka ambazip sutñine ahakmeme diñdñi wuatangöba malman. Keu bohonji mi mönö kapan köla wuatangöba malme aka keu morömorö mi mewöyök kude ongita mosötme.

⁴³ “O Farisi, lömböt qakñine öngözawangöra mönö wöziköba ‘Yei!’ jizal. Inini köuluk mire dum tatat mutukñe jegep tatpingö sihimñi mörakze. Maketnöñ me könanöñ ambazip engeketa jölöñini jimegö mörakze. ⁴⁴ O inini, lömböt qakñine öngözawangöra wöziköba ‘Yei!’ jizal. Inini qaksiri qetñini qahö miañgö dop akze. Ambazipnöñ qamöt wörönñambuk denike ahözawi, mi qahö möta qakñine lañlañ tiba yuai dönqizinañbuk oseiba tölohomaqze.” Mewö.

⁴⁵ Jisösnöñ keu mewö jiiga Köna keugö böhi yengöreñök kunñan möta melenña kewö jiyök, “Böhi, gi keu mewö jiba nini mewöyök gamu qem neñgizan.”

⁴⁶ Mewö jiyökmö, Jisösnöñ keu kewö jiyök, “O Köna keugö böhi, engö qakñine mewöyök lömböt öngözawangöra wöziköba ‘Yei!’ jizal. Inini keunji keunji jim kutuba miañgö könjön lömbötñi ambazip qakñine alagun algetka mi tem kölbingö lömböriiga jarañbarañ ahakzemö, nanñinak i kesötñinan borom kun bauköm engibingö wösömötmötñini kun qahö ahöza.

⁴⁷ “O inini, lömböt qakñine öngözawangöra mönö wöziköba ‘Yei!’ jizal. Inini kezapqetok ambazip yengö qaksirinöñ simen koum memba

menjölömakzemö, nanñini ambösakonñinan mönö i enjuget kömuget. ⁴⁸ Nanñini ambösakonñinan kezapqetok ambazip enjuget kömugetka inini yengö qaksirinine koum memba simen alakze. Mewö aka mianñon ambösakonñini yengö ahakmemegöra imbi köla keunini nanğöba jiba dangunu ewö kinje.

⁴⁹ “Mianğöra Anutu, mötkutukutu Tonji yanñon kewö jiza, ‘Nöñon kezapqetok ambazip aka aposol melaim enjibi enğoren kame. Kagetka yengörenök tosatñi i enjuget kömume aka tosatñi sesewerowero ak enjime.’

⁵⁰ “Anutunöñ Suep gölme miwikñaim etkiyöhi, nalö mianğörenök könahiba kezapqetok ambazip enjugetka sepñini mokoget eri, mianğö sep kitipñi pakpak mi ambazip merak maljei, mönö enğö qakñine öngöi sihimbölö mötme. ⁵¹ *Abelgö sepñan eri mianğörenök könahiba enğuba kota mala Zekaraia jöwöwöl alta aka jöwöwöl jike kömbukñi mietkö sutñire qeget sepñi eri mianğoren teköyök. Nöñon keu kewö jibi mötme: Sepñinangö kitipñan mönö ambazip merak maljei, enğö qakñine öngöiga sihimbölö mötme.

⁵² “O Köna keugö böhi inini, lömböt qakñine öngözawanğöra mönö wöziköba ‘Yei!’ jizal. Inini Anutugö mötmöt membingö nanğu ki moröñi mi ambazip enğuanğita anğon köl enjimakze. Nanñinak mianğö uruñe qahö anğotket aka tosatñan mianğö uruñe anğotpingö akzei, inini i jöhöba anğon köl enğiba malget.”

* **11:51:** Jen 4.8; 2 Hist 24.20-21

⁵³ Jisösnöŋ keu mewö jiba mosöta ani Köna keugö böhi aka Farisi yeŋön könahiba keu könöpŋambuk jim waŋgiba keu könaŋi könaŋi jimapkö qeŋesi gwötpuk al waŋgiŋet. ⁵⁴ Al waŋgiŋetka numbuŋeyök keu kun qiwitipköiga mianŋön köpeiba keugö bötaknöŋ örömapköra mönöget. Mewö.

12

Urumelengö silesile malmalgö galöm meme keu Mat 10.26-27

¹ *Jisösnöŋ keuŋi jüiga nalö sutŋe miangören ambazip tausenni tausenni yaŋgören tokoba ölöqölököba utakutal aŋguba kinget. Mewö aka kingetka könahiba gwarekurupŋi kewö jii mötket, “Yuai mutukŋi ki: Inini mönö Farisi (Köna keugö kapaŋkölköl) yeŋgö urumelengö silesile ahakmemenjanŋöra galömŋini meme. Mi wösö kömbukŋi ewö akza. Mi qahö mosötme ewö, mianŋön mönö yist ewö qariba mem bölim eŋgima.

² *“Ambazipnöŋ yuai önun meget ahözawi, mi pakpak mönö kötulgetka aukŋe ahuma. Mewöŋanök keu asambötket ahözawi, mi pakpak mönö indelgetka möt kutume. ³ Mianŋöra mönö keuŋinanŋö galöm memba malme. Inini keu söŋaupnöŋ ölöŋ jimei, mi mönö asakŋe jigetka mötme. Inini miri uruŋe waŋgömŋi kungen saŋepnöŋ kezapŋine jimei, mi sobemnöŋ aukŋe jim asarime.” Mewö.

Dagöra keŋgötnini mörin dop köлма. Mat 10.28-31

* **12:1:** Mat 16.6; Mak 8.15 * **12:2:** Mak 4.22; Luk 8.17

4 “Alaurupni nõjõn engõra kewõ jibi mõtme: Tosatjan silenini qem kõmumba miangõ andõne yuai kun toroqeba akingõ osime, yengõra mõnõ kenngõtjini kude mõta malme. ⁵ Mi qahõpmõ, dagõra kenngõtjini mõtketka dop kõlmawi, nõjõn mi kondel engimam. Kun danõn kukõsum memba engui kõmugetka tõtal engii kõnõp sianõn gemei, yangõra mõnõ kenngõtjini mõta malme. Engõra keu mi kunbuk jizal: yangõra mõnõ kenngõtjini mõta malme!

⁶ “Tosatjan bekõsõm (jõjõrõm, ulisit) 5 mi toiya yahõtjan sõngõrõni memegõra alakzemõ, Anutunõn mienngõrenõk mohok-kungõ qahõ õlum qeyõk. ⁷ Anutunõn kõyan kõl engiba nõrõp jupjini pakpak mewõyõk oyoõ tekõba janngõjini mõtza. Ambazip engõ sõngõrõjini mi bekõsõm ulisit gwõtjuk engõngita õngõngõjini akza. Miangõra kenngõtjini mõnõ kude mõta malme.” Mewõ.

Kraist jim miwikjaim me qan kõlme?

Mat 10.32-33; 12.32; 10.19-20

⁸ “Nõjõn keu kun jibi mõtket: Kunjan ni ambazip jenne jim miwikjaim ningimawi, Suep gölmegõ azi õljan mõnõ mewõjanõk i Anutugõ garataaurup yengõ jenne jim miwikjaima. ⁹ Mewõmõ, kunjan ni ambazip jenne qan kõl ningimawi, nõjõn mõnõ mewõjanõk i Anutugõ garataaurup yengõ jenne qan kõlmam.

¹⁰ * “Kunjan Suep gölmegõ azi õlji qetala keu jimawi, Anutunõn mi õlõp mosõtmapmõ, kunjan Uja Tõrõjini ilita mepaqepaik akjawi, yangõ sinngisõndokjini mi Anutunõn qahõ mosõtma.

* **12:10:** Mat 12.32; Mak 3.29

11 **“Ambazipnönj injini öröba keu jakenjine al engigetka köuluk mirinjine me kiap premiö aka kantrinji kantrinji mienjö kinj kembu yengö jemesoholjine kinmei, nalö mianjörenj keunjanjö likepñi wani keuya denöwö jibinak mianjö waimanjatñi kude mötme.* ¹²*Mi kewögöra: Injini keu jimei, mi Uña Törönjan aua mianjörenjök kusum enjiiga jime.”* Mewö.

Nepaqepalok azi pomñanjö dopkeu

¹³ Ambazip kambu sutñineyök azi kunñan Jisösgö jiyök, *“Böhi, iwiniran kömuiga gi mönö datnanjö jinönga iwiniranjörenj börösamotñi mendenja ningima.”*

¹⁴ Mewö jiyökmö, Jisösnönj kewö melenj wanjiyök, *“O azi, danön etkö jimtekötekö tonjiri akñamgöra kungum ningiyöha gölmenjiri mendenbilenjak?”* ¹⁵ Mewö jiba keu kewö toroqeyök, *“Inap ainemalukunjan awamñanök me kelenmalelj ahöbawak, malmalñinanjö könani mi mianjörenj qahö ahöza. Malmalñini qahö kewöta monej sukinapnönj möndöme ewö, mönö ayuhume. Mianjöra membagan memingö nepaqepalok (gridi) pakpaköra mönö galömjini memba malme.”*

¹⁶ Mewö jiba dopkeu kun kewö jii mötket, *“Azi pomñi kun malök. Yanön gölmeje nene nupñi meiga töhötmöriam ketanji asuhuyök.* ¹⁷ *Mi asuhuiga urunjan kewö mötmöriba jiyök, ‘Nöngö köwe mirini mi morörökñi. Mianjöra padi gösöñi gösöñi, koñ kambunji kambunji, sehoñ böranji böranji mi mönö denikeanjörenj tokobilenjak?”*

* **12:11:** Mat 10.19-20; Mak 13.11; Luk 21.14-15

Mönö denöwö akñamto?’ ¹⁸ Mewö jiba jiyök, ‘Mönö kewö akñam: Ni köwe mirini köndennda salupñe köwe miri ketani ketani memam. Mi memba nene töhötmöriamni aka sukinapni pakpak mönö mianğöreñ qezaköbi tatma. ¹⁹ Mianğöreñ tariga nananğöra kewö jimam: O gi simbawonj! Töhötmöriamni mönö awamni qahö ahöm gihiza. Mianğöra mönö nene nem söñgaiba yambunji yambunji siyoñsayoñi qahö luhut memba ösöñ malman.’ ²⁰ Mewö jiyökmö, Anutunöñ kewö jii mörök, ‘O gi, urugi qahö! Nöñön nalögi ala jim teköba uñagi sunğem kianğöreñök goangitpiga kömuman. Kömunöñga öroyuai pakpak buña qem anğuba malnöñi, mi mönö dagö buñaya akñapto?’

²¹ “Kunñan nanñanğöra ainemaluku guli dötnam yuai tokomakzapmö, Anutugö qöhöröñe urugö töhötmöriamni qahö ahöm wanğizawi, yanğöra mönö lömböt ketani mewö asuhuma.” Mewö.

Anutu möt nariba waimanjat kude akñe.

Mat 6.25-34

²² Jisösnöñ gwarekurupñi kewö jii mötket, “Mewö asuhumapmö, nöñön enğöra kewö jibi mötket: Inini gölmenöñ malmeanğö waimanjatni mi kewö jiba kude akñe: Nini mönö wanat yuainöñ gumohom anğubinak aka wanatnöñ sileninanğö löngötpinak? ²³ Silenjinambuk maljei, mianjön bohonñi aiga opo kereñnöñ mönö mianğö nembö bapñe ahöza. Jenjinambuk maljei, mianjön bohonñi aiga nenenöñ mönö mianğö nembö bapñe ahöza.

²⁴ “Mönö koekoe nei enğekñe: Mienjön nene kötni qahö qesin gilakze. Padi ölni qahö yandiba

köwe miriñine qahö tokomakze. Yöha sihiñini mi qeköm nembu mirinöñ qahö alakze aka Anutunöñ mi töndup i gumohom enjimakza. Ambazip enjö söñgörüñini mi nei söñgörüñini enjonjgita öñgöba ahöza. Mönö mi mötmörijet anök.

25 “Enjörenök kunñan waimanjat aka mewö mi-añön gölmenöñ malmawanjö nalöñi mi sömañi mohotkö dop mem toroqema me qahö? Mi qahöpmañöp!”

26 “Mewö aiga yuai morörökñi mewö akingö osime ewö, yuai tosatñi pakpaköra mönö denöwögöra waimanjat akeak? 27 *Inini mönö jariñ juranji aködamunñinambuk mi enjekñe: Mienön opo sörüñinañgöra möt qahö loñgalakze. Nup yuai tosatñi kun qahö memakze aka mi töndup kewö jibi mötket: Kiñ Solomonöñ goul silwöñi qeraköba malukuñi ason-bilikbilikñambuk löngöta malökmö, yanjö malukuñi mi kiten soranjingö dop eksihimñambuk qahö ahöyök.

28 “Jariñ juranji töhön mi merak gölmenöñ kösutnine ahöi uran kölgetka eri gila qezaköba ohoget jema. Mi töndup Anutunöñ juranji mewöñi kun mi tok ölöpñanök meñölömakza. Mianjöra yanön inini mewöyök ölöp esuhum enjima. Inini jariñ juranji mianjö dop qahö akze. Anutunöñ köyan köl enjimangö mötzawi, sihimñi mianön mönö yuai pakpak enjonjgita öñgöza. O ambazip, mötnaripñinan mönö wuanöñgöra morörökñi akza?

* **12:25:** Tosatñan kewö melenña jize: Enjörenök kunñan waimanjat aka mewö mianön silenji wan fitkö dop toroqeba mem körimangö osima. * **12:27:** 1 Kiñ 10.4-7; 2 Hist 9.3-6

29 “Mewö aiga injini mewöyök malmalñinañgöra mötkurumkurum kude akñe. Mi aka lömböriba kewö jibepuk, ‘Nini mönö wani nene aka wani o nembinak?’ Mewö jiba uruñini miangören kude ala urueret aka urukönöpuk miwikñabepuk. 30 Kantri dop urumelenğö kopa yeñön yuai mewöñi pakpak buña qem añgubingö kapan köla urukönöp ahakze. Mi ahakzemö, injini nene opo yuaigöra mözöröngöba osizei, Iwiñinan mönö mi möt teköza. 31 Mianğö urukönöp kude akñemö, mönö Anutugö bemtohoññöñ añgotpingö kapan kölme. Uruñini miangören alget ahöiga yañön mönö galöm köl eñgiba yuai mewöñi mi mewöñanök toroqem eñgima.” Mewö.

Buñanini Suepnöñ me gölmenöñ tokoinga dop kölja?

Mat 6.19-21

32 “O kambuni morörökñi, Iwiñinan bemtohoñ al eñgimangö mötzawañgöra mönö keñgötñini kude möta malme. 33 Gölmegö moneñ inapñi mi kapan köla qeraköbepuk. Mianğöra yuai ahöm eñgizawi, mi mönö söngöröñangö ala moneñ öröba bahöñi ambazip wanapñi kalemñinañgöra eñgime. Mewö aketka qetbuñanini guli dötnam ewö mi Suep mire ahöba sehiba kude qahöwakña. Moneñ gösöñini qainñi kun mi Suep miangören qahö bölime. Gurem jijilukut aka yonğorö meme yeñön mönö eu öngöba yuai mem bölibingö osime.

34 “Yuaigöra aködamunñi memba mötnöñ öngözawi, mianñon miri kungen ahöiga göñön mönö urugi mewöyök miangören qekötahöba malman.” Mewö.

Urugwölö mala nup megetka dop kölma.

³⁵ **“Inini mönö Anutugö nupni memb-
ingöra jöjöröba opo söröjini jöhöm yaköba
aködamunñinambuk kinda uruñinañgö kiwanan
ohotirigetka jeiga malme. ³⁶*Mi kiangö dop: Miri
toni kun mi ambazip amemegö lömbuañnönj kaba
söñgaibingöra öröm wañgigetka anök. Miangöreñ
ani moröurupñan mire tata lilingömapköra jeñinan
yaigep uba ‘Kiñsiñ-pañsañ!’ jiba kapan köla
mambötze. Mamböta malgetka yañön nalö
miangöreñ me miangöreñ kañgota nañgunönj
qebawak, yeñön mönö miangöreñök nañgu
örögetka kotma. Inini mönö morö miengö dop
aka jöjöröba malme.*

³⁷ **“Kembunönj lilingöba kaiga nup memeurupni
tosatñan urugwölö malgetka mewö miwikñaim
engimawi, yeñön mönö simbawon akze. Nönön
ölña kewö jibi mötket: Yañön kañgota tokom
engiba nene dumnönj ali tatketka nene gumo-
hom engimangö jöjöröm añguba welen qem engima.
³⁸Yañön ömbibiñe me miri awörañgöiga miangöreñ
lilingöi tosatñan urugwölö malgetka miwikñaim
engimawi, yeñön mönö simbawon akze.*

³⁹ **“Gwölö malbingö keu ki mönö ölop
mötmörime: Sunjem aiga kegwek azinönj wanat
nalönönj me auanönj kamawi, miri tonan mi
mötpawak ewö, yañön mönö gwölö mala mirinji
ölop galöm meiga qesiñda öngömangö osima.
⁴⁰Inini ‘Suep gölmegö azi ölñan nalö kiangöreñ
qahö kañgotma,’ jiba mötmörimei, yañön mönö*

* **12:35:** Mat 25.1-13 * **12:36:** Mak 13.34-36 * **12:39:** Mat 24.43-44

nalö miangörenek kangotma. Miangöra injini mewöyök jöjöröba malme.” Mewö.

Nup azinöŋ silekmalek mala ayuhuyök.

Mat 24.45-51

⁴¹ Jisösnöŋ keu mewö jii Pitönöŋ qesiyök, “Kembu, gi dopkeu ki mi nengöra me ambazip tosatŋi pakpak yeŋgöra mohok jizan?”

⁴² Mewö qesii Kembunöŋ jiyök, “Nup meme ambazip sutŋine daŋön tiŋ kutuba tosatŋi eŋgoŋgitza? Tosatŋan söroräuba nup mosötketka kunŋan mötkutukutu ölöŋŋaŋgö qakŋe kapan köla pöndaŋ memakzawi, yaŋön mönö simbawöŋ akza. Miri toŋan ahakmemeŋi kewöta eka kungen anda miriŋaŋgö öroyuaiŋi mi yaŋgö böröŋe ali galöm akŋa. Galöm aka welenqeŋeurupŋi jiyöhaŋgö dop köyan köla nalö diŋdiŋe gumohom eŋgimakŋa. ⁴³ Mewö köyan köle eŋgiba maliga toŋan liliŋgöba kaba mewö eka mönö simbawöŋ jima.

⁴⁴ “Nöŋön keu ölni kun kewö jibi mötket: Toŋan simbawöŋ jiba sukinapŋi pakpakö galömŋi kuŋgum waŋgima. ⁴⁵ Kuŋgum waŋgimapmö, nup meme okonŋi yaŋön uruŋan mötmöriba kewö jima ewö, ‘Kembunaŋgö kaka nalöŋan mönö köröpŋi ahöza.’ Mewö jiba könahiba nup meme ambazipurupŋi eŋgum ureiba közölömbuan ala söŋgaiba o köhöikŋi nemba uruŋi sohoiga eŋlololöŋ silekmalek aka malma. ⁴⁶ Mewö mala nalö kunöŋ Kembuŋi kangotmapköra qahö mambötmaŋi, mönö miangöreŋ kangotma. Nalögöra ikmaok injululuŋ mali mönö aua miangöreŋ kangota qeba yayiapaleleŋ mem waŋgiba jim kutuiga qeŋetal ambazip ewö könöp sianöŋ geŋa sihimböle mötma.

47 “Nup meme kunnan Kembuṅgö jitsihitṅi môt yaköyökmö, keu arenṅi jiyöhaṅgö dop qahö jöjöröm aṅguba nupṅi memba malöhi, Kembuṅan mianṅö likepṅi jiiga jöhöba ihileknöṅ ambemṅi gwötpuk qeaköba qeme. 48 Mewö qememö, nup meme azi kunnan Kembuṅgö jitsihitṅi qahö môt yaköba yuai aka meiga likepṅi ölöp jiget ihileknöṅ qemeaṅgö dop akzawi, Kembuṅöṅ mianṅö likepṅi jiiga amqeqeṅi qeme. Anutunöṅ kungöra yuai gwötpuk waṅgiyöhi, yaṅön mönö mi mem sehiiga ölnṅi gwötpuk ahumapköra al mambötma. Anutunöṅ kungöra yuaigö warökṅi sehisehiṅi al waṅgiyöhi, yaṅön mönö mi mem sehiiga ölnṅi sehisehiṅi ahui melenṅ waṅgimapköra qesima.” Mewö.

Jisösnöṅ könöp bölam memba eri deṅnök.

Mat 10.34-36

49 “Nöṅön gölmenöṅ könöp ala ubi jemapköra etpiga urusihimni mianṅö bölamṅan lök jeyöhaṅgöra ahöza. 50 *Ahözapmö, mi ‘Ala umam,’ jibi sihimbölö gwötpuk mi nöṅgö qakne öṅgöba mösölumgöm niṅgimangö akṅa. Anutunöṅ mewö mianṅön melun murutṅi mem niṅgima. O ni wahöjalinṅ ketanṅi möta malbi mem niṅgii mianṅöreṅ teköma. 51 Kewö mötmöribepuk: Jisösnöṅ luai qemamgöra aka gölmenöṅ erök. Nöṅön kewö jibi mötket: Nöṅön luai qemamgöra qahöpmö, nöṅgöra aka jula deṅgetka köṅ jabö ahuma.

52 “Mi kewögöra jizal: Nöṅgö Buṅa keunan ambazip uruṅini kuṅgui melenṅgeraṅgöra nalö

* 12:50: Mak 10.38

kewöneyök könahiba kewö asuhuma: Miri kungö uruñe ambazip 5 yeñön sutñine anğururuk aka julme. Likep karöbut yeñön yahöt yetpuk anğururuk aketka likep yahöt yetkön karöbut yembuk jujul aka malme. ⁵³ *Iwi morö yetkön jula kerök-kerök ahotka nam morö yetkön tötal anğuyohotka iranñan iranñi qetala julmahot.” Mewö.

Nalö maljini, mi möt kewötme.

Mat 16.2-3

⁵⁴ Jisösnöñ toroqeba ambazip kambu yeñgöra kewö jii mötket, “Wehön gegeñe miri böuleiba kousu töwiiga inñini mi eka miangöreñök ‘Kie kama,’ jimakze. Mewö jigetka kama. ⁵⁵ Saut görökenök luhut giliga eka möta kewö jimakze, ‘Miri könöpñambuk akña.’ Jigetka miangö dop akña. ⁵⁶ O urumelenğö silesile ambazip, inñini suep gölmegö tandöknjiri eka kie wehögö könañiri ölop kewörakzemö, nalö ki maljini, miangö könañi qahö kewöta möt kutugetka qahö dop kölja.” Mewö.

Anğururukñini mindiñgögetka solanima.

Mat 5.25-26

⁵⁷ “Inñini ‘Yuai diñdiñi mi denöwö akin,’ jiba miangö könañi mi denöwögöra aka nanñinak qahö kewöta jim tekömakze? Mi qahö dop kölja. ⁵⁸ Kerökan silege ala keu jakene öröm gihimamgö aiga jimtekötekö galömgöreñ anda köna namñe miangöreñ mönö kapañ köla imbi mohok aka keuñiri jim solanimahot. Mewö qahö akñahot ewö, kerökan ölop örörahöm gihiiga (jas, majistreit) jimtekötekö toñangö jeñe anğotnongga

* **12:53:** Mai 7.6

möta jii opotöröpkö böröŋe genöŋga kösö mire al ghibapuk. ⁵⁹ Nöŋön kewö jibi mötnöŋ, Gi miangöreŋ töwagi pakpak almanangö dop qaköba tatman. Toiyagi kondikŋi mewöyök al teköbagun mönö töwagi memba etman.” Mewö.

13

Uruŋini melenget me kömumba ayuhuget.

¹ Nalö miangöreŋök tosatŋan kaŋgota Jisös kösohot kewö jiget mörök, “Galili ambazip tosatŋan Jerusalem jikenöŋ jöwöwöl ohogetka premiö Pailötnöŋ jüiga suahö galömurupŋan miangöreŋ öŋgöba engum kömugetka sepŋini eta lama bulmakau sepŋinambuk lolonqalon ahök.”

² Mewö jigetka melenget kewö jii mötket, “Inini miangöra kewö mötmöribepuk: Galili ambazip mienöŋ Galili ambazip tosatŋi pakpak engongita siŋgisöndok aka malgerangöra sihimbölö mi mötket. ³ Mewö qahöpmö, nöŋön kewö jibi mötket: Inini uruŋini qahö melenget ewö, inini körekŋan mönö mewöyök ayuhum teköme. ⁴ Me miri qetŋi Siloam miangöreŋ miri köröpŋi kunŋan eta köla ambazip 18 turum engii kömugeri, inini yeŋgöra kewö mötmöribepuk: Yeŋön Jerusalem könagesö tosatŋi pakpak engongita siŋgisöndok aka keuŋinambuk malget. ⁵ Qahöpmö, nöŋön kewö jibi mötket: Inini uruŋini qahö melenget ewö, inini körekŋan mönö mewöyök ayuhum teköme.” Mewö.

Muli ip gorosonŋangö dopkeu

⁶ Jisösnöŋ dopkeu kun kewö jiyök, “Azi kunŋan muli ip kömöri nupŋe kota kini miangö ölni

jarumangö anökmö, kun qahö miwikñaiyök.
⁷ Qahö miwikñaiiba nup galömñangöra jiyök, ‘Mötnöñ, nöñön muli ip kiangö ölni yambu (yara) karöbutkö dop kaba jaruyalmö, kun qahö miwikñaiial. Miangöra mi mönö wuanöngöra toroqeba gölmegö kelökñi önewat öroi sihitñanök akapuk. Miangöra mi mönö köla gilnöñ anma.’
⁸ Toñan mewö jiyökmö, galömnöñ melenða jii mörök, ‘O azi kembuni, mi ölop mosötnöñga yambu (yara) ki kunbuk kinma. Nöñön nalö sutñe kiangören kinöñnöñ gölme esiba kundupköba isonbason ala liliköbi kelökñambuk akña. ⁹ Nöñön mewö akiga yambu (yara) andöñe miangö ölni ölop ahubawak. Mi qahö ahuma ewö, mi ölop kölman.’” Mewö.

Jisösnöñ Sabat kendonöñ ambi kun mem ölöwahök.

¹⁰ Jisösnöñ Sabat kendonöñ köuluk miri kunöñ öngöba Buña keu kusum enjiyök. ¹¹ Miangören ambi kun tarök. Ömenöñ yambu (yara) 18 miangö dop mem löwörim wanjiiga köniseñji milipköiga qötöteimangö osiba tata malök. ¹² Jisösnöñ ambi mi eka oholi kaiga kewö jii mörök, “Ambi, eksekpeksek kawölgan mönö gömosöri ölöwakzan.”
¹³ Mewö jiba böröñi nöropñe ali miangörenök qötöteiba Anutu möpösem wanjiyök.

¹⁴ *Möpösem wanjiyökmö, Jisösnöñ Sabat kendonöñ ambi mi mem ölöwahöhi, köuluk mirigö galömñan mi eka miangöra möri bölii keu könahiba ambazip kambu yeñgöra jiyök, “Nup memegö

* **13:14:** Eks 20.9-10; Dut 5.13-14

nalö 6 ahözawi, miangören mönö kaba mem ölöwak engimapköra jime. Mi Sabat kendonöḡ qahö.”

¹⁵ Mewö jiyökmö, Kembunöḡ melenḡa kewö jiyök, “O urumelenḡö silesile ambazip! Inini pakpak bulmakau aziḡini me donḡini mi Sabat kendonöḡ mireyök pösata enguanḡitketka onöḡ anda nemakze me qahö? Engörenök kunöḡ mi qahö anḡön köḡ engimakza. ¹⁶ Mötket! Ambi kianḡön Abrahamḡö gwölönaröha aiga Satanöḡ jöhöm wanḡii yambu (yara) köröpḡi 18:gö dop maliga nöḡön kösöḡi mi Sabat kendonöḡ pösatpi dop köḡ engiza me qahö?” ¹⁷ Mewö jiiga tuarenḡonḡurupḡi pakpak yeḡön gamuḡini mötket aka ambazip kambu pakpak yeḡön anḡöletot wewelipḡambuk meyoḡi, mi pakpak eka möta söḡgaiget. Mewö.

Nejoḡ köḡnanḡö dopkeu

Mat 13.31-32, 34; Mak 4.30-32

¹⁸ Jisösnöḡ dopkeu kun kewö jiyök, “Anutugö bemtohoḡanḡö könaḡi mi denöwö? Mi wanatpuk dop albilenḡak? ¹⁹ Mi nejoḡ köḡnanḡö dop kewö akza: Azi kunḡan mi memba nupḡe anda esiiga wahöta qariba ip ahök. Ip aiga könakemba neiḡi neiḡi mienḡön aipḡini ip miangö böröḡe alget.” Mewö.

Yistkö dopkeu

Mat 13.33

²⁰ Jisösnöḡ dumḡe kunbuk dopkeu kun kewö jiyök, “Anutugö bemtohoḡi mi wanat yuaibuk dop albilenḡak? ²¹ Mi yist me flaua mem qariqarigö dop kewö akza: Ambi kunḡan ‘Beret ohomam,’ jiba yist memba flaua könde karöbut miangören mindiriba melenḡelenḡ aka anda anda tari körekḡanök qariyök.” Mewö.

Mönö nanğu giwikŋe jaram tiba anğotme.

Mat 7.13-14, 21-23

²² Jisösnöŋ anda taonŋi taonŋi aka miriŋi miriŋi miangöreŋ Buŋa kusum enğiba anda mala Jerusalem sitinöŋ göröken anök. ²³ Ani kunŋan kewö qesim waŋgiyök, “Kembu, uruŋini melenget Anutunöŋ amöt qem enğii letotmei, mi ambazip awamdökŋa me denöwö?” Qesim waŋgii kewö jii mötket,

²⁴ “İjini mönö nanğu giwikŋe anğotpingö jaram tiba aum-mörime. Nöŋön kewö jibi mötket: Ambazip gwötpukŋan Anutugö bemtohoŋ uruŋe anğotpingö esapkömemö, mi osime. ²⁵ Könaŋep miri toŋan wahöta nanğu köligun iŋini nalö miangöreŋ könahiba yaigep kinda nanğunöŋ qeba kewö jime, ‘Kembu, mönö nanğu öröm neŋginöŋ.’ Mewö jigetka melenđa kewö jii mötme, ‘Ni qahö möt enğizal. İjini denikegöra, mi qahö mötzal.’

²⁶ Mewö jiiga iŋini miangöreŋök könahiba kewö jime, ‘Neŋön mönö göbuk köisirik tata nene nein. Göŋön mönö liliköba neŋgö sombemnöŋ Buŋa kusum neŋginöŋ.’ ²⁷ *Mewö jimemö, yaŋön keu kewö jima, ‘İjini denikeanğöra, ni qahö möt enğizal. Miangöra kewö jibi mötket: Bölöŋi meme pakpak, iŋini mönö nömosöta kesalget.’

²⁸ **“Kesalgetka miangöreŋ Abraham, Aisak, Jeikob aka kezapqetok ambazip pakpak yeŋön Anutugö bemtohoŋ uruŋe kingetka enğeknemö, nanŋini aköm enğigetka yaigep kinme. Könaŋini mewö miwikŋaiba sahöt gigilahöba irimŋini yöhözömgögetka qetŋi qeri malme. ²⁹ Ambazipŋi

* 13:27: Sum 6.8

* 13:28: Mat 22.13; 25.30

* 13:28: Mat

8.11-12

ambazipni mi wehön kotkotneyök aka gegeneyök aka likeplikep Not Saut miangörenök kaba Anutugö bemtohojnöñ anggota dum tatatjini memba nene nem söngaip aka malme. ³⁰ *Mewö malmemö, mötket! Qöndökni yengörenök tosatjan mutukni akje aka mutukni yengörenök tosatjan qöndökni akje.” Mewö.

Kinj Herodnöñ kiam soñ miangö dop akza.

Mat 23.37-39

³¹ Nalö miangörenök Farisi (Köna keugö kapankölköl) tosatjan Jisösgöreñ kaba kewö jiget, “Kinj Herodnöñ guhui kömumangö mötza. Miangöra mönö miri ki mosöta anman.”

³² Jigetka kewö melenj engiyök, “Injini mönö arökñangö kiam soñ mi kewö jiget mötma, ‘Mötnöñ! Nöñön merak aka uran ömewöröme enguatañgömam aka kawöl ambazip mem ölöwak engiba malmam. Anmami, uruwale mönö miangöreñ anggota nupni mekömam.’

³³ “Kezapqetok ambazip sehisehiñi mi Jerusalem sitinöñ engugetka kömuget. Miri tosatje qahö toroqeba enguget kömumakze, miangö tandöktandök ahöza ekzal. Miangöra nöñön merak aka uran uruwale köna anda malmam. Jerusalem angotpiga nuñguget kömumam ewö, mönö yengöreñ aiakanjina mi toroqeba akje.” Mewö.

Jisösnöñ Jerusalem sitigöra sahörök.

Mat 23.37-39

³⁴ Jisösnöñ jiyök, “O Jerusalem Jerusalem, injini kezapqetok ambazip enguget kömugetka Anutunöñ ambazip melaim engii engöreñ

* **13:30:** Mat 19.30; 20.16; Mak 10.31

kamakzei, mi kötnöŋ kumbuköm engimakze. Poi namŋan moröurupŋi ginginŋi bapŋe ala köjöjohom engimakzawi, nöŋön mianğö dop nalöŋi nalöŋi göhö könagösöurupki suhuba tokom engimangö möta malalmö, inŋini mi tököba mala kotket. ³⁵ *Mötket! ‘Anutunöŋ mönö jike mirinŋini andö qeiga sahopŋanök ahöma.’ Mewö ahömapmö, nöŋön kewö jibi mötket, inŋini ni kunbuk qahö nekŋemö, könangep nalö kun kam kuŋgui mianğöreŋ neka kewö jime, ‘Kembugö qetŋe kam neŋgizawi, Anutunöŋ mönö i kötuetköm waŋgima.’ Mewö.”

14

Jisösnöŋ kawöl azi kun mem ölöwahök.

¹ Jisösnöŋ Sabat kendon kunöŋ Farisi (Köna keugö kapaŋkölköl) yeŋgö jitŋememe kungö miriŋe öŋgöba nene neyök. Nemba tari tosatŋan galöm memba ektiget. ² Mianğöreŋ yaŋgö jemesoholŋe kawöl azi kun köna böröŋi onöŋ ölököba qarri tarök. ³ Jisösnöŋ i eka könahiba Köna keugö böhi aka Farisi mi qesim engiba kewö jiyök, “Sabat kendonöŋ azi mem ölöwak waŋgiba mewö mianğön Köna keu oŋgitpin me qahö?”

⁴ Mewö jiyökmö, yeŋön göröŋ qeba tatket. Tatketka böröŋan azi mi misiriba mem ölöwaka melaii anök. ⁵ *Ani kewö jii mötket, “Engöreŋök kungöreŋ morö me bulmakau aziŋi mi Sabat kendonöŋ o lömnöŋ gema ewö, mi mönö ösumok örögetka kotma. Daŋön mi qahö öröi kotpawak?” ⁶ Mewö qesim engii mianğö likepŋi melenbingö

* **13:35:** Sum 118.26; Jer 22.5 * **14:5:** Mat 12.11

lömböriba numbuḅini muhungöba bök tatket. Mewö.

Jisösnöḅ sile mem-öḅgö-öḅgö mi qetalök.

⁷ Farisi (Köna keugö kapaḅkölköl) azinöḅ ambazip nenegöra köl öröm enḅiyöhi, yeḅön dum qaikḅe eu meköba tatkeri, Jisösnöḅ mi eka miangöra dopkeu kun kewö jii mötket, ⁸ **“Kunḅan gi amembitkö lömbuaḅgöreḅ köl öröm gihii miangöreḅ anda dum jegenḅeyök qahö memba tatman. Mewö akḅan ewö, tosatḅi köl öröm enḅiyöhi, yeḅgöreḅök kunḅan gi goḅgita qetbuḅaḅambuk akapuk.*

⁹ *“Yaḅön kaḅgoriga lömbuaḅ toḅan göhöreḅ kaba kewö jibawak, ‘Gi dum ki mosötnöḅga öḅgöḅgöḅi yaḅön tatma.’ Mewö jima ewö, gi mönö wahöta bapḅe emu eta dum memba tata gamugi senjom-buk mötḅanbuk. ¹⁰ Mewö qahöpmö, kunöḅ köl öröm gihimawi, gi ölop dum siminḅe emu anda tatman. Mewö tatnöḅga lömbuaḅ toḅan kota geke jima, ‘Alani, gi ölop kaba dum jegenḅe eu anda tatman’. Mewö jiiga göḅön ambazip göbuk tata nene nezei, mönö körek yeḅgö jeḅine qetbuḅagabuk akḅan. ¹¹ **Mi kewögöra: Nanḅini uruḅini memba öḅgömei, Anutunöḅ i körek memba et al enḅima. Kunḅan nanḅi uruḅi memba etmawi, Anutunöḅ mönö i memba öḅgöba al waḅgima.”**

¹² Farisi (Köna keugö kapaḅkölköl) azinöḅ ambazip köl öröm enḅii lömbuaḅnöḅ tatketka Jisösnöḅ lömbuaḅ toḅi lilingöba eka kewö jii mörök, *“Gi silimgö me suḅgemgö lömbuaḅ kun ohoba miangöreḅ*

* **14:8:** Qam 25.6-7 * **14:11:** Mat 23.12; Luk 18.14

nangi alaurupki me darumunurupki mi kude köl öröm enjgiman. Tinitosolomurupki me miri kasunṅaṅgö ambazip pomṅi qetbuṅaṅinambuk mi kude köl öröm enjgiman. Mewöṅi lömbuaṅgöra köl öröm enjinöṅi, i mewöṅanök köl öröm gihiba tosagi mi meköm gihiget teköma. Mewö akṅan ewö, Anutunöṅ mönö miaṅgö töwaṅi qahö gihima.

¹³ “Mewö qahöpmö, lömbuaṅ mözözömgöba ohomani, gi mönö ambazip etqeqeṅi mia köl öröm enjgiman. Ambazip wanapṅi, simalokon aka jegömöl akzei, mönö mia enjgoholnöṅga dop kölma. ¹⁴ Mi köl öröm enjinöṅga yeṅön tosa meköm gihibingö osigetka gi miaṅgöra simbawoṅ aka malman. Tosaṅini mi öne ahöi malnöṅga solanṅi yeṅön kömupnöhök wahötketka nalö miaṅgöreṅ Anutunöṅ nanṅak mi göhöra meköm gihima.” Mewö.

Lömbuaṅ ali möndömöndö keu jiba tököget.

Mat 22.1-10

¹⁵ Jisösnöṅ mewö jiiga nene nempa tatket yeṅöreṅök kunṅan mi möta kewö jii mörök, “Kunöṅ Anutugö bemtohoṅ uruṅe aṅgota nene nempa tatmawi, nöṅön yaṅgöra simbawoṅ jizal.”

¹⁶ Mewö jiiga kewö meleṅnök, “Azi kunṅan sunṅemgö lömbuaṅ ketanṅi mözözömgöba ohoba ambazip gwötpuk öröm enjgiget kamegöra jiyök. ¹⁷ Lömbuaṅ nalöṅi kam kunṅui welenqeqeṅi kun melaii köl öröm enjgimangö jiyöhi, yeṅgöreṅ anda jii mötket, ‘Yuai pakpak lök mözözömgöingä ahöza. Miaṅgöra mönö ölop kame.’ ¹⁸ Jii mötketmö, mi möta yeṅön körekmakörek könahiba yuai tosatṅe möndöba tököget. Mutukṅan jiyök, ‘Ni arö kun

söngöröni mealangöra miangören anda eknamgö mötzal. Mianön jöhöm niŋgiza. Miangöra ölop anda jinönga möta kude möt bölim niŋgima.’¹⁹ Kunŋan jiyök, ‘Ni bulmakau aziŋi 10 söngöröŋini meali, mi kösönöŋ ilikŋine jöhöbi kinöŋ örögetka anda nup esapköba qeba qindipkömam. Mianön jöhöm niŋgizawanğöra ölop jinönga möta kude möt bölim niŋgima.’²⁰ Kunŋan toroqeba kewö jiyök, ‘Ni ambi urandöpki bohonŋi mealangöra kamangö osizal.’

²¹ “Mewö jigetka welenqeqenöŋ lilingöba azi kembuŋangöra buzup mi jii mörök. Möta uruŋi könöp jeiga welenqeqeni kewö jim kutum waŋgiyök, ‘Gi mönö wölaŋ taongö köna namŋe aka sombemnöŋ anda ambazip etqeqeni, wanapŋi, köna böröŋini titiŋgitŋi, jegömöl aka simalokon ambazip mi mönö enğuanğitnöŋga lömbuan miri uruŋe ki kame. ²² Jiyöhanğö dop ak teköba kaba kewö jiyök, ‘Kembuni, jim kutum niŋgizanağö dop akzalmö, dum tiŋi tok ahöza.’

²³ “Mewö jiiga azi kembunöŋ jiyök, ‘Gi mönö könanöŋ aka rowoŋqeqenine anda ambazip tat anjei, mi kapan köla kuŋgum enğinöŋga lömbuan miri uruŋe kaŋgota kokolak qeme. ²⁴ Nöŋön kewö jibi mötket: Ambazip mutuk köl öröm enğimangö jiali, yeŋgörenök kunŋan kun nöŋgö lömbuanöŋ qahö kaŋgota nemba nahömŋi mötma.’ ” Mewö.

Jisösgö gwarek malmalgö könanŋi

Mat 10.37-38

²⁵ Jisösnöŋ ani ambazip kambu ketanŋi yeŋön wuatangöba angetka lilingöba kewö jii mötket, ²⁶*“Kunŋan nömbuk kaba malmam jiba ni göragöra

* 14:26: Mat 10.37

al ningiba iwinamni, anöm-moröni, darumunni, nenbehötñi aka nanñi malmalñi mewöyök jegep ala jöpakömakzawi, yañön mönö nöngö gwarekni akñangö osima. ²⁷ *Sisitñini megetka kunñan ni nuatangöba sihimbölä möta maripomnöñ kömumangö qahö jöjörömawi, yañön mönö nöngö gwarekni akñangö osima.

²⁸ “Engöreñök kunñan miri köröpñi memamgö mötza ewö, yañön mönö mutuk eta tata moneñi miri mem tekömawanjö dop akza me qahö, miangö könañi kewöta ek kutuma. ²⁹ Mewö qahö aka miri tandöñi kömöta mi mem tekömamgö köhököhöñi qahö ahöm wanjiiga mosöri öne kiniga ambazip pakpak mi eka könahiba jiji-ilit jiba mepaik wanjibepuk. ³⁰ Mewö ak wanjiba kewö jibepuk, ‘Azi mi könahiba miriñi meyökmö, mi mem tekömamgö qahö köhöiyök.’ Miangö dop Jisös wuatangöman me qahö, mi törörök kewöta möt kutuman.” Mewö

³¹ Jisösnöñ keu mi toroqeba kewö jiyök, “Mewöyök kiñ azi kembu kunñan kiñ kunbuk aröñda ‘Bim qemam,’ jiba denöwö akña? Yañön zilañök kerök qahö al wanjimapmö, mutuk jembonurupñi öröm tokom engii tata qambañ keu kewö eraum mötme, ‘Nanine aziurupnini 10.000 maljin aiga likepñe kerökurupnini mi 20.000 malje. Azi kembuñinan i enguanjita kaget engeka ölop köhöiba engubin me qahöpto?’ ³² ‘Qahö köhöibin,’ jime ewö, yañön kerök kiñnöñ köröwen tariga miangöreñök jitñememeurupñi melaim engii yañgöreñ anda luai qebingö goro eraum mötme.

* **14:27:** Mat 10:38; 16:24; Mak 8:34; Luk 9:23

³³ Mewöyök enğöreñök kunñan yuai pakpak ahöm wañgizawi, mi jegep almawañön mönö nönğö gwarekni akñamgö osima. Mianğöra mönö nia jegep al niñgigetka dop kölma.” Mewö.

Howe nahömñi qahö mi yuaia omanji kötökñi.

Mat 5.13; Mak 9.50

³⁴ “Howe mi ölöpnji akzapmö, sihimñi mosötma ewö, mi mönö denöwö möhamgöinga kunbuk sihimñambuk akawak? ³⁵ Nesak omanji mi gölme kelökñambuk akñapköra tokoba isonbason alakzinmö, howe nahömñi qahö mi yuai kungöra qahö dop kölma. Qahö! Mi mönö önewat gölmenöñ gilinga geba öne töhöntöhön ahöma. (Gi mewöñanök nönğö gwarekni aka kembera kutuba nömosötman ewö, mönö yuai omanji akñan.) Kunñan kezapñambuknön malja ewö, yañön mönö keu mi möt kutuma.” Mewö.

15

Lamanöñ sohöyök, mianğö dopkeu

Mat 18.12-14

¹ *Takis tilipqilip aka megeri aka siñgisöndok ambazip tosatñi mi jesöngöñan Jisösgö Buñani mötpingö kaget. ² Mewö kagetmö, Farisi aka Köna keugö böhi yeñön Jisösgöra uruñinan böliiga irikuruk keu kewö jiget, “Azi mianñön siñgisöndok ambazip enğimemba yembuk tata nene neza.” ³ Mewö jigeranğöra Jisösnön dopkeu kun kewö jii mötket,

⁴ “Enğöreñök kungö lamaaurupñi 100 malgetka mienğöreñök kunñan sohoba janjuñ aniga toñan denöwö akña? Yañön mönö 99 mi gölme

* **15:1:** Luk 5.29-30

qararanĳölkölŋe engömosöta anda mohot janjun anöhi, miangö jaruba anda mala miwikŋaiiga teköma. ⁵ Miwikŋaiba urusösöŋgai aka awötŋe ala kama. ⁶ Mire kaba alaurupŋi aka tosatŋi kösutŋe malmei, mi engoholi tokogetka kewö jii mötme, ‘Lamani sohayöhi, mi lök miwikŋaizalaŋgöra mönö nömbuk sösöŋgai akin’ ⁷ Nöŋön kewö jibi mötme: Miangö dop singisöndok azi mohotŋan uruŋi melenmawi, yangöra Suep mire sösöŋgai ketanŋi asuhuma. Ambazip 99 nanŋine jeŋine solanŋi diŋdiŋi aka uruŋini melenbingö qahö möta maljei, yeŋgöra sösöŋgai mewöŋi qahö asuhuma.” Mewö.

Moneŋ kötŋi sohayök, miangö dopkeu

⁸ “Mewöyök ambi kunŋan silwö moneŋ kötŋi 10 memba maliga miengöreŋök mohokŋan geba sohoiga denöwö akŋa? Yaŋön mönö kiwa ohotiriba kapan köla miri usunĳa jaruma. Jaruba mala miwikŋaiiga teköma. ⁹ Mi miwikŋaiba ambi alaurupŋi aka ambi tosatŋi kösutŋe maljei, mi engoholi tokogetka kewö jii mötme, ‘Nöŋöreŋ soujeŋi mohotŋan sohayöhi, mi miwikŋaizalaŋgöra mönö nömbuk sösöŋgai aki.’ ¹⁰ Miangö dop nöŋön kewö jibi mötme: Singisöndok ambazip kunŋan uruŋi melenniga Anutugö garataurupŋi yeŋön miangöra sösöŋgai öŋgöŋöŋi akŋe.” Mewö.

Nanŋi imbi-imbi azinöŋ kumkanjam aka imbiŋi meleŋök.

¹¹ Jisösnöŋ toroqeba kewö jiyök, “Azi kungö nahönyahötŋi yahöt malohot. ¹² Munŋan iwiŋaŋgöra kewö jiyök, ‘Iwini, gi mönö moneŋ sukinapki mendeŋda nöŋgö bahöŋi niŋgiman.’ Mewö jiiĳa öroyuaiŋi pakpak dopŋire mendeŋda

etkiyök. ¹³ Mi etkiiga nahönñi moröñan sömañi yahöt karöbut mala inap yuaini pakpak mi kölölöhoba memba kantri kungen anök. Mianğöreñ anda nanñi imbi-imbi aka köna ketanji ambi yembuk kiam bau ewö söñaup malmal mala monen inapñi gil teköyök.

¹⁴ “Yuai pakpak gil teköiga bödi (buörö) ketanji asuhuba gölme pakpak mi dop kölok. Yanön nalö mianğöreñ könahiba öngöpñi aka osiyök. ¹⁵ Osiba kantri mianğö tonji kungöreñ anda nupköra qesim wañgiiga melaii yanğö bau selje geba bau galömñina malök. ¹⁶ Mianğöreñ mali bau yeñön sokop kötni neget eka ‘Ölöp mi nembi gölömmi dop kölbawak,’ jiyökmö, mi mewöyök kunñan qahö wañgiyök.

¹⁷ “Mewö mala uruñi ahuiga kewö jiyök, ‘Iwinanğö nup ambazip wanat awamñi yeñön nup megetka söñgörüñi enñii nene nem timbireñ aka maljemö, nöñön kianğöreñ uzukörörap aka bödi mala kömumangö akzal. ¹⁸ Ni mönö wahöta iwinanğöreñ lilingöba anda kewö jibi mötma, ‘Twini, ni siñgisöndok memba mianñön gi aka Suep Tonji qetal etkiba qetki mem böliäl. ¹⁹ Mianğöra göñön kunbuk nöñgöra ‘Nahöni,’ jimananğö dop qahö akzal. Gi ölöp jinöñga welenqeqega kun akñam.’

²⁰ “Mewö jiba wahöta iwinanğöreñ anök. Anda mala miri dopdowii iwinan tikep endu kinda ehi kaiga wösöñi pöröraköiga ehoriba ösumñan diñdingöba anda imbiñe gili geiga numbuñi yöhötim nemba ‘Nahöni, owe owe!’ jiyök. ²¹ Mewö ahökmö, nahönñan jiyök, ‘Twini, ni siñgisöndok

memba mianjōn gi aka Suep Tonji qetal etkiba qetki mem böliäl. Mianjōra göjōn kunbuk nōnjōra ‘Nahōni,’ jimananjō dop qahō akzal.’

²² “Mewō jii iwiñan mianjōrenjōk welenqe-geurupñi kewō jii mötket, ‘Inini mönō ösumok maluku aködämunñambuk kun memba kaba löngöt wanjiget. Ila jalö imbiñe köla menjölöm wanjiba köna esu könañe löngöt wanjiget. ²³ Mewöyök selnōñ anda bulmakau dömjñi kelökñambuk kun memba kaba qeba ohogetka nemba sösōñgai albin. ²⁴ Nahōni ki kömum taköyōhanjōn mönō kunbuk guliba kaza. Yanjōn lōk sohoigun Anutunōñ kunbuk miwikñaiiga asuhum tinjitzä.’ Mewō jiiga könahiba sösōñgai alget.

²⁵ “Sösōñgai algetmö, datñan nupnōñ mala lilingöba miri dopdowiba mianjōrenj linjet gwawet köla unduba sōñgaigeri, mianjō kourukñi mörök. ²⁶ Mi mötä welen morö kun qeri kaiga ‘Mi denöwögöra akze?’ jiba qesim wanjiyök. ²⁷ Qesim wanjiiga kewō jiyök, ‘Mungan lilingöba kaiga iwigan i kunbuk meiga unditundit aiga mianjōra jiiga bulmakau dömjñi kelökñambuk qeba ohoba sōñgaize.’

²⁸ “Mewō jiiga irimñi seholiiga mire öñgömamgö tököyök. Tököyökmö, iwiñan mi mötä yaigep eta uruluai keu ösōñ jiba mölöwörim wanjiyök. ²⁹ Mölöwörim wanjiyökmö, yanjōn melenja kewō jiyök, ‘Iwini, nōñjōn yambu gwötpuk welengi qeba mala jimkutukutugi nalö kunōñ qahō onjita malalmö, töndup göñjōn nalö kunōñ meme (noniñ) morōñi kun alaurupni yembuk sösōñgai albingöra qahō niñginōñ. ³⁰ Qahō niñginōñmō, nahōngi

kianjön köna ketanji ambi yembuk mala monen inapki ayuhuba kanjoriga gönjön mönö yangöra aka jinönga bulmakau dömnji kelökñambuk qeba ohoze.’

³¹ “Jiiga iwiñan kewö jii mörök, ‘Nahöni, gi nalö dop nanambuk malakzan. Miangöra nani buñani pakpak mi mönö göhö buñaya mohok akza. ³² Mohok akzapmö, mungi kianjön kömum taköyöhanjön kunbuk guliba kaza. Yanjön lök sohoiga Anutunöñ kunbuk miwikñaiiga asuhum tiñgitza. Miangöra dölki nene sösoñgai alinga dop kölja.’ ” Mewö.

16

Sukinap galöm tilipqilipñambukö dopkeu

¹ Jisösnöñ gwarekurupñi keu kun kewö jii mötket, “Azi pomñi kungö sukinap galömnji kun malök. Tosatñan kaba azi pomñi mi luasö keu jiget mörök, ‘Yanjön göhöreñ monen inapki köndenja lañ gila malja.’ ² Mi möta galöm mi jii kaiga jim wanjiyök, ‘Ni göhöra buña bölöñi jiget mötzal. Gi nöngö miri aka sukinapni kunbuk galöm kölmananjö dop qahö akzan. Miangöra mi denöwö galöm köla malnöñ, miangö löpötñi jim asarim niñgiman.’ ³ Mewö jiiga uruñan kewö mötmöriyök, ‘Miri toñan galömkölköl nupni noañgiri denöwö akñamto? Ösumni qahö dop köljawanjöra gölme esimangö osizal aka ulet azi malmangö gamuni mötzal. ⁴ Yanjön galömkölköl nupni noañgitmawi, nöñön nalö miangöreñ denöwö akiga tosatñan miriñine köl öröba köyan köl niñgibeak? Aha! Köna kun mötmörizal.’

⁵ “Mewö jiba ambazip toŋan tosa al enġiyöhi, mi pakpak nanŋik nanŋik öröm enġiiga kaget. Mutukŋan kaiga yaŋgöra kewö jiyök, ‘Tonanġoreŋ tosa göhöreŋ dawik ahöza?’ ⁶ Mewö qesiiga jiyök, ‘Oil dram 100 meal.’ Mewö jiiga kewö meleŋnök, ‘Gi tosa papiagi memba ki tata ösumok uteköba 50 ohonöŋga ahöma.’ ⁷ Mewö jiba azi kun qesim waŋgiyök, ‘Aka gi? Göhöreŋ tosa dawik ahöza?’ Qesiiga kewö jiyök, ‘Wit flaua mi 21.000 kilogram meal.’ Mewö jiiga jiyök, ‘Gi tosa papiagi memba miänġoreŋ 16.800 kilogram mewö ohonöŋga ahöma’.

⁸ “Mewö aiga miri toŋan möta jim-ölöwak keu kewö jiyök, ‘Galömnan tilipqilip qakŋe yuai ahöhi, mi mötkutukutu ölöŋŋi kondelja.’ ” Kembu Jisösnöŋ kösohot mewö jiba toroqeba jiyök, “Söŋaupkö ahakmeme wuatänġömakzei, yeŋgö mötkutukutuŋini mi ambazip tosatŋi merak maljei, mi tilipqilip ak enġimeänġö dop ahözapmö, Anutugö asakŋe maljei, yeŋgö mötkutukutuŋini mi miänġö bapŋe akza.

⁹ “Miänġöra kewö jibi mötket: Tosatŋan gölmegö moneŋ inapnöŋ ambazip tilipköm enġimakzemö, eŋön mönö miänön memba alaurup miwikŋaim enġime. Mi miwikŋaim enġigetka gölmegö yuainöŋ qahöwakŋawi, Anutunöŋ mönö nalö miänġoreŋ köl öröm enġiiga malmal köhöikŋi mire aŋgota teteköŋi qahö malme.

¹⁰ “Kunŋan yuai morörökŋi memba kapaŋ köla törörök galöm köljawi, yaŋön mönö yuai ketanŋi mewöyök törörök galöm köлма. Kunŋan yuai morörökŋi galöm köla kitik-katuk akzawi, yaŋön mönö yuai ketanŋi mi mewöyök galöm kölmapkö

jiinga kitik-katuk akña. ¹¹ Gölmegö moneñ inapñi böröñine algetka mi pöndañ qahö galöm kölgetka ölni qahö asuhuyök ewö, kunñan mönö yuai buñañi öngöngöñi ölni mi böröñine qahö alma. ¹² Inini tosatñi yeñgöreñ yuai mi pöndañ qahö galöm kölgetka ölni qahö asuhuyök ewö, nanñini uruñinañgö buña ölni mi dañön kun eñgibawak?

¹³ *“Welenqege kunñan kembu yahöt welen qem etkimangö osimakza. Kunñan mewö akñangö mötzawi, yañön mönö kun kazik ak wañgiba kun uruñan jöpaköma. Kungöreñ qekötahöba kun jijiwilit ak wañgima. Miangöra eñön Anutu aka moneñ inap mi mindiriba welen qem etkibingö osime.” Mewö.

Moneñgö urukönöp akepukö goro keu

Mat 11.12-13; 5.31-32; Mak 10.11-12

¹⁴ Farisi (Köna keugö kapañkölköl) yeñön moneñgö nahöm gwötpuk ahöm eñgii malgerañgöra Jisösnöñ keu pakpak mi jiyöhi, mi möta je misiba ilit wañgiget. ¹⁵ Ilit wañgigetka kewö jii mötket, “Farisi eñön mönö ambazip jeñine solanñi tandök kondel eñgibingö könöpuk ahakzemö, Anutunöñ uruñinañgö könañi möt kutum teköza. Ambazip jeñine yuai kungöra mötketka öngöngöñi akzawi, mi Anutunöñ ehi imbilonñambuk ahakza.

¹⁶ *“Bemtohongö könañi mi Mosesgöreñ Köna keunöñ aka kezapqetok ambazip yeñgö Buzup Kimbiñine ohogetka oyoñda mala koringa Jonöñ asuhuba ölni aukñe indelök. Nalö miangöreñök

* **16:13:** Mat 6.24 * **16:16:** Mat 11.12-13

könahiba keu mi jim sehiba Anutugö bemtohone angotmegöra ambazip urunini kunjumakzin. Ambazip körekñan mönö jaram tiba kapan köla bemtohon mianğö uruñe angotpingö ahakze. ¹⁷ *Suep gölmenöñ göröñ qemahotkö dop akzahotmö, Köna keugö kulem jönbölanñi mohok-kun mi nalö kungen qahö kötökñi ayapköma. Mewö.

¹⁸ *“Azi kunñan anömñi mosöta ambi kun memawi, yañön mönö qesabulum akña. Azi kunñan ambi apñan mosöröhi, mi memawañön mönö mewöyök qesabulum akña.” Mewö.

Azi pomñi aka Lazarus

¹⁹ “Azi pomñi kun malök. Yañön opo maluku gugakgugak pisikñi aködamunñambuk löngöta mala nalö dop nene söñgaip aka siyoñsayoñi qahö malök. ²⁰ Mewö malökmö, yağö miri nañguni kösutñe azi wanapñi kun qetñi Lazarus ahöba malök. Uzi nömböñnöñ silenji dop köla tarök. ²¹ Wösöñi aliga gwarönöñ ahöba azi pomñanğö tebolnöhök nene irip boromñi eri mia nemamğö mörök. Möta ahöiga kiam yeñön kañgota uzi nömböñi bözöba malget.

²² “Mewö mala wanapñi yañön kömuyök. Kömui Suep garata yeñön wañgita öngöba Abrahamğö qöhöröñe alget tarök. Azi pomñi yañön mewöñanök kömuiga löm kölget. ²³ Löm kölgetka kömupkö senjom mire geiga jem sölöngöi sihimbölä ketañi möta ui öngöiga Lazarus Abrahamğö qöhöröñe köröwen endu tari etkehök. ²⁴ Etkeka silata qeta jiyök, ‘O iwini Abraham,

* **16:17:** Mat 5.18 * **16:18:** Mat 5.32; 1 Kor 7.10-11

mönö wösögi möt niŋgiman. Ni könöp bölamnöŋ nohoi kianğoreŋ wahöjalin öngöŋgöŋi möta kinjal. Mianğöra mönö Lazarus melainöŋ anda kesöt suŋan onöŋ kusahöla kaba nesilamne mirii amörima.’

²⁵ “Mewö jiyökmö, Abrahamnöŋ melenök, ‘Nahöni, mönö ki mötmörinöŋ anök. Göŋön gölmenöŋ malmal sösöŋgainambuk lök malnöŋ teköyökmö, Lazarusnöŋ gölmenöŋ malmalni qemjem-mamjeŋ aka malök. Mewö malökmö, nalö kewöŋe urukölalep ak waŋgiinga tatzapmö, göŋön sihimbölo möta wahöjalin qakŋe kinjan.

²⁶ Mewö maljin aiga toroqeba kewö jizal: Anutunöŋ nini aka injini sutnine mendenđa jabö al köhöii ahöza. Mianğöra tosatŋan jabö qösököba neŋğoreŋök engöreŋ kaŋgotpingö mötpeak, mi mönö osime. Mewöyök likep endu maljei, eŋön mewöyök neŋğoreŋ yuhu kaŋgotpingö qaköme.’ ²⁷ Mewö jiiga kewö jiyök, ‘Iwini, mewö aiga kewö ulet gihizal: Göŋön mönö Lazarus melainöŋga iwinanğö mire anma. ²⁸ Miri mianğoreŋ darumunurupni 5 maljei, yeŋön mewöŋanök senjom miri kianğoreŋ eta sihimbölo ketani mötpepuk. Mianğöra mönö jinöŋga anda kezapqetok keu jii mötme.’

²⁹ “Mewö ulerökmö, Abrahamnöŋ jiyök, ‘Qahö! Mosesgö Köna keu aka kezapqetok ambazip yeŋğoreŋ Buzup Kimbi mi yeŋgö buŋaya ahöza. Keu mia mönö kezap ala mötme!’ ³⁰ Mewö jiiga kewö jiyök, ‘O iwi Abraham, mewö qahöpmö, kömükömuŋi neŋğoreŋök kunŋan yeŋğoreŋ anbawak, mewö mönö uruŋini melenbeak.’ ³¹ Jiiga Abrahamnöŋ kewö jii mörök, ‘Yeŋön Moses aka

kezapqetok ambazip yeŋgö keugöra kezap qahö alje ewö, mewöŋanök kömukömuŋi neŋgöreŋök kunŋan wahöta keu jibawak, yeŋön mönö töndup Anutu qahö möt narim waŋgibeak.’ ” Mewö.

17

Sinjisöndökö kölgorom mönö qetal engime.

Mat 18.6-7, 21-22; Mak 9.42

¹ Jisösnöŋ gwarekurupŋi keu kewö jii mötket, “Bölöŋaŋgö supatitikŋan mönö awamŋanök asuhumakza. Kunöŋ supatitik aŋgön kölmangö osimakzampö, kun daŋön tosatŋi kölgorom ak eŋgiiga sinjisöndok akŋei, yaŋgöra mönö wölköba ‘Yei!’ jizal. Sihimbölö öŋgöŋöŋan mönö yaŋgö qakŋe öŋgöma. ² Yaŋön ambazip moröŋi yeŋgöreŋök kun kölgorom ak waŋgiiga sinjisöndok akŋawi, azi mi-aŋön mönö lömböt öŋgöŋöŋi miwikŋaima. Anutunöŋ lömböt miaŋgö likepŋi denöwö waŋgiiga dopŋe akawak? Kemuŋ jamönjiŋ jölŋe jöhöba köwet röndumnöŋ gilget mulungöi gebawak, mi-aŋön mönö awamŋi ahum waŋgii tandök akawak.

³ * “Miaŋgöra mönö nanŋini galömŋini mem aŋguba malme. Alagi kunŋan sinjisöndok akzawi, i mönö jim mindiŋ ak waŋgiman. Jim mindiŋ ak waŋginöŋga möt bölim aŋguba wösöŋi mötma ewö, gi mönö sinjisöndokŋi mosöt waŋgiman. ⁴ Wehön kungö uruŋe sinjisöndok 7 ak bölim gihiba indimŋi 7 göhöreŋ liliŋgöba kewö jima, ‘Alani, ni sinjisöndok akzalaŋgöra möt bölim aŋguzal.’ Mewö jima ewö, gi mönö sinjisöndokŋi mosöt waŋgiman.” Mewö.

* **17:3:** Mat 18.15

Mötnaripkö öljı mi kukösumŋambuk.

Mat 17.20; 21.21; Mak 11.23

⁵ Aposol yeŋön Kembugöra jıget, “Mötnaripnini mönö toroqeba mem köhöiman.” ⁶ Mewö jıgetka Kembunöŋ meleşnökö, “Mötnaripŋinanğö öljı mi nejoŋ kötnanğö dop ahöbawak ewö, eŋön ölop nömözüp ip* kianğöra kewö jim kutubeak, ‘Gi mönö jöla jalögabuk wahöta luhuba köwetnöŋ geba nangi kömöta kinman.’ Mewö jıba möt narıgetka ip mianğön mönö keuŋini tem kölma.” Mewö.

Welenqeqe ölopŋi mi denöwö?

⁷ “Enğöreŋök kungö nup azinöŋ bulmakau memba nupnöŋ anda kınöŋ öröi gölme mesinma me lama galömŋina malma. Mala mire kaŋgori mianğöreŋ toŋan kewö jii mötma me qahöpto, ‘Gi mönö mire kota tata nenegi neman.’ ⁸ Mewö qahö! Yanğön mönö kewö jıma: ‘Gi mönö o ariba möhamğöm anğuba suŋgemğö neneŋamni ohoba ala niŋginöŋ neman. Mianğö andöŋe nangi neneŋamgi ohom neman.’ ⁹ Mewö jim kutum waŋgiiga nup aziŋan jiyöhanğö dop nupŋi mem teköi dop köliga galömŋan mianğöra möpöseim waŋgıma me qahö? Qahö! ¹⁰ Enğö könaŋini mi mewöŋanök ahöza. Galömŋinan yuai pakpak jim kutum enğiyöhi, inini mi ak teköba mianğöreŋ kewö jıme, ‘Nini nup ambazip töhöna maljin. Galömŋinan yuaigöra jiyöhi, mönö miyök memba kazınanğöra möpömöpösei jarubingö osizin.’” Mewö.

* **17:6:** Jisösnöŋ mulberi ip kun kondelök. Ip mi nömözüp ewöya, kötni köuruk (köwörörök) kötni ewö neneŋa.

Jisösnöŋ azi 10 silenini mem solaniyök.

¹¹ Jisösnöŋ Jerusalem sitinöŋ anmamgöra Galili aka Samaria prowins yahöt mietkö sutjire köna ahöyöhi, miangöreŋ anök. ¹² Könanöŋ anda miri kunöŋ aŋgoriga azi 10 silenini uzikukunambuk yeŋön miwikŋaiba eka tikep endu kinget. ¹³ Kinda köhöikŋanök qeta jiget, “Ketanamnini Jisös, mönönengöra ak kömum gihima!”

¹⁴ *Qeta jigetka engeka kewö jii mötket, “Inini mönö jike nup galöm yeŋgöreŋ anda silenini kondel enjime.” Mewö jiiga tem köla könanöŋ angetka sileninan miangöreŋ solaniba ölöwahök.

¹⁵ Ölöwahökmö, 10 yeŋgöreŋök kunŋan silenini solanii eka lilingöba kaba Anutu köhöikŋanök qeta möpöseiyök. ¹⁶ Möpöseiba Jisösgö könaŋe geba sipköba simin köla ‘Saiwap!’ jiyök. Azi mi Samaria azia. Juda yeŋön Samaria prowinsgö ambazip yeŋgöra mötketka eretŋi ahakzapma.

¹⁷ Saiwap! jiiga Jisösnöŋ melenŋa jiyök, “Mi ölop akzanmö, azi pakpak 10 enjö sileninan lök solanim teköyök me? Azi 9 mienön mönönö denike malje?”

¹⁸ Kian azi göŋön nangik lilingöba kaba Anutu möpöseizanzmö, azi 9 yeŋön mönönö anda nönönŋan akze.” ¹⁹ Mewö jiba kewö jii mörök, “Mötnaripkan mönönö mem ölöwak gihiza. Miangöra ölop wahöta anman.” Mewö.

Anutugö bemtohoŋi mi denöwö asuhuma?

Mat 24.23-28, 37-41

²⁰ Farisi (Köna keugö kapankölköl) yeŋön Jisös kewö qesim wanŋiba jiget, “Anutugö bemtohoŋi mi mönönö wanat nalönöŋ asuhuma?” Jiget möta

* **17:14:** Lew 14.1-32

melenḁa kewö jiyök, “Anutugö bemtohoḁan mönö jeninan ekinanḁö dop ḁahö asuhuma. ²¹ Mötket! Anutugö bemtohoḁi mi sutḁine uruḁine asuhuba ahöza. Mianḁöra mi kianḁoreḁ me enduyangöreḁ ahözawi, mewö jibingö osimakzin.”

²² Jisösnöḁ ḁwarekurupḁi kewö jii mötket, “Könaḁep nalö kun kam kuḁgumawi, mianḁoreḁ Suep gölmegö azi ölnanḁö nup meme wehöḁḁi mienḁoreḁök kun ekingö ak enḁimapmö, mi kunbuk ekingö osime. ²³ Nalö mianḁoreḁ kewö jiget mötme, ‘Mötket! Amötqeḁe Toḁan mönö endu malja. Mötket! Mönö ki asuhuza.’ Mewö mewö jigetka i ekingöra mianḁoreḁ ösumok kude luluhuba anme. ²⁴ Mi kewögöra: Suep gölmegö azi ölnan kunbuk kamawi, nalö mi wölbilikö dop kewö akḁa: Mi suep likepḁeyök zilaḁ biliksik ala asariba likepḁe dop köla anjawi, yanḁön mönö mianḁö dop asuhuma. ²⁵ Könaḁep mewö asuhumapmö, mutuk ambazip nalö kewöḁe gölmenöḁ maljei, yeḁön azi mi yaköriba andö ḁem wanḁigetka sihimbölö ketaḁi mötma.

²⁶ * “Mönöwök Noagö nalöḁe ambazipnöḁ malmalḁini ḁemasolokep ḁakḁe mala ayuhugerḁ, mianḁö dop mönö Suep gölmegö azi ölnan kunbuk kamawanḁö nalöḁe mewöyök asuhuma. ²⁷ * Noagö nalöḁe nene lömbuaḁ ala o köhöikḁi nemba ambi kenam bohonnaḁö alget anda kaiga anḁömeget. Ahakmeme mewö aka memba ḁemasolokep malgetka Noanöḁ wanḁe uruḁe öḁgöyöhi, silim mianḁoreḁ teköyök. Teköiga o göulu ketaḁan kaba

* **17:26:** Jen 6.5-8 * **17:27:** Jen 7.6-24

ambazip jinonji qahö löm köl engii o nemulahöba kömuget.

²⁸ *[“]Lotkö nalöñe mewöyök qemasolokep malgetka mewöñanök asuhuyök. Ambazipnöñ nene lömbuanñ ala o jawat nemba nup köl kömöta jike mirinini memba qeköm nembu ala yuai bohonji memegöra algetka yuai tosatñi bohonji memba malget. ²⁹ Mewö aka memba malgetmö, Lotnöñ Sodom miri mosöta aniga wehön miangörenök könöp aka köt sömsöm könöpñambuk mi mönö kie ewö suepnöhök eta ambazip jinonji qahö engohoi kömuget. ³⁰ Könañgep Suep gölmegö azi öñan kunbuk asuhumawi, nalö miangören ambazipnöñ mewöñanök qemasolokep aka mala ayuhume.

³¹ [“]Silim miangörenñ sombemnöñ malmawanön mönö inap yuaiñi memangöra miri uruñe kude öngöma me nupnöñ anda malmawanön mönö mewöñanök miriñe kude lilingöba kama. ³² Lot anömñan melenña andöñe uba kömumba köt ahöhi, mönö mi mötmörime. ³³ *Kunñan malmalñi siyonñsayonji qahö nanñangöra angön köla nanñi imbi-imbi malmamgö mötzawi, yanğö malmalñan mönö sohomapmö, kunñan malmalñi nöñgöra aka köleñniga sohomawi, yanñon mönö malmal öñanğö könañi miwikñaiba oyaenñkoyaen malma.

³⁴ [“]Nöñon kewö jibi mötket: Sungem miangörenñ azi yahöt dumnöñ mohotñe ahöyohotka yetkörenök kun wanğita kun mosötme. ³⁵ Mewöyök ambi yahöt mi mohotñe tawenñ urasiba (bunahöba) tatmahori, yetkörenök kun wanğita kun mosötme.”

* **17:28:** Jen 18.20–19.25 * **17:33:** Mat 10.39; 16.25; Mak 8.25; Luk 9.24; Jon 12.25

36 (Azi yahöt nupnöh malohotka yetkörenök kun waŋgita kun moŋötmē.)

37 Jisösnöh mewö jiiga gwarekurupŋan melenḁa jiget, “O Kembu, mi denikeaŋgörenḁ asuhuma?” Mewö jigetka kewö jii mötket, “Sömbup gisakŋan kungen göröken ahömawi, manu köraraknöh mönöh miaŋgörenḁ öröba tokomakzei, mönöh miaŋgö dop asuhuma.” Mewö.

18

Malönöh kapaŋ köla uleriga azi ketanŋan bauköyök.

1 “Inini mönöh nalöh dop Anutu köuluköba qe-malokolip qahöh aka malme.” Jisösnöh mewö jiba miaŋgö dopkeuŋi kewö jii mötket, 2 “Taon kunöh keu jimteköteköh azi kun malök. Yaŋön ambazip yeŋgöh keugöra gamuŋi qahöh möta nanŋi imbi-imbi mala Anutugöh jitŋi oŋgitpilenḁbuköra keŋgötŋi qahöh mörök. 3 Taon miaŋgörenḁ malöh ambi kun malök. Yaŋön sundan dop keu jimteköteköh azi miaŋgörenḁ anda kewö jiba malök, ‘Kunŋan nömbuk aŋgururuk akzawaŋgöra göhön ölop bauköm niŋgibanak.’

4 “Mewö jiiga nalöh köröpŋi mi möta andöh qeba malökmöh, könanḁep uruŋan kewö jiyök, ‘Nöhön ambazip yeŋgöh keugöra gamuni qahöh möta nani imbi-imbi mala Anutugöh jitŋi oŋgitpilenḁbuköra keŋgötŋi qahöh mötzal. 5 Mewö maljalmöh, malöh kianŋön mönöh keu söksök põndanḁ jim niŋgiba kamakzawaŋgöra olan nöhöiga ölop bauköm waŋgibiga keuŋi teköma. Qahöh bauköm waŋgibileŋak ewöh, yaŋön mönöh qösösök kaiga qeriqerini mötpilenḁbuk.’ ”

⁶ Kembunöŋ kösohot mi mem teköba jiyök, “Jimtekötekö azi gonŋonjan keu jiyöhi, mönö miangöra kezap ala könaŋi mötmöriŋet. ⁷ Anutunöŋ ambazip nanŋanŋöra möwölöhöm enŋiyöhi, yeŋön sunŋem asak bauköm enŋimapköra köulukögetka Anutunöŋ mönö yeŋö keuŋini kewöta jim teköi ölöwakŋe. Bauköm enŋimamgö jiba tanŋaŋ qahö aka nalö qahö könjörari öŋgöma. Mi qahöpmaŋö! ⁸ Nöŋön kewö jibi mötket: Anutunöŋ mönö nalö kude köriiga keuŋini kewöta jim teköi ölöwakŋe. Wölan bauköm enŋimakzapmö, mi töndup Suep gölmegö azi ölnjan lilingöba kaba ambazip kewöt enŋimawi, nalö miangöreŋ mötnariŋ ölni miwikŋaima me qahöpto?” Mewö.

Farisi aka takis meme yetkö köulukŋiri

⁹ Ambazip tosatŋan nanŋinanŋö mötket öŋgöiga solanŋi diŋdiŋi akzin jiba tosatŋi mötketka eretŋi ahök. Jisösnöŋ i enŋeka dopkeu kun kewö jii mötket, ¹⁰ “Azi yahötŋan jöwöwöl jikenöŋ öŋgöba köuluköyohot. Kunöŋ Farisi aka kunŋan takis meme azia.

¹¹ “Farisi (Köna keugö kapaŋkölköl) yaŋön kinda nanŋök kewö köuluköyök, ‘O Anutu, ambazip tosatŋan uruŋini gonŋiiga kalöpmaalöp aka sero yonŋorö ahakze, ni yeŋö dop qahö maljal me takis meme endu kinjawi, ni yaŋö dop mewöyök qahö maljal. Miangöra saiwap jim gihizal. ¹² Nöŋön sonda dop sömaŋi yahöt nenegö ŋiŋi malakzal. Nöŋön moneŋ inapni pakpak mendeŋda 10:nöhök mohok Anutugö buŋaya qemakzal.’

13 “Mewö köuluköyökmö, takis meme yañön wañgömñi kunöñ kindä Suepnöñ eu umangö gamuñi möta böröñan jeñi esuhuba kewö köuluköyök, ‘O Anutu, siñgisöndok azi ni mönö ak kömum niñgiman.’ 14 *Nöñön kewö jibi mötme: Yañön mönö Anutugö jeñe solaniba miriñe lilinğöyökmö, Farisi (Köna keugö kapañkolköl) yañön mewö qahö. Denike yeñön nanñini uruñini memba öñgömei, Anutunöñ mönö i körek memba et al enğimapmö, kunñan nanñi uruñi memba etmawi, Anutunöñ mönö i memba öñgöba al wañgima.” Mewö.

Jisösnöñ nahönbörat kötuetköm enğiyök.

Mat 19.13-15; Mak 10.13-16

15 Ambazip tosatñan nahönbörat morömorö mewöyök enğuañgita Jisösnöñ böröñan enğimisirimapköra yañgöreñ kaget. Kagnetmö, gwarek yeñön mi eka jim qetal ak enğiget. 16 Mewö aketmö, Jisösnöñ nahönbörat mi köl öröm enğii kagetka kewö jiyök, “Nahönbörat moröñi mi ölop enğömosötketka nöñgöreñ kame. Anutunöñ ambazip mewö mia bemtohoñi buña qem enğima. Mianğöra i kude jöhöm enğime. 17 Nöñön keu ölni kun kewö jibi mötme: Kunñan Anutugö bemtohoñi mi nahönbörat ewö buña qahö qem anğumawi, yañön mönö mianğö uruñe anğotmamgö osima.” Mewö.

Jisösnöñ azi pomñi kungö qambañ keu jiyök.

Mat 19.16-30; Mak 10.17-31

* **18:14:** Mat 23.12; Luk 14.11

18 Galömkölköl azi kunjan Jisösgöreŋ kaba kewö qesim waŋgiyök, “Böhi ölopŋi, nöŋön mönö denöwö aka malmal köhöikŋaŋö buŋa qem aŋgubilenak?”

19 Qesim waŋgiiga kewö jii mörök, “Gi nöŋgöra ‘Böhi ölopŋi’, mi wuanöŋgöra jizan? Anutu mohotŋan ölopŋi akza. Azi kunjan i ewö ölopŋi qahö akza. 20 *Gi jöjopaŋ keu ki möt teközan, ‘Sero yoŋgorö kude akŋan, Ambazip kun kude qenöŋ kömuma, Yoŋgorö kude meman, Jitnöŋ alal keu kude jiman, Iwinamgi mönö göda qem etkimakŋan.’”

21 Mewö jiyökmö, galömkölköl azinöŋ kewö jiyök, “Mi pakpak mönö gwaböneyök tem köla mala kotzal.” 22 Jii Jisösnöŋ möta kewö jii mörök, “Mohot-kungöra kewö osizan. Gi mönö anda sukinapki pakpak söŋgörüŋi memegöra alnöŋ moneŋ kaiga meŋdenŋa ambazip wanapŋi eŋgiman. Mewö aknöŋga sukinapki ketanŋi (guli masapu, milyön kina ewö) mi Suep mire ahöm gihima. Mewö aka ni nuatanŋöba kaman.” 23 Mewö jiyökmö, azi mianŋön kindiŋbirik malöhaŋgöra aka keu mi möta wösöbirik aka jeni asöliiga öne mosöta anök.

24 Wösöbirik ahöhi Jisösnöŋ mi eka kewö jiyök, “Yei! Ambazip moneŋ inapŋinambuk yeŋön mönö Anutugö bemtohoŋnöŋ aŋgotpingö lömböriba kupuk-kapak akŋe. 25 Mi kewö jim tuarimam: Sömbup ketanŋi kamel mi kondi kinimŋe ölop qahö aŋgotma. Mianŋö dop ambazip pomŋi yeŋön Anutugö bemtohoŋ uruŋe aŋgotpingö lömböriba qaköme.”

* 18:20: Eks 20.12-16; Dut 5.16-20

²⁶ Keu mi jii mötkeri, yeñön kewö jiget, “Oponon! Ambazip danön mönö Suepkö buñaya akawak?”
²⁷ Mewö jigetka kewö melenök, “Ambazipnön mi esapköba osiba qakömakzemö, Anutunön mönö yuai pakpak ölop ahakza. Yeñön yuai kun aka memangö qahö osiba qakömakza.”

Jisösgö nup memegö töwanji

²⁸ Pitönön keu mi möta melennda kewö jiyök, “Mötnön, neñön mönö miri gölmenini mosöta gi guatanöba kain.” ²⁹ Mewö jiiga Jisösnön kewö jii mötket, “Nöñön keu ölni kun kewö jibi mötme: Kunjan Anutugö bemtohoñgöra aka yuai kun mosöröhi, - mi miri gölmenji, anöm-moröñji, darumunji me iwinamñji - mi engömosöriga ³⁰ Anutunön mönö salupñe toroqeba ongita likepñi melen wañgiiga mi gölmegö malmalnön mema aka malmal könangepñe malmal köhöikñi teteköñi qahö buña qem anguma.”

*Jisösnön kömumangö keuji jiiga karöbut ahök.
 Mat 20.17-19; Mak 10.32-34*

³¹ Jisösnön gwarekurupñi 12 mi öröm engii kagetka kewö jiyök, “Mötket, nini Jerusalem öngöbin. Kezapqetok ambazipnön Suep gölmegö azi ölnangöra keu pakpak ohogeri, mi mönö ölnambuk ak teköma. ³² Kunön i mamalolo mem wañgiiga kian gawman yeñgö böröñine gema. Yeñön jijiwilit aka mepaiköba keu töhöreñ jim wañgiba söutkölap qeme. ³³ Söutkölap qeba ihilek wahinambuknön tauköm wañgiba qeget kömuma. Kömumba wehön karöbut aiga kömupnöhök wahötma.”

34 Mewö jiyökmö, gwarek yeñon keu mi qahöpmahöp möt asariget. Keu jiyöhi, mi asa-asambötne ahöiga mi qahö möt kutuget. Mewö.

Jisösnöñ jegömöl azi kun mem ölöwahök.

Mat 20.29-34; Mak 10.46-52

35 Jisösnöñ anda Jeriko mire dopdowiiga jegömöl azi kunñan nene moneñ wañgimegöra uleta köna jitne tarök. 36 Tariga ambazip kambu könanöñ ongita angetka kourukñini möta “Wanat yuai asuhuza?” jiba qesim enjgiyök.

37 Qesim enjiiga kewö jiget, “Jisös, Nazaret azinöñ mönö könanöñ kaba goñgitmamgö akza.”

38 Jigetka kewö qerök, “Jisös, Deiwidkö gwölönarökñi! Gi mönö ak-kömum niñgiman!”

39 Mewö qeriga ambazip mutuk angeri, yeñon bök tatmapköra qetal wañgigetmö, yañon kapan köla qet gigilahöyök, “Deiwidkö gwölönarökñi! Gi mönö ak-kömum niñgiman!”

40 Qet gigilahöiga Jisösnöñ dörök ala kewö jim kutuyök, “I mönö böröñe memba nöñgöreñ kame.” Jiiga memba dowe kañgotketka kewö qesim wañgiyök,

41 “Alani! Gi mönö wani yuai ak gihimamgöra mötzan?” Qesim wañgiiga jiyök, “Kembu! Ni jeni kunbuk umamgöra mötzal.”

42 Jiiga Jisösnöñ kewö jii mörök, “Mönö jegi unöñ. Mötnaripkan mönö mem ölöwak gihiza.”

43 Mewö jiiga miangöreñök jeni tohoiga törörök uba Anutu möpöseiba Jisös wuatangöba andöñe anök. Ambazip pampak yeñon yuai mi eka Anutu möpöseiget. Mewö.

19

Zakiusnöh uruñi meleşnök.

¹ Jisösnöh Jeriko taonöh kaŋgota kutuba anmamgö ahök. ² Mianğoreñ azi kun qetñi Zakius malök. Yañön azi pomñi aka takis meme yengö jitnememenina malök. ³ Yañön Jisösgö kaisongolomñi ekñamgö ak wañgiyökmö, azi töröptökñağöra ambazip kambu sutñine kinda kököriba osiyök. ⁴ “Jisösnöh ki kaba neñgoñgitma,” jiget möta ekñamgöra ösumök anda ambazip eñgoñgita sikamore ip* qakñe öngöba tarök. ⁵ Tari Jisösnöh mianğoreñ aŋgota jeñan ui öngöi eka yağöra kewö jiyök, “Zakius, gi mönö ösumök etnöh. Ni merak göhö mire kabi mohotñe tatpit.”

⁶ Mewö jiiga ösumök eta söñgaiba köl öröm wañgiiga miriñe anohot. ⁷ Anohotka ambazip körekñan mi eka irikuruk aka kewö jiget, “Mönö wuanöngöra siñgisöndok azi mewöñağö mire öngöba tatza?”

⁸ Mewö jigetmö, Zakiusnöh ambazip sutñine aukñe wahöta kinda Kembugöra kewö jiyök, “Kembu mötnöh, nöñön ainemalukuni bibiñe mendenä likepñi ambazip wanapñi yengöra eñgimam aka denike yengöreñ öroyuai kun dop oñgita tilipqilip aka wañgirali, mi mönö ambemñi 4:gö dop toroqeba melenä eñgimam.”

⁹ Mewö jiiga Jisösnöh yağö könañağöra kewö jiyök, “Anutunöh merak miri kianğö toni amöt qem wañgii letotza. Yañön mewöyök Abrahamgö gwölönarökurupñi yengö sutñine malja. ¹⁰ *Suep

* **19:4:** Sikamore mi köwu ewöya, kötñi neneña.

* **19:10:** Mat

gölmegö azi ölnan mönö ambazip sohogeri, mi jaruba amöt qem engimangöra aka erök.” Mewö.

*Moneŋ esu 10 mendeŋda enŋiyök, miangö dopkeu.
Mat 25.14-30*

¹¹ *Jisösnöŋ kaba Jerusalem siti dopdowiba keuŋi jii ambazip mi mötkeri, yeŋön kewö mötmöriget, “Anutugö bemtohoŋgö ölnan zilaŋ asuhuma.” Mewö mötmörigerangöra Jisösnöŋ dopkeu kun kewö jiyök, ¹² “Azi qetbuŋaŋambuk kunŋan kewö jiyök, ‘Ni mirini mosöta kantri kunöŋ köröwen anbiga miangöreŋ ni kiŋ kembu kuŋgum niŋgigetka mala lilingöba kamam.’ ¹³ Mewö gölme köröwen anmamgö jiba nup aziurupŋi 10 enŋoholi kagetka moneŋ esu 10 mendeŋda enŋiba kewö jiyök, ‘Nöŋön anda mala biaŋ lilingöba kamam. Enöŋ nalö sutŋe kiaŋgöreŋ moneŋ kiaŋön kölköl-örörö nup memba mem sehime.’ ¹⁴ Mewö jiba anökmö, könagesöurupŋan kazik ak waŋgiba kewö jiget, ‘Nini azi kiaŋön nanine azi kembu aka galöm köl nengimapkö töközin.’ Mewö jiba welen azi tosatŋi melaim enŋiget andöŋe anda buzup mi jiget mörök.

¹⁵ “Mewö mörökmö, töndup kantri anök, miangöreŋ yeŋön i azi kembu kuŋgum waŋgigetka nanŋi prowinsnöŋ kunbuk lilingöba kayök. Kaba nup aziurupŋi moneŋ esu enŋiyöhi, mi jiiŋa yaŋgö jeŋe kaŋgotket. Mohot mohot yeŋön kölköl-örörö nup memba moneŋ mem sehigetka dawik asuhuyöhi, mi kondelget ekŋamgöra qesim enŋiyök. ¹⁶ Nup azi mutukŋan jeŋe kaŋgota jiyök,

* **19:11:** Mat 25.14-30

‘Kembu, nõñõn moneñ esugi mem sehibiga toroqeba kunbuk esu 10 miwikñaial.’

17 “Mewö jiiga kewö jii mörök, ‘Mi ölop. Gi nup meme azi ölopñi. Gi yuai morörökñi memba mi kapankapan aka galöm köla malnõnga sehiyök. Miangöra nõñõn taon gölme 10 mindiriba göhö böröge albi yengö galömñina malman.’ 18 Mewö jiiga nup azi alañan jeje kangota kewö jiyök, ‘Kembu, nõñõn göhö moneñ esugi mem sehibiga toroqeba kunbuk esu 5 miwikñaial.’ 19 Mewö jiiga yangöra mewöyök kewö jii mörök, ‘Mi ölop. Nõñõn taon gölme 5 mindiriba göhö böröge albi yengö galömñina malman.’

20 “Kunbuk kunñan kangota jiyök, ‘Kembu eknöñ. Göhö moneñ esugi ki. Mi oponöñ esuhuba lolongöbi ahöyök. 21 Gõñõn azi könöpñambuk akzanangöra aka göhöra keñgötñi möta malal. Gi nangak inap yuai köwenöñ qahö alnöñi, mia töndup memangö mörakzan. Gi nangak nene kötñi qahö kömötnõnga asuhuyöhi, miangö ölni mi töndup yandiba memangö mörakzan.’

22 “Mewö jiiga melenða kewö jim wanjiyök, ‘Gi nup azi bölöñi. Nangak keu jizani, nõñõn miangö dop kewöt gihiba likepñi meleş gihimam. Ni azi könöpñambuk akzal. Nanak yuai köwenöñ qahö ala mi memangö mörakzal. Nanak nene kötñi qahö kömöta miangö ölni mi töndup yandiba memangö mörakzal. Mi ölop möta malnöñ. 23 Gi könani mewö mötagun mönö wuanõngöra moneñ esuni mi benknöñ qahö alnõnga qariyök. Mi kölköl-örörö nupnöñ albanak ewö, mianõn mönö sehiiga nõñõn kaba sunjambuk membilenak.’

24 “Mewö jiba azi kösutņe kingeri, mi kewö jii mötket, ‘Injini mönö yangö böröņeyök monen esuņi mi wanğita esu 10 miwikņaiyöhi, i wanğime.’ 25 Jii möta kewö jiget, ‘Kembu, yangören monen esu 10 mi lök ahöza!’ 26 *Mewö jigetka melenđa jiyök, ‘Nöņön kewö jibi mötket: Ambazip yuai ahöm enğizawi, yengöra körek mönö mi toroqem enğigetka sehimapmö, kungören yuai kun qahö ahözawi, morörökņi mia mönö mewöyök wanğitketka öne töhön malma.’ 27 Mewö jizalmö, kerökurupnan nöņön kiņ kembu aka galöm köl enğimamgö tökögeri, i mönö enğuanğita kagetka enğeka jim kutubi enğugetka kömume.’ ” Mewö.

Jisösgöra köiran kölgetka Jerusalem öngöyök.

Mat 21.1-11; Mak 11.1-11; Jon 12.12-19

28 Jisösnöņ keu mi jim teköba mosöta Jerusalem sitinöņ öngömamgöra mutuk anök. 29 Anda Betfage aka Betani miri yahöt kösutņire kaba kundunji qetņi Oil ip kundunji qerakzei, miangören öngöba gwarekyahöņi yahöt melaim etkiyök. Melaim etkimamgö aka 30 kewö jiyök, “Miri wösöņire tatzawi, mönö miangören anmahot. Anda miangören anğota donki moröņi kösönöņ jöhöget kinjawi, mi miwikņaimahot. Donki mi dölökņa, azi kunöņ qakņe qahö tatatņa. Mi mönö pösata memba ki kamahot. 31 Pösarohotka kunņan ‘Mi wanigöra pösatzahot?’ jiba qesim etkiiga kewö jimahot, ‘Kembuniran miangöra osiza.’ ”

32 Mewö melaim etkiiga anda jiyöhanğö dop miwikņaiyohot. 33 Miwikņaiiba donki moröņi

* 19:26: Mat 13.12; Mak 4.25; Luk 8.18

pösatpitkö ahotka tonjan jiget, “Hei! Donki moröni mi wanigöra pösatzahot?”

³⁴ Jigetka kewö melenohot, “Kembuniran miangöra osiza.” ³⁵ Mewö jiba memba Jisösgören kaba malukunini qeköba donki qakne tumbula jigetka Jisösnöñ öngöba tarök. ³⁶ Mewö tata aniga ambazip kambu yeñön göda qeba opo malukunini qeköba köna namne tumbulget.

³⁷ Tumbulgetka anda Jerusalem dopdowiba Oil ip kundunangö sörökne geiga gwarek kambu pakpak yeñön könahiba söngaiba anğöletot pakpak kukösum qakne mei ekeri, miengöra qet ketani qeta Anutu möpöseim wangiba ³⁸ *kewö jiba qetket, “Anutu möpöseizin. Kiñ Kembugö qetne kamawi, Anutunöñ mönö i kötuetköma. Luaigi aka qetbuñagi möpöseininga Suepnöñ euyangören öngöza. Owe owe!”

³⁹ Mewö qetketka Farisi (Köna keugö kapankölköl) tosatnan ambazip kambu sutnine kinda kewö jim wangiget, “Böhi, mönö gwarekurupki jim enğinöñ.” ⁴⁰ Mewö jim wangigetka kewö melenök, “Nöñön kewö jibi mötme: Yeñön göröñ kinbeak ewö, köt yeñön mönö silata qetpeak.” Mewö.

Jisösnöñ Jerusalem sitigöra sahörök.

⁴¹ Jisösnöñ Jerusalem dopdowiba siti mi eka sahörök. ⁴² Sahöta kewö jiyök, “Enğören luai denöwö ahubawak! Inini miangö könanı wehön kianğören möt kutugetka dop kölbawakmö, nalö kewöne mi jeñini qahö tohozawangöra aka tölapne ahöza. ⁴³ Miangö könanı kewö: Nalö kun kam

* **19:38:** Sum 118.26

kuṅgumawi, mianḡöreṅ kerök yeṅön kaṅgota kiripo köhöikṅan siti ki kuṅgum liliköba likeplikēp eu emu kinda gwan ala kahasililiṅ ak eṅgime. ⁴⁴ Anutunöṅ mesohol köla eṅgoholiga iṅini nalö bohonṅi mi qahö möt kutuba nesampurek aka Anutu andö qeba laṅ mala kotzei, mianḡöra kerök yeṅön köndenṅmöndenṅ eṅgigetka mirigö köt kun mi köt kungö qakṅe qahö kinmapmö, siti kianṅön mönö qeḡelanṅaṅ ahöma. Yeṅön jike miriṅini köndenṅda moröurupṅini siti uruṅe maljei, mi eṅgum ureime.” Mewö.

Jisösnöṅ jöwöwöl jike jim kömbuhyök.

Mat 21.12-17; Mak 11.15-19; Jon 2.13-22

⁴⁵ Jisösnöṅ keu mi jim teköba jöwöwöl jikegö tohoṅ uruṅe anda inap bohonṅi memegöra algeri, mi könahiba közöl eṅgiiga etket. ⁴⁶ *Közöl eṅgiba kewö jii mötket, “Aisaianöṅ keu kun kewö ohoi ahöza, ‘Nöṅgö jikenan mönö köulukö miriṅina akṅa.’ Keu mi ahözapmö, iṅini mi utekögetka kegwek-kahasililiṅ yeṅgö baṅet ewö akza.”

⁴⁷ *Jisösnöṅ nalö dop jöwöwöl jikenöṅ öṅgöba Buṅa keu kusum eṅgiba malök. Mewö malökmö, jike nup galöm aka Köna keugö böhi yeṅön tokoba kantri jike kaunsöl yembuk eraum möta kewö jiget, “Mönö denöwö jiinga qegetka kömumbawak?”

⁴⁸ Mewö jigetmö, ambazip kambu pakpak mienṅön yambuk qekötahöba Buṅaṅi kezap ala mötket. Mianḡöra “Mönö denöwö akinak?” jiba köna kun qahö miwikṅaiget. Mewö.

* **19:46:** Ais 56.7; Jer 7.11 * **19:47:** Luk 21.37

20

Jitnememe yeñon Jisösgö kukösumñangö qesiget.

Mat 21.23-27; Mak 11.27-33

¹ Jisösnöñ jöwöwöl jikenöñ öngöba ambazip kambu kusum engiba Ölöwak Buña jim asarim engiba malök. Nalö kunöñ mewö aiga jike nup galöm aka Köna keugö böhi yeñon kantrigö jitnememe tosatñi yembuk Jisösgö jeñe kañgotket.

² Kañgota kewö qesim wañgiget, “Gi kiangörenñ yuai akzani, mi mönö dañon jim kutum gihiiga ahakzan? Miangö kukösumñi mi dañon gihiyök? Mi jinöñga mötpin.”

³ Qesim wañgigetka kewö melenñ engiyök, “Nöñon mewöyök qesim engibi mi jiget mötmam. ⁴ Jonöñ ambazip o-melun mem engiba malöhi, yañon miangö kukösumñi mi denikeyök meyök? Suep Toñan wañgiyök me gölme toñan wañgiget?”

⁵ Mewö melenñ engiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañon mönö kewö jima, ‘Mewö aiga inini i mönö wuanöñgöra qahö möt narim wañgiget? Mi qahö dop kölja.’ ⁶ Könagesö pakpak yeñon Jongöra ‘Kezapqetok azia akza,’ jiba mi köhöikñanök möt nariba malje. Miangöra ‘Gölme ambazipnöhök asuhuyök,’ jibin ewö, yeñon mönö irimñini seholiiga kötnöñ nengume.” ⁷ Keu mewö kewöta kewö melenñget, “Kukösumñan denikeyök ahuyöhi, nini mi qahö mötzin.”

⁸ Mewö melenñgetka Jisösnöñ kewö jii mötket, “Mewö aiga nöñon mewöyök yuai ki ahakzalanö kukösumñi dañon niñgiyök, mi qahö jibi mötme.” Mewö.

*Wain kösö nup galöm bölöni, miengö dopkeu
Mat 21.33-46; Mak 12.1-12*

⁹ *Jisösnöñ könahiba ambazip dopkeunöñ kewö jii mötket, “Azi kunñan wain kösö nup köla kömörök. Köl kömöta nup galöm tosatñi miwikñaim engiba jiiga nupñi memba ölnañgö bahöni nanñini memba bahöni tonji wañgimegöra böröñine alök. Böröñine ala engömosöta kantri kunöñ anda nalö köröpñi malök.

¹⁰ “Mala mali ölni öliyöhanğö nalöni (yambu 5) töriiga miangörenñ welenqeqeñi kun melaim wañgiiga galöm yeñgörenñ anda wain nup ölnañgö bahöni wañgimegöra jiyök. Jiyökmö, nup galöm yeñön i kömbinöñ qeba wuatañgögetka böröni börak lilingöyök. ¹¹ Miangö andöñe welenazi kun melaim wañgiiga anökmö, i mewöyök kömbinöñ qeba gamu qem wañgiba wuatañgögetka böröni börak lilingöyök. ¹² Lilingöiga nup tonjan welenazi kun kunbuk melaii aniga ambemñi karöbut ahökmö, i mewöyök sepgwörörök qeba nup yaigepñe gilget geyök.

¹³ “Mewö aketka wain nup tonjan keu jaruba jiyök, ‘Mönö denöwö akñamto? Nani wölböt nahöni mönö melaibiga ani i eka göda qeme me denöwö?’ ¹⁴ Mewö jiba nahöñni melaiiga anökmö, wain nup galöm yeñön i eka sutñine kewö eraum möta jiget, ‘Yañön mönö börösamotñañgö tonji akña. Ayop, i mönö qein kömuiga wain kösö nup kianñön mönö nanine buñanina akña.’ ¹⁵ Mewö jiba gilgetka nup yaigepñe geiga qeget kömuyök. Wain nup tonjan mi möta mönö denöwö ak engima?

* **20:9:** Ais 5.1

16 Yanön mönö nanjak kaba nup galöm mi köndej engima aka nup galöm dölöknji miwiknajim engiba wain kösö nupji yengö böröjine alma.” Jisösnöj dopkeu mewö jii möta jiget, “Mi qahö dop kölja. Yapmakek!” 17 *Jigetmö, Jisösnöj i törörök engeka kinda kewö jiyök, “Buña Kimbigö keu kun kewö ahöza,

‘Miri meme yengön köt tandö kun andö qeba öne mosötket taröhi, mianön mönö tandö kömbönañi aiga miwiknajiget.

Mianön tingiriga mirinöj mönö gororongöba eta kölma.’ Keu miangö könañi denöwö?

18 Miangöra kewö jibi: Kunjan tandö bohonji miangöreñ tötöngata eta qemawi, mi mönö silenji kutumutumapmö, ain tandö mianön jöla tala kungö qakñe eta kölmawi, mi mönö körek qözömözözangöma.”

19 Jisösnöj mewö jiiga Köna keugö böhi aka jike nup galöm yengön keu miangö könañi möt asariba kewö jiget, “Dopkeu mi mönö nengöra jiza.” Miangöra i nalö miangöreñök memba jöhöbingö mötketmö, ambazip kambu yengöra kenğötñini möta osiget. Mewö.

Takis alalgö Jisös esapköm wangiget.

Mat 22.15-22; Mak 12.13-17

20 Juda jitnememe yengön Jisösgö jegalöm meget. Mewö memba keunji kun qiwitipköi keugö bötaknöj öröi gwaröhöm wangimegöra aka azi tosatñi melaim engiget yangöreñ kaget. Opotöröp aka premiö yengö böröjine al wangibingö möta

* 20:17: Sum 118.22

Buŋa keu ölöpn̄i jiji tandök aka qesiba keuŋaŋgö kezap alget.

²¹ Areŋ mewö ala qesiba kewö jiget, “Böhi, nini göhö könagi mötzin. Göŋön keu diŋdiŋi jiba kusum neŋgimakzan. Göŋön ambazip tosatŋi qahö eŋgek soriba tosatŋi qahö qepureim eŋgimakzanmö, dop mohotnön kewöt neŋgimakzan. Mewö aka Anutugöreŋ köna mi keu ölnaŋgö dop kusum neŋgimakzan. ²² Mianğöra nini sisa-kiŋğöra takis ala mianğön Mosesgö Köna keu siŋgibin me qahö?”

²³ Mewö jigetmö, Jisösnön isinkakalek areŋini möt kutuba kewö jii mötket, ²⁴ “Ölöp silwö monen (Kina 5) kun kondel niŋgigetka eki. Dagöreŋ imut aka qet mi mianğöreŋ ohoget ahöza?” “O, mi sisa-kiŋğöreŋ,” mewö melenđa jiget.

²⁵ Jigetka kewö jii mötket, “Mewö aiga yuai sisa-kiŋgö imutŋambuk buŋaŋi akzawi, mi mönö yaŋğöra al waŋgime. Yuai kun Anutugö buŋaya akzawi, mi mönö Anutugö buŋa qeme.” ²⁶ Jisösnön mewö jiyöhaŋğöra ambazip kambu yeŋgö jeŋjine keugö bötaknön al waŋgibingö osiba keuŋaŋğöra welipköba keu bök kinget. Mewö.

Kömupnöhök wahötwahötkö Jisös esapköm waŋgiget.

Mat 22.23-33; Mak 12.18-27

²⁷ *Sadyusi böhi pati yeŋön “Kömugeri, yeŋön kude wahötmē,” jiba malget. Yeŋğöreŋök tosatŋan Jisösgö jeŋe kaŋgota kewö qesim waŋgiba ²⁸ *jiget, “Böhi, Mosesnön kewö jim kutum neŋgiyök ahöza, ‘Azi kun ambi meiga nahönbörat qahö ahui kömuiga munŋan ölöp malön̄i memba mala

* **20:27:** Apo 23.8 * **20:28:** Dut 25.5

gwölönarök qiwikñaim wanñiiga datñangö qet bisiba malma.’

²⁹ “Mötnöñ! Nalö kunöñ darumun 7 malget. Datñini mutukñan ambi memba mala gwölönarökñi qahö öne mala kömuyök. ³⁰ Kömuiga munñan malöñi mi meyök. ³¹ Mianğö andöñe munñi kunñan ambi miyök meyök. Mewöña mewö darumun 7 pakpak yeñön ambi mohok miyök memba gwölönarök qahö mala kömum teköget. ³² Kömugetka tekögetka qöndökñi malöñini mi mewöyök kömuyök. ³³ Göñön ‘Kömugeri yeñön guliba wahötme,’ jizanmö, nini mi qahö möt narizin. Mötnöñ, azi 7 pakpak mi öröröñ wahötpeak ewö, ambi mohok mi anömñina meget malöhanğöra aka mönö dagö anömña akawak?”

³⁴ Mewö jigetka Jisösnöñ kewö melenök, “Nalö kewöñe gölme kianğöreñ ambazip awanöm aka malahakze. ³⁵ Mi malahakzemö, ambazip urunñi melengetka Anutunöñ eka möri dop köliga kömupnöhök wahöta miri gölme kun euyangöreñ anğota malmei, yeñön mianğöreñ qahö amime.

³⁶ “Mianğö könani kewö: Mötnarip ambazip guliba kömupnöhök wahötmei, yeñön Anutugö nahönböraturunñi akze. Yeñön Suep garata tandök ewö aka kunbuk qahö kömumemö, teteköñi qahö mal öngöme. ³⁷ *Mötket! Kömugeri, yeñön guliba wahötmegö keunñi mi Mosesnöñ mewöyök nanğöba jiyök. Ip köhösnöñ könöp bölam ahuba qahö jem kutuyöhi, yanñon mi eka kösohotñi ohoi mianğöreñ keu kewö ahöza, ‘Nöñön Anutu Abrahamgö Kembu, Aisakö Kembu aka Jeikobkö

* **20:37:** Eks 3.6

Kembuya mala kota maljal.’³⁸ Isik bömön karöbut yeñön Anutubuk mala mal köhöiba öngöme. Körek köhöiba maljei, yeñön mönö malmalñini Anutugöra malje. Miangöra Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza.”

³⁹ Jisösnöñ mewö melenñiga Köna keugö böhi tosatñan melenña kewö jiget, “Böhi, mi törörök jizan.”⁴⁰ Mewö jiba keu kun kunbuk qesim wañgibingö kölköldömdöm aka mosötket. Mewö.

Kraist mi kiñ Deiwidkö Kembuñi aka gwölönarökñi.

Mat 22.41-46; Mak 12.35-37

⁴¹ Jisösnöñ keu kun kewö jii mötket, “Kraistnöñ Kiñ Deiwidkö gwölönarökñi akzawi, tosatñan keu mi denöwögöra jimakze?”⁴² *Deiwidnöñ nanñak keu kewö jiiga Sumbara (Buña liñet, sam) Kimbinöñ ahöza,

‘Anutunöñ kinda nöñgö Kembuni kewö jii mörök, Göñön mönö kaba nöñgö böröni öñje tatnöñga

⁴³ nöñön nalö sutñe kerökurupki tim tötala luhut al eñgiba göhö köna tambö gwaröñe al eñgimam.

Nalö mi kam kuñgumawañgö dop mönö asakmararañnöñ ki tatman.’

⁴⁴ Deiwidnöñ mewö jiba qetñi ‘Nöñgö Kembuni’ jiza. ‘Kembuni’ jiba mönö denöwö aka yañgö gwölönarökñi mohot akawak?” Mewö.

Urumelenñgö silesile malmalgö galöm meme keu Mat 23.1-36; Mak 12.38-40; Luk 11.43

* **20:42:** Sum 110.1

⁴⁵ Jisösnöŋ gwarekurupŋi yeŋgöra keu kewö jiiga ambazip kambu pakpak mi mötket, ⁴⁶ “Köna keugö böhi yeŋgöra mönö galömnjini memba malme. Yeŋön maluku köröpŋi löngöta anda kaba kondel aŋgubingö mörakze. Maketnöŋ me könanöŋ ambazip eŋgeketka jölöŋini jimegö mörakze. Mewöyök köuluk mire qaikŋe eu tatpingö sihimŋi mörakze aka közölömbuaŋnöŋ dum tatat mutukŋe jegep tatpingö mörakze. ⁴⁷ Yeŋön malö yeŋgöreŋ miri yuai bidaŋda gagabe köla eŋguaŋgirakze aka qetbuaŋjini asuhumapköra köuluk köröpŋi köuluköba töptöpŋine qemakze. Miaŋgöra Anutunöŋ keuŋini jim teköba likepŋi öŋgöŋgöŋi meleni qakŋine öŋgöma.” Mewö.

21

Ambi malö kunŋan naluk kötin ölni alök.

Mak 12.41-44

¹ Jisösnöŋ kinda ui ani ambazip pomŋi yeŋön nalukŋini mi naluk dundumŋe alget geyök. ² Alget geiga ambi malö wanapŋi kunŋan kaba souje kötni pisikŋi yahöt ali geyöhi, mi mewöyök ehök. ³ Mi eka kewö jiyök, “Nöŋön keu ölni kun kewö jibi mötket: Malö wanapŋi kianŋön naluk aljawi, mi mönö tosatŋi pakpak eŋgoŋgita alja. ⁴ Miaŋgö könanŋi kewö: Körek yeŋön monen ketanŋi ahöm eŋgiiga kitipŋanöhök aljemö, ambi kianŋön köruebörue maljawaŋgö dop yuaiŋi pakpak al teköba öne töhön malma.” Mewö.

Jöwöwöl jikenöŋ könderŋmönderŋ asuhuma.

Mat 24.1-2; Mak 13.1-2

⁵ Jerusalem jöwöwöl jike mi köt eksihimᵐambuk aka kalemᵐni kalemᵐni Anutugöra algeri, mianᵐön meᵐjölögetka aködämunᵐambuk ahöyök, gwarek tosatᵐjan mi eka eraum mötketka Jisösnöᵐj keu kewö jii mötket, ⁶ “Miri ki eᵐᵐgekzei, mi mönö köndenᵐgetka mirigö köt kun mi köt kungö qakᵐje qahö ahömapmö, qeqelanᵐlan aka sahopᵐjanök ahöma.”

Kahasililiᵐj aka sesewerowero asuhuma.

Mat 24.3-14; Mak 13.3-13

⁷ Mewö jiiga möta qesim waᵐᵐget, “Böhi, keu jizani, mianᵐgö ölni mönö wanat nalönöᵐj asuhum tiᵐᵐgitma aka asuhumamgö akᵐjawi, mianᵐgö ai-wesökᵐjan mönö denöwö asuhuma?”

⁸ Qesim waᵐᵐgetka kewö jiyök, “Kunᵐjan isimkakalek aiga janᵐjun anbeᵐpuköra mönö galömᵐjini memba malme. Ambazip gwötpukᵐjan asuhuba nöᵐᵐgö qetne kewö jime, ‘Nöᵐᵐön Kraist akzal,’ aka, ‘Nalönöᵐj mönö töriza.’ Mewö jimemö, eᵐᵐön mönö yeᵐᵐgö andöᵐjine kude anme. ⁹ Yarö aka karimᵐni karimᵐni asuhugetka ötoᵐᵐjini mötmemö, jönömᵐjini kude unduma. Yuai mi mutuhök asuhumapkö jijiᵐja. Mi asuhumapmö, gölmegö nalönᵐjan mönö mianᵐgöreᵐjök zilaᵐj qahö teköma.”

¹⁰ Mewö jiba toroqeba kewö jii mötket, “Kantri kunöᵐj kantri kun eᵐᵐgubingöra wahötme. Ambazip kambu kunöᵐj kambu kun yembuk aröᵐj aᵐᵐgubingöra wahötme. ¹¹ Gölmēᵐni gölmēᵐni mianᵐgöreᵐj kenöᵐj ketanᵐi ketanᵐi qözöla memba gölme meleᵐni gemakᵐja. Mewöyök bödiᵐni bödiᵐni (buöröᵐni buöröᵐni) asuhuba öᵐᵐgöba ahöma. Kawöl köhöikᵐni köhöikᵐni mienᵐön asuhugetka sesegilgil

kömumakŋe. Suepnöŋ aiwesök ketanŋi jemurutŋi murutŋi engekka keŋgöt kotkot akŋe.” Mewö.

Ölöwak Buŋagöra kerök asuhuma.

Mat 24.9-14; Mak 13.9-13

¹² “Yuai pakpak mi asuhumemö, mutuk qeljiŋe tosatŋan iŋini uruŋini melenŋeraŋgöra aka enŋömembra jöhöba sesewerowero ak enŋime. Tosatŋan öröm enŋiba köuluk miriŋine keu nupŋini memba jim tekögetka kösö miriŋi miriŋi mianŋöreŋ al enŋime. Tosatŋan nöŋgö qetnaŋgöra aka enŋuaŋgicketka kantriŋi kantriŋi yeŋgö kiŋ kembu aka premiö yeŋgö jemesoholŋine kinme.

¹³ Mewö kinda nöŋgö könaŋamni naŋgöba jigetka mötme. ¹⁴ *Keu jakeŋe al enŋigetka kinmei, nalö mianŋöreŋ keu denöwö jibinak, mianŋö waimanjatŋi qeljiŋe kude mötme. Keu mi mönö urukönömŋine algetka ahöma.

¹⁵ “Mi kewögöra: Nöŋön embuk kinda mötkutukutu enŋiba numbuŋini mem anŋemam. Uruawamŋanök malgetka tuarenjoŋurupŋini yeŋgöreŋök kunŋan mötkutukutu mi qetala keuŋini qeapköba memba et al enŋibingö osima.

¹⁶ Nannŋini iwinam, darumun, tinitosolom aka alaurupŋini yeŋön mewöyök aŋgönaŋ mem enŋigetka enŋöreŋök tosatŋi enŋugetka kömume.

¹⁷ Kantri pakpak yeŋön nöŋgö qetnaŋgöra aka kazik ak enŋigetka malme.

¹⁸ “Mewö malmemö, nöŋön köyan köl enŋibi nööröŋinaŋgö juŋŋi kunŋan qahö sohoma. ¹⁹ Iŋini kapaŋ köla köhöiba böŋ qeba kinda mianŋön mönö

* **21:14:** Luk 12.11-12

luhut ala oyaen koyaen malmal buŋa qem aŋgume.”
Mewö.

*Jerusalem sitigö köndermönder uru-önönambuk
Mat 24.15-21; Mak 13.14-19*

²⁰ “Könaŋgep yarö kambu yeŋön kaŋgota Jerusalem siti liliköba gwan almei, inini mi eka miangören kewö mötmörime, ‘Siti bohonji köndermöndermegö nalöŋan mönö kam kuŋguza.’

²¹ Nalö miangören Judia prowinsnöŋ malmei, eŋön mönö misinöba öröba kunduje anme. Sitingö malmei, eŋön mönö siti mosötme. Siti yaigeŋe mire malmei, eŋön mönö sitinöŋ kude anme.

²² * “Mi kewögöra: Buŋa Kimbinöŋ kezapqetok keu ohoget ahözawi, mi pakpak mönö ölnambuk akŋa. Keu miangö dop Anutunöŋ nalö miangören sinjisöndokninaŋgö likeŋi melenŋa qakŋine ali öngöma. ²³ Anutunöŋ Israel könagesö sinjisöndokninaŋgöra irimŋi seholiiga kazikŋi kondel eŋgiiga gölmenöŋ kahasililin keta bölökŋi asuhuma. Ambi gölömbuk aka morö juzunöŋ yeŋön mönö nalö miangören denöwö ösumŋinan anbeak? Miangöra Yei! jizal.

²⁴ “Köndermönder miangören ambazip tosatŋi mi bingö sou ketanŋan eŋgugetka kömume. Tosatŋi kösö gwaröhöm eŋgiba eŋguanŋitketka kantri pakpak yeŋgö sutŋine aŋgotme. Aŋgotketka kian kantri yeŋön kaŋgota Jerusalem tiamgöba malme. Mewö malgetka Anutunöŋ nalöŋini tohot qei tatzawi, mi-aŋön kam kuŋguiga mosötme.” Mewö.

* **21:22:** Hos 9.7

*Suep gölmegö azi ölnan mönö asuhum tinğitma.
Mat 24.29-31; Mak 13.24-27*

25 **“Wehön aka köinj jenjire aka senğelau miangörenj aiwesök murutnji murutnji asuhume. Köwetnönj siri qegetka ötönj ketanji ahumakzawangöra gölmegö kantri pakpak yeñön tötbörömñini kaiga wahöjalinj möta malme.* 26 *Mewö malgetka suepnönj uturuköiga miangö öröyuainji mi tatatñini mosöta enololonj aketka sohoma. Miangöra gölmenji gölmenji miangörenj lömböt bölönji kötökñi asuhumapköra mamböt-torok mala kenğötñini möta urunji duhuiga jegilgil akñe.*

27 **“Nalö miangörenj Suep gölmegö azi ölni yanön kousu çakñe kanğori ekñe. Kukösumñi ketanjan saköl-diñdiñambuk aukñe asuhuiga asakmararanji ekñe.* 28 *Mewö kanğotmapmö, yuai mi könahiba asuhumei, enön mönö nalö miangörenj Suepnönj öngöbingö nalöñinan törimawangöra nöröpñini uba wahöta urunji qezaköba awösamkakak kinme.”* Mewö.

*Geröp ipkö dopkeu
Mat 24.32-35; Mak 13.28-31*

29 *Jisösnönj dopkeu kun kewö jii mötket, “Injini geröp aka ip tosatñi mi eka tandökñini mötme.* 30 *Ip mi sinñan yonğoigetka mi eka miangö könaji nanñinak möt asariba kewö jimakze, ‘Wehön nalöñan lök dopdowiza.’* 31 *Enön mewöñanök keu jizali, miangö ölnan asuhuiga eka möt asariba*

* 21:25: Ais 13.10; Eze 32.7; Joel 2.31; Ind 6.12-13 * 21:27: Dan 7.13; Ind 1.7

könaŋi kewö jime, ‘Anutugö bemtohoŋan mönö dopdowiza.’

³² “Nöŋön keu ölni kun kewö jibi mötket: Ambazip merak gölmenöŋ maljei, yeŋön qahö kömugetka yuai pakpak jizali, mi mönö yeŋgö malmal nalöŋine asuhuma. ³³ Suep gölmenöŋ göröŋ qemahotmö, nöŋgö Buŋa keunan mönö qahö ayapköma.” Mewö.

Urugwölö mosöta köhömuŋi malbinbuk.

Mat 24.42-44; Mak 13.33-37

³⁴⁻³⁵ “Nalö ketani mianöŋ ambazip körek gölmenöŋ maljei, yeŋgö qakŋine mewö asuhuma. Miangöra mianöŋ wölaŋök kaba simba ewö qeraköm enjibapuk. Miangöra gölmenöŋ malmalgö waimanjatŋan qakŋine öŋgöiga közölömbuan ala o köhöikŋi negetka enjololoŋ aiga uruŋinan lömböribapuköra mönö galömnini mem anğuba malme.

³⁶ “Miangöra mönö nalö dop urugwölö mala köuluköba malme. Mewö malgetka ösum enjiiga yuai pakpak mi asuhumawi, miangö uruŋeyök kök ala mönö Suep gölmegö azi ölnaŋgö jemesoholŋe awösamkakak kinme.” Mewö.

³⁷ *Nalö miangören Jisösnöŋ wehön dop jöwöwöl jikenöŋ kinda Buŋa kusum enjiiga miri mare aiga mosöta kunduŋi qetŋi Oil ip kunduŋi qerakzini, miangören öŋgöba ahömalök. ³⁸ Mewö maliga ambazip kambu pakpak yeŋön wehön dop söŋanök jöwöwöl jikenöŋ öŋgöba Buŋaŋi jii mötpingöra yaŋgören kamalget. Mewö.

* **21:37:** Luk 19.47

22

Jisös qein kömumapkö anğönaŋ alget.

Mat 26.1-5; Mak 14.1-2; Jon 11.45-53

¹ *Mewö malgetmö, beret yistŋi qahö mianğö sösöŋgainji, qetŋi kun Pasowa kendon jimakzin, mi töriyök.* ² Töriiga mianğöreŋ jike nup galöm aka Köna keugö böhi yeŋön ambazip kambu yeŋö keŋgötŋini mötkeŋgöra aka nanŋinök tokoba “Denöwö ahinga qeget kömumbawak,” jiba köna jaruba mötmöriget.

Judasnöŋ Jisös mamalolo mem waŋgimamgö uru-mohok ahök.

Mat 26.14-16; Mak 14.10-11

³ Nalö mianğöreŋ Satanöŋ Judasgö uruŋe geyök. Judas mi Jisösgö gwarekurupŋi 12 yeŋgöreŋök kun. Kariot mireyök kayöhaŋgöra qetŋi kun Iskar-iot qetket. ⁴ Yaŋön jike nup galöm aka jikegö kiripo galöm bohonŋi yeŋgöreŋ anda Jisös mamalolo memba böröŋine almamgö keuŋi jiyök. ⁵ Yeŋön mi möta “Ayop!” jiba uruŋinan ölöwahiga söŋgöŋöŋi monen waŋgibingö keu jöhöget. ⁶ Keu jöhögetka Judasnöŋ Jisös ölöŋ mamalolo memba böröŋine almamgö köna möt jaruba köiŋbiŋgöba malök. Mewö.

Jisösnöŋ gwarek yembuk Pasowa lama neget.

Mat 26.17-25; Mak 14.12-21; Jon 13.21-30

⁷ Beret yistŋi qahö mianğö kendon silim kunöŋ Pasowa lama qeba ohozema. Nalö mianğön kam kuŋguyök. ⁸ Jisösnöŋ Pitö aka Jon kewö

* **22:1:** Eks 12.1-27 * **22:1:** Pasowa mi nanine keunöŋ neŋgehoriba neŋgongirök. Eksodus 12.15

jiba melaim etkiyök, “Injiri anda Pasowa lama mözözömgöyohotka nembin.”

⁹ Mewö jiiga qesim wanjyohot, “Mi denikeangörej anda mözözömgöbit?”

¹⁰ Qesim wanjyohotka kewö melenök, “Mörohot! Injiri sitinöŋ angorohotka azi kun o kimbut kunduta kaiga miwikŋaimahot. Miwikŋaiba i wuatangöba anda mire öngömawi, miangörej öngömahot.

¹¹ Öngöba miri toni kewö jiyohot mötma, ‘Böhinöŋ göhöra jiza: Ala mirigi denike? Neŋön ölop miangö uruŋe kaba gwarekurupni yembuk Pasowa lama nembin?’

¹² Mewö jiyohotka möta miri qakŋe eu öngöba uruŋi ketani kun kondel etkima. Miangörej dum tatat yuai mözözömgöget ahöza. Mi kondel etkiiga miangörej lama qeba ohomahot.”

¹³ Mewö jii anda Jisösnöŋ keu jiyöhi, miangö dop miwikŋaiba kinda lama qeba ohom mözözömgöyohot. Mewö.

Kembubuk semön qöndökŋi neget.

Mat 26.26-30; Mak 14.22-26; Jon 13.21-30; 1 Kor 11.23-25

¹⁴ Nene nalöŋan kaiga Jisösnöŋ aposolurupŋi yembuk nene nembangö eta tatket. ¹⁵ Tatketka kewö jii mötket, “Nöŋön Pasowa lama ki embuk nembangö gwötpuk ak niŋgiba malök. Nene ki nembagun mönö sihimbölö mötmam. Miangö nalöŋan töriza. ¹⁶ Mi törizawangöra kewö jibi mötket: Nöŋön Pasowa lama kiangörej kun toroqeba qahö nemam. Könaŋgep nene semön kiangö öŋan aukŋe asuhumawi, mi Anutugörej bemtohoŋ uruŋe euyangörej nemam.”

17 Mewö jiba wain qambi memba kötuetköba kewö jiyök, “Mönö ki memba nanñinak anğuba neme. 18 Nöñön kewö jibi mötket: Ni wain kösögö ölni kiangörej kunbuk toroqeba qahö nemam. Kunbuk nemami, mi Anutugörej bemtohoñ asuhum teköiga miangörej nemam.”

19 Mewö jiba beret memba kötuetköba mindipköba engiba kewö jiyök, “Ki nani busuni. Ki engöra aka tököm engizal. Nemba ni mötmörim niñgiba malme.” 20 *Mi engii negetka mewöñanök wain qambi memba kewö jiyök, “Qambi ki mi jöhöjöhö areñ dölökñi akza. Nöñön amöt qem engimamgöra aka sepmi mokoba kömumam. Sep miangön mönö Anutugörej jöhöjöhö areñi mem köhöima.

21 **“Mewö akzapmö, mötket, mamalolo mem niñgimawañön mönö mohotñe ki nene namba tatzit. 22 Ölna, Anutunöñ jim kutuyöhi, Suep gölmegö azi ölnan mönö miangö dop gölme mosöta anma. Anmapmö, mamalolo mem wangimawi, yangöra mönö wölziköba ‘Yei!’ jizal. Anutunöñ mönö likepñi öngöngöñi melen wangima.”*

23 Mewö jüiga gwarekurupñan könahiba sutñine eraum qesim anğuba jiget, “Nengörejök mönö dañön mamalolo mem wangibawak?” Mewö.

Gwarek yeñön sutñine goranora aket.

Mat 20.25-27; Mak 10.42-44

24 **“Gwarek nengörejök galöm bohonñi mi dañön akza?” mewö jigetka miangöra mewöyök*

* 22:20: Jer 31.31-34 * 22:21: Sum 41.9 * 22:24: Mat 18.1; Mak 9.34; Luk 9.46

sutñine goranora asuhuyök. ²⁵ *Mi asuhuiga Jisösnöñ kewö jii mötket, “Gölmegö kantriñi kantriñi miengö kiñinan mönö azi kembu tandök aka galöm köl engimakze. Yengö pom jembonñinan mönö keu jim kutuba könagesöñini mindingöm engigetka welennini qeba ‘Azi ölopñi!’ jiba möpöseim engimakze. ²⁶ *Mewö ahakzemö, enön miangö dop kude akñe. Engö sutñine kunñan ketañamñini akzawañön mönö eretñangö dop aka malma. Galöm bohonñan mönö welenqeçe ewö aka malma.

²⁷ * “Kunöñ tata nene neiga kunñan nene köl wañgiba anda kamakzawi, yetköreñök öngöngöñi mi dañön? Öñña, ‘Tata nene nezawañön mönö öngöngöñi akza.’ Mewö jiget mörakzinmö, nöñön engö sutñine welenqeçe ewö aka maljal.

²⁸ “Mewö malbi esapköm niñgigetka wahöjalin wahösömbu uruñe añgotpiga iñini töndup kapan köla nömbuk qekötahöba mala kotze. ²⁹ Iwinan jim kutum niñgiiga nöñön yañgö bemtohoñi kukösum qakñe galöm kölakzal. Miangöra nöñön toroqeba jim kutum engibiga iñini mewöyök kukösum qakñe ambazip kiñ ewö galöm köl engimakñe.

³⁰ *Miangöra iñini ölop nöngö bemtohoñne añgota nene dumni liliköba tata o aka nene namba malme aka azi kembu tatatnöñ tata Israel ambazip kambu 12 yengö keuñini kewöta jim teköm enjime.” Mewö.

Pitönöñ Jisös qañ kölmakö jii mörök.

Mat 26.31-35; Mak 14.27-31; Jon 13.36-38

* **22:25:** Mat 20.25-27; Mak 10.42-44 * **22:26:** Mat 23.11; Mak

9.35 * **22:27:** Jon 13.12-15 * **22:30:** Mat 19.28

³¹ Jisösnöŋ jiyök, “O Saimon Saimon! Mötnöŋ! Kölkömöt azinöŋ wit padi kötni joutnöŋ ala uturuköiga kamböŋi deŋda erakzawi, Satanöŋ mönö miangö dop eŋön löwöriba yaŋgö böröŋe gemegöra uturuköba esapesap al eŋgimamgö kapaŋ köla jöjöröza. ³² Jöjörözapmö, göhö mötnaripkan sörauba pömsöm qebapuköra nöŋön göhöra köuluköba malal. Miangöra nalö kungen urugi melenŋa nöŋgöreŋ kamani, miangöreŋ mönö mötnarip alaurupki naŋgöba mem köhöim eŋgiman.”

³³ Mewö jiiga Saimonöŋ melenök, “Kembu, nöŋön göbuk kösö mire anbitkö aka mohotŋe kömumbitkö jöjöröba maljal.”

³⁴ Mewö jiyökmö, Jisösnöŋ jii mörök, “Pitö, nöŋön kewö jibi mötnöŋ: Kuruknöŋ merak qahö qeriga göŋön mutuk ni möt niŋgimamgö qaŋ kölnöŋga in-dimŋi karöbut akŋa.

Gösö aka bimgö sou ketanŋi miyök memba anme.

³⁵ *Jisösnöŋ gwarekurupŋi kewö qesim eŋgiyök, “Nöŋön inŋini mutuk gösö qahö, monerŋ gösö qahö, köna esu qahö mewö melaim eŋgibi angeri, miangöreŋ yuai kungöra osiget me qahö?” Qesim eŋgiiga “Yuai kungöra qahö osiin,” jiget.

³⁶ Jigetka kewö toroqeba jiyök, “Mutuk mewö aketmö, nalö kewöŋe kungöreŋ gösö aka monerŋ gösö tunŋi ahözawi, mi ölop memba tenŋöba malma. Bimgö sou ketanŋi mi kungöreŋ qahö ahöza, yaŋön mönö malukuŋi bohonŋi memegöra ala monerŋ miwikŋaiba sou mi bohonŋi mema. ³⁷ *Nöŋön

* **22:35:** Mat 10.9-10; Mak 6.8-9; Luk 9.3; 10.4

* **22:37:** Ais

mianğöra kewö jibi mötket: Anutugö keu nönğöra jigeri, mi körek pakpak köhöim teköma. Mianğö nalönan mönö kam kuᅅgumangö akza. Buᅅa keu kun kewö ohoget ahöza, ‘Yaᅅön bölöᅅi meme yeᅅgö kambuᅅine ahöma, jiget.’ Mianğöra jizal: Keu mianğö öᅅᅅi mi nönğöreᅅ asuhum teköma.”

³⁸ Mewö jiiga gwarekurupᅅan jiget, “Kembu eknöᅅ, bimğö sou ketanᅅ yahöt ki ahözahot.” Mewö jigetka “Mi dop köᅅja,” jiba melenᅅ enᅅiyök. Mewö.

Jisösnöᅅ Gezemaner arönöᅅ köuluköyök.

Mat 26.36-46; Mak 14.32-42

³⁹ Jisösnöᅅ miri mosöta silikᅅi wuatangöba Oil ip kundune öᅅgöiga gwarekurupᅅan andöᅅe anget. ⁴⁰ Öᅅgöba mianğöreᅅ anğota kewö jii mötket, “Esapesapnöᅅ et enᅅubapuköra mönö köuluk nup meme.”

⁴¹ Mewö jiba enᅅömosöta köt gilin anakzawi, mianğö dop anda simin köla köuluköyök ⁴² Köuluköba kewö jiyök, “Iwini, göᅅön urusihingᅅi mötzan ewö, sihimbölögö qambiᅅi kianᅅön mönö nönğö qakne öᅅgöbapuköra noanᅅitman. Noanᅅitman me qahö, mi mönö nangi jit keugahö dop asuhuma. Mi nönğö sihingö dop qahö.”

⁴³ Mewö köuluköiga garata kunᅅan Suepnöhök asuhuba mem köhöim waᅅiyök. ⁴⁴ Mem köhöim waᅅiiga köᅅjilin öᅅgöᅅgöᅅi möta mönö kapan köla uruᅅi qezaköba köuluköyök. Köuluköiga nönğöpᅅi mi sep jöjöl ewö tiᅅgita gölmenöᅅ etket.

⁴⁵ Köuluköm teköba wahöta gwarekurupᅅi yeᅅgöreᅅ anök. Anda miwikᅅaiba enᅅehi wösöbiriknöᅅ mem et enᅅii sörorauᅅa gaun ahöget.

⁴⁶ Ahögetka jiyök, “Mönö wuanönğöra gaunök

ahöze? Mönö wahöta esapesapnöŋ et enġubapuköra köuluköget.” Mewö.

Jisös qeraköba memba jöhöget.

Mat 26.47-56; Mak 14.43-50; Jon 18.3-11

⁴⁷ Jisösnöŋ mewö jiba kiniga mianġören ħi azi kambu kaŋgotket. Gwarekurupŋi 12 yeŋġörenök kun qetŋi Judas yaŋön jithmem enġiba Jisösgören kaŋgota numbuŋi yöhötim neyök. ⁴⁸ Yöhötim neyökmö, Jisösnöŋ kewö jii mörök, “Judas, ġi numbuni yöhötim nemba mewö mianġön Suep ġölmegö azi ölni mamalolo mem waŋgizan me?”

⁴⁹ Mewö aiga tosatŋan Jisös liliköm waŋġiba kingeri yeŋön yuai asuhumamġö ahi mi eka jiget, “Kembu, nini bimgö sou ketaŋan enġuin me?” ⁵⁰ Mewö jiba yeŋġörenök kunŋan jike nup galöm bohonŋanġö welenqeqeŋi qeba kezapŋi ölni köteköi erök.

⁵¹ Erökmö, Jisösnöŋ melenġa “Mönö mosötket!” jiba welenqeqegö kezapŋi yandiyöhi, mi misiriiga ölöwahök.

⁵² Ölöwahiga kinda jike nup galömurup, jikeġö kiripo galöm bohonŋi aka kantrigö jithmememe yeŋön Jisös membingö kaŋgotkeri, mi kewö jii mötket, “Ni kegwek-kahasililiŋ azia qahöpmö, töndup nöŋġöra mewö möta bimgö sou ketaŋi aka liŋġip memba kaŋgotze. ⁵³ *Nöŋön wehön dop jöwöwöl jikenöŋ embuk malbiga inġini böröŋini böranġa ni qahö nömiget. Mi qahöpmö, dölni söŋaupkö ösumŋan luhut ala aukŋe asuhuiga enġö nalöŋinan kam kuŋguza.” Mewö.

* **22:53:** Luk 19.47; 21.37

Pitönöŋ Jisös qaŋ kölök.

Mat 26.57-58, 69-75; Mak 14.53-54, 66-72; Jon 18.12-18, 25-27

⁵⁴ Mewö aiga yarö azi yeŋön Jisös memba jöhöba waŋgita jike nup galöm bohonŋaŋgö mire anget. Angetka Pitönöŋ andöŋine sikepsikep eŋguataŋgöba anök. ⁵⁵ Mianŋgöreŋ anda jakömbuak mirigö kiripo uruŋe geba sombem bibiŋe könöp ohoba mohotŋe tatket. Pitönöŋ mewöŋanök yeŋgö sutŋine tarök. ⁵⁶ Tari welenqeŋe ambi kunŋan Pitönöŋ könöp kösutŋe tari ehiba kewö jiyök, “Azi kianön mönö mewöyök yambuk malök.”

⁵⁷ Mewö jiyökmö, Pitönöŋ qaŋ köla kewö jiyök, “Ambi, ni i qahö möt waŋgizal.”

⁵⁸ Mewö jiba tari kude köriiga azi kunŋan eka jiyök, “Gi mewöyök yeŋgöreŋök kun akzan.” Mewö jiyökmö, Pitönöŋ melenök, “Alani, ni qahö.”

⁵⁹ Aua mohotkö dop teköiga kunŋan keu mi kunbuk kapaŋ köla jiyök, “Azi kianön mewöyök ölŋa yambuk malök. Yaŋön mönö Galili azia akza.”

⁶⁰ Mewö jiyökmö, Pitönöŋ melenök, “Azi, keu jizani, mi köndatzal.” Mewö jiba kiniga mianŋgöreŋök kuruk qerök.

⁶¹ Qeriga Kembunöŋ lilingöba Pitö uba ehiga mianŋgöreŋök keuŋi kewö jiyöhi, mi mötmöriyök, ‘Gi merak indimŋi karöbut qaŋ köl niŋginöŋga kuruknöŋ qetma.’ ⁶² Keu mi mötmöriiba wösöŋi julmamgö aiga yaigep geba sahöt böliyök. Mewö.

Jisös jim gönahit ak waŋgiget.

Mat 26.67-68; Mak 14.63-65

⁶³ Yarö azi Jisös memba jöhögeri, yeŋön mepaqe-paik ak waŋgiba kinda qeapköget. ⁶⁴ Qeapköba

jemesoholŋi esuhuba qesiba jiget, “Gi kezapqetok azia akzananğora daŋön guhuzawi, mönö yangö qetŋi qetnön!” ⁶⁵ Mewö jiba gwötpuk terenqerenđa ilita jim qetal waŋget. Mewö.

Jikegö jitlememe yeŋön Jisösgö keu nup meget.

Mat 26.59-66; Mak 14.55-64; Jon 18.19-24

⁶⁶ Jim qetal waŋgiba malgetka miri gianjiiga kantrigö jitlememe aka jike nup galöm aka Köna keugö böhi yeŋön tokoba Jisös waŋgita Juda yeŋgö jike kaunsöl kambu yeŋgö jeŋine alget.

⁶⁷ Miangören algetka jiget, “Göŋön Amötqeqe Toŋi Kraist akzan ewö, mi mönö aukŋe paŋ jinöŋga mötpin.” Mewö jigetka melenök, “Mi jibi mötpeaha kun, mi mönö qahö möt narime. ⁶⁸ Me qesim engibileŋaha kun, mi mönö qahö melen niŋgime. ⁶⁹ Mewö mötzalmö, nalö kewöneyök könahiba Suep gölmegö azi ölni yaŋön mönö Anutu, kukösum Toŋaŋgö böröŋi ölni tata malma.”

⁷⁰ Mewö jiiga miangörenök körekŋanök kewö jiba qesiget, “Ölna, gi Anutugö nahönŋa akzan me qahö?” Mewö qesigetka kewö melen engiyök, “Mi akzalaŋgö keuŋi mönö nanŋinak jize.” ⁷¹ Melen engiiga jiget, “Nanŋak uŋemuŋem (guŋemguŋem) keuŋi mönö nanŋi numbuŋan jiiga möt teközin. Miangöra tosatŋan keuŋi naŋgömegöra mönö wuanöŋgöra kunbuk qesim engibinak?” Mewö.

23

Jisösnöŋ premiö Pailötkö jeŋe kinök.

Mat 27.1-2, 11-14; Mak 15.1-5; Jon 18.28-38

¹ Mewö jiiga kambu körek yeŋön wahöta Jisös waŋgita premiö Pailötkören anget. ² Yangören

anda könahiba silenje keu ala undennda kewö jiget, “Azi kiangö könani kewö eka mörin: Yanjön ambazip kuŋgum enjiiga enjololon aka karim asuhumakze. Nini Sisa kiŋgö takis kude almegöra songo alakza. Nannjanğöra ‘Ni Amötqeqe Tonji Kraist aka kiŋ akzal,’ jimakza.”

³ Mewö jigetka Pailötnönj kewö qesim waŋgiyök, “Ölna, gi Juda yenğö kiŋa akzan me qahö?” Qesim waŋgiiga Jisösnönj melennda jiyök, “Mönö nangak jizani, mewö.”

⁴ Pailötnönj jike nup galöm aka ambazip kambu yenğöra kewö jii mötket, “Nöñön azi kiangö pinjitni kun qahö miwikñaizal.”

⁵ Mewö jii möta kunbuk kapan köla kuŋguba jiget, “Yanjön mönö ambazip kambu kuŋgum enjiba Buŋani Galili prowinsnönj könahiba kusum enjiba gölme dop köla kaba Judia prowins kianğorenj mewöyök mi jim sehimakza.”

⁶ Mewö jiget möta qesim enjiba jiyök, “I Galili azia me akza qahö?” ⁷ Mewö jiiga “Mönö mi!” jiget möta Herodnönj Galili aka prowins tosatni mindiriba galöm köl enjiba nalö miangörenök Jerusalem sitinönj kaba malöhi, miangöra Pailötnönj Jisös Herodkörenj waŋgita anget. Mewö.

Jisösnönj kiŋ Herodkö jene kinök.

⁸ Herodnönj Jisösgö kösohotni möta lök nalö köröpni ekŋamgö sihimni möta malöhangöra i eka uruŋan gwötpuk ölöwahök. Jisösnönj angöletot kun meiga ekŋamgö al mamböta malök. ⁹ Miangöra qeqesi gwötpuk Jisös qesim waŋgiyök. Mi qesim waŋgiyökmö, Jisösnönj likepni kun qahö jii mörök.

¹⁰ Jike nup galöm aka Köna keugö böhi yeñön kinda silenöñ alal keu könöpñambuk jim wanğiget. ¹¹ Herodnöñ yarö aziurupñi yembuk Jisös memba et ala jijiwilit aka mepaqepaik mem wanğiget. Mewö aka maluku aködammunñambuk kun löngöt wanğiget kini melaiiga kunbuk premiö Pailötkö jeñe anök. ¹² Mutuk Pailöt aka Herod yetkön kerök-kerök ak anğuba malohora nalö miangöreñ ala-ala ahot. Mewö.

Pailötnöñ Jisös kömumapkö jim teköyök.

Mat 27.15-26; Mak 15.6-15; Jon 18.39–19.16

¹³ Jisösnöñ kaiga premiö Pailötnöñ jike nup galöm aka galömkölköl aziurupñi aka ambazip kambu öröm enğii tokoget. ¹⁴ Tokogetka kewö jii mötket, “Inini azi ki kewö jiba nöngöreñ wanğita kaze, ‘Yañön ambazip kambu kuñğum enğiiga enololon ahakze.’ Mötket! Inini keu silenje aljei, nöñön miangö könañi enğö jeñine kewöta kewö miwikñaizal: Inini azi kianğö silenje keu aljei pakpak, mianñön pinjitñi qahö akza. ¹⁵ Herodnöñ keu mewöñanök jiba melaiiga kunbuk nengöreñ kaza. Mötket, yañön yuai pinjitñambuk kun qahö ahök. Miangöra kömupkö buñaya akñapkö osima. ¹⁶ Miangöra nöñön jibi yarö azi yeñön ihileknöhök qegetka pösatpi etma.” ¹⁷ (Pailötnöñ yambu (yara) dop Pasowa sösöñgai nalöñe kösö mireyök azi mohok pösat enğimaljapma.)

¹⁸ Mewö jüiga yeñön körekbörek silata qeta jiget, “Ia mönö yapmakek! Barabas mönö pösat nenginöñ.” ¹⁹ Barabas mianñön sitinöñ karim gila malgeri, yeñgö galömñina aka azi kun qei kömuyöhi, miangöra kösö mire alget tarök.

²⁰ Pailötnöŋ Jisös pösatmamgö möta keu kunbuk jiyök. ²¹ Jiyökmö, yeŋön qetala öraŋböraŋ misiba qet gigilahöget, “Maripomnöŋ qeget! Maripomnöŋ qeget!”

²² Qet gigilahögetka yaŋön keu indimŋi karöbut kewö jiyök, “Yaŋön mönö wani bölöŋa ahök? Nöŋön yangöreŋ pinjit kun kude miwikŋaibiga kömupkö buŋaya akŋawaŋgö dop qahö akza. Mewö aiga nöŋön jibi yarö azi yeŋön ihileknöhök qegetka pösatpi etma.”

²³ Mewö jiyökmö, yeŋön jakbak memba kapaŋ köla toroqeba qet gigilahöba qetket, ‘Jisös maripomnöŋ qeget kömuma.’ Mewö qeta Pailötköreŋ keu mi qeapköget. ²⁴ Qeapkögetka Pailötnöŋ keuŋini baŋŋe anda keu kapaŋ köla jigeri, miangö öŋŋi ahumapkö jim teköyök. ²⁵ Jim teköba Barabas etmapkö kapaŋ kölgeraŋgöra i pösari erök. Ikarim qeba malgeri, yeŋgö galömŋina aka azi kun qei kömuyöhi, miangöra kösö mire alget tarök. Mi pösari erökmö, Jisös sihimŋinaŋgö dop jaunŋauranga ak waŋgimegöra böröŋine alök. Mewö.

Jisös maripomnöŋ qeget.

Mat 27.32-44; Mak 15.21-32; Jon 19.17-27

²⁶ Pailötnöŋ Jisös böröŋine aliga waŋgita köna namŋe anda Afrika siti qetŋi Sairini miangö azi kun qetŋi Saimon miwikŋaiget. Yaŋön nupnöhök kaŋgoriga jim kutum waŋgiba Jisösgö maripomŋi waŋgita yangö awötŋe algetka aŋguba wuatangöba anök.

27 Mewö aniga ambazip kambu ketani yeñon lulunđa andöñe wuatangöba anget. Yeñgö sutñine ambi tosatñan mewöyök jingey köla sahöta anget.

28 Sahöta angetka Jisösnöñ lilingöba engeka kewö jiyök, “O Jerusalem ambi, inini mönö nöngöra kude sahötket. Nöngöra qahöpmö, nanñini aka nahönböaturupñini mienğöra mönö sahötme.

29 Mötket! Könañgep nalö kun kai miangörey kewö jime, ‘Ambi köpin mi simbawoñ. Gölöm qahö ala morö kude megeri, mi simbawoñ akze. Nahönbörat juzu engiba qahö dohongögeri, mi simbawoñ.’ 30 *Nalö miangörey ambazipnöñ könahiba kundunji Toñi yeñgöra kewö uletme, ‘Inini mönö kundunji mi jigetka teköba qaknine öngöme.’ Aka sem siagö Toñi mi kewö ulet engime, ‘Inini mönö bañetñine asamböt neñgime.’

31 “Nöñön Anutugöreñ ip gwölögwölö akzal aka nöngöra töndup kewö ak niñgize. Inini ip köhömunji siñgisöndokñinambuk könöp sihit qeba kinje. Miangöra Anutunöñ likepñi melen engiiga könöpnöñ amqeqeñanök enğohotiriiga sihimbölo öngöngöñi mötme.”

32 Bölöñi meme yahöt mi mewöyök Jisösbuk mohotñe etkubingöra etkuañgita anget. 33 Anda gölme qetñi Nöröpsihit qetzei, miangörey angota Jisös maripomnöñ qeget. Qeba bölöñi meme yahöt mi mohotñe kun ölñe kun qaniñe likeplikkep mewö etkuget. 34 *Mewö aketmö, Jisösnöñ jiyök, “Iwini, yeñon yuai akzei, miangö könañi qahö möt kutuzeangöra siñgisöndokñini mönö mosöt enğiman.”

* 23:30: Hos 10.8; Ind 6.16 * 23:34: Sum 22.18

Qeget kiniga Jisösgö sile esunangöra kiawen megetka qötöñi ahui mianğö dop mendenđa meget.

³⁵ *Mewö aketka ambazip kambu yeñön kinda mi uba eket. Eketmö, Juda jitnememe yeñön mewöyök mepaqepaik mem wangiba kewö jiget, “Anutunöñ möwölöhöm wangii Amötqege Tonj Kraist akza ewö, tosatñi bauköm engiba malöhañön mönö nanñi bauköm anguma.”

³⁶ *Yarö azi yeñön mewöyök keu gönahit jiba ilita kösutñe anda wain o asöñambuk kusahöla memba öngöba wangiba ³⁷ kewö jiget, “Gi Juda yeñgöreñ kin kembuya akzan ewö, mönö ölop nangi bauköm anguman.”

³⁸ Nöröpñe eu kulem kun kewö ohoget kinök, “Juda yeñgö kin kembuñina ki.”

³⁹ Kegwek-kahasililin azi yahöt mohotñe möndögetka kingeri, yetköreñök kunñan uruqege keu töhöreñ Jisös jim wangiba kewö jiyök, “Gi Amötqege Tonj Kraist akzan ewö, mönö nangi bauköba niri mewöyök bauköm netkinöñ.”

⁴⁰ Mewö jiyökmö, alañan jim wangiba kewö jiyök, “Gi gödaqegegi qahö. Gi Anutugöra mewöyök kenğötki qahö mötzan me? Yeñön jim teköba sihimbölö öröröñ neñgigetka bisizin. ⁴¹ Niri ölna pinjit ahirañgöra likepñi dopñe melenđa ak netkigetka sihimbölö mötzit. Mi mötzitmö, azi kianñön bölöñi kun qahö aiga ia töndup ayuhuze.” ⁴² Mewö jiba jiyök, “Jisös, gi bemtohonğahö uruñe angotmani, mianğöreñ mönö ni mötmörim niñgiman.”

* **23:35:** Sum 22.7 * **23:36:** Sum 69.21

⁴³ Jiiga kewö jiyök, “Nöñön keu ölña jibi mötnöñ: Göñön mönö merak nömbuk oyaenköyaen mire öngöba malman.” Mewö.

Jisösnöñ kömuyök.

Mat 27.45-56; Mak 15.33-41; Jon 19.28-30

⁴⁴ Silim bibiñi 12 kilok aiga wehön jeñi böuleiiga söñaupnöñ eta gölme pakpak dop köla ahöiga anda aua karöbutkö dop ahök. ⁴⁵ *Nalö miangören jöwöwöl jike uruñe opo kinöhi, mianön mönö euyök bibiñe jurata eta yahöt ahök. ⁴⁶ *Jisösnöñ nalö miangören köhöikñanök qeta kewö jiyök, “Iwini, nöñön uñani göhö böröge aljal.” Mewö jiba söngörö ösum kondikñi öröba kömuyök.

⁴⁷ Kömuiga yuai asuhuyöhi, suahö galömnöñ mi eka Anutu möpöseiba kewö jiyök, “Yañön mönö ölña azi solanña akza.”

⁴⁸ Ambazip kambu pakpak mi ekingö kaba tokogeri, yeñön yuai mi asuhui eka wösöñini juliga nörop gila mohot mohot miriñine anget.

⁴⁹ *Angetmö, ambazip pakpak Jisös möt wangigeri, yeñön sikep kindi i uba eket. Ambi tosatñan Jisös wuatangöba Galiliyök kageri, yeñön mewöyök kindi mi eket. Mewö.

Jisösgö qamöñi löm kölget.

Mat 27.57-61; Mak 15.42-47; Jon 19.38-42

⁵⁰⁻⁵¹ Juda yeñgören taon qetñi Arimatia miangörenök azi ölopñi qetbuñanambuk qetñi Josef yañön mewöyök kayök. Yañön Anutu bemtohoñangö ölñi asuhumapköra mamböta malök. Yañön Juda yeñgö jike kaunsöl kambugö

* **23:45:** Eks 26.31-33 * **23:46:** Sum 31.5 * **23:49:** Luk 8.2-3

jitnememe mala Jisösgö keu jim jöhöba akeri, miangö urumohok qahö ahök.

⁵² Yanön Pailötkörej anda Jisösgö qamötñi memangö qesiyök. ⁵³ Qesiba öngöba qamötñi maripomnöhök qeköba memba eta opo tuatñan esuhuyök. Esuhuba memba qaksirinöñ anda köt köteñ kun urorohoba qamöt kun miangören qahö Algeri, Jisösgö qamötñi mi miangören alök. ⁵⁴ Sabat kendon tatatkö yuaini mözözömgögeri, miangö wehön jeñi gemangö ahök.

⁵⁵ Gemangö aiga ambi Jisösbuk Galiliyök kageri, yeñön Josefgö könaje qaksirinöñ anda yanön Jisösgö qamötñi memba köt köteñnön alöhi, mi eket. ⁵⁶ *Miangörenök lilingöba mire anda jiniñ suamburup umköhöwakñambuk aka kelök qösösökñambuk Jisösgö qamötñe miribingö mözözömgöget. Mözözömgögetmö, Mosesnön Köna keunöñ Sabat kendongöra jim kutui ahöyöhi, mi wuatangöba luhut memba ösöñ tatket. Mewö.

24

Jisösnöñ kömupnöhök wahörök.

Mat 28.1-10; Mak 16.1-8; Jon 20.1-10

¹ Sabat kendon tatket teköiga Sonda söñanök miri gianjiga ambi yeñön wahöta jiniñ jimoron umköhöwakñambuk mözözömgögeri, mi memba qaksirinöñ anget. ² Anda kunñan qaksirigö numbuñe köt ketañi qetali ani eket. ³ Mi eka köt köteñ uruñe öngögetmö, Kambu Jisösgö qamötñi qahö miwikñaget. ⁴ Miangöra mötkurumkurum möta kingetka azi yahöt malukunñiri tuatñi

* **23:56:** Eks 20.10; Dut 5.14

kölköl-bilikkilikꞋambuk yetkõn wösõꞋine kinohotka etkeket.

⁵ Mi etkeka awöwõliba gölmenõꞋ geba dapkögetka kewõ jiyohot mötket, “Jebuk mal köhöizawi, i mönõ denöwögõra kõmukõmuꞋi yeꞋgõ sutꞋine jaruze?

⁶ *YaꞋõn ki qahõ ahözapmõ, mönõ guliba wahõtza. Galili prowinsnõꞋ mala keu jii mötkeri, mi mönõ mötmõrime: ⁷ YaꞋõn kewõ jiyök, ‘KunõꞋ Suep gölmegõ azi õlꞋi mamalolo mem waꝼgiiga bölõꝼi meme yeꝼgõ börõꝼine geiga maripomnõꝼ qeget kõmumba wehõn karõbut aiga guliba wahõtma.’”

⁸ Mewõ jiyohotka keuꝼi mi mötmõꝼine aꝼgoriga mötmõriget. ⁹ Mewõ mötmõriba qaksirinõhök lilingõba kaba yuai pakpak asuhuyõhi, miãgõ buzup keuꝼi mi gwarek 11 aka tosatꝼi pakpak yeꝼgõra jiget mötket. ¹⁰ Keu mi jigeri, mi Magdalagõra Maria, Joana aka Maria Jeimsgõ namꝼi aka ambi tosatꝼi yembuk malgeri, yeꝼõn mi kaba aposol yeꝼgõra jiget mötket.

¹¹ Buzup keu mi jiget mötketmõ, keu jigeri, mi keu omaꝼi tandök ahõhi, mewõ mötmõriba mi qahõ möt nariget. ¹² Qahõ möt narigetmõ, Pitõnõꝼ wahõta õsumꝼan qaksirinõꝼ anda köt kõteꝼ uruꝼe ui aniga opo esu miyök miãgõreꝼ tari ehök. Mi eka yuai asuhuyõhi, mi nanꝼök mötmõriba welipkõba mire lilingõyök. Mewõ.

Gwarek yahõtꝼan Emeus kõnanõꝼ anohot.

Mak 16.12-13

¹³ Wehõn miãgõreꝼök Jisõsgõ gwarekurupꝼi yeꝼgõreꝼök yahõtꝼan Jerusalem siti mosõta miri

* **24:6:** Mat 16.21; 17.22-23; 20.18-19; Mak 8.31; 9.31; 10.33-34; Luk 9.22; 18.31-33

qetņi Emeus sewen mail mianğoreņ anbitkō anohot. ¹⁴ Kōnanōņ anda yuai asuhuyōhi, mi pakpak nanņirōk eraum mōrohot. ¹⁵ Mi eraum mōta kōnaņi jim lōmbōriba anohotka Jisōsnōņ nanņak kōsutņire aņgota mohotņe anget. ¹⁶ Angetmō, jeņiri kōzambōri i qahō ek kutuyohot. ¹⁷ Qahō ek kutuyohotka kewō jiyōk, “Injiri nanņirōk wani keuya kōnanōņ eraum mōta kazahot?” Mewō jiiga dōrōk mitiba wōsōbirik jeje uba eka kinohot.

¹⁸ Eka kinda yetkōreņōk kun qetņi Kliopas yaņōn kewō qesim waņgiyōk, “Pasowa kendōnōņ yuai asuhuyōhi, mi Jerusalem ambazip kōrekaņan mōtze. Gi mohotņan kiana aka mi qahō mōtzan me?”

¹⁹ Qesim waņgiiga “Mi wania?” jiiga mōta kewō jiyohot mōrōk, “Nazaret azi Jisōsgōra yuai asuhuyōk mi. Yaņōn kezapqetok azia mala Anutu aka ambazip pakpak yengō jeņine ahakmeme kukōsumņambuk aka keu kōhōikņi jiba malōk. ²⁰ Mewō maliga neņgō jike nup galōmnini aka galōmkōlkōl aziurupninan i waņgita premiōgō bōrōņe algetka kōmumapkō jim tekōi maripomnōņ qeget kōmuyōk. ²¹ Yaņōn Israel kōnagesōnini kōsōnōhōk pōsata sohopnini memapkōra al mambōta jōrōmqōrōm aka malinmō, Yei! i mōnō qeget kōmuyōk. Yuai mi asuhuiga mala koringa merak sōmaņi karōbut lōk akza.

²² “Mi qahō dop kōliga merak neņgōreņōk ambi tosatņan keunōņ kuņguba welipkōm neņgiget maljin. Yeņōn sōņan amandņe qaksirinōņ anda, ²³ qamōtņi qahō miwikņaiba liliņgōba kewō jize, “Nini Suep garata yahōtkō jemelenj imut ehinga yetkōn ‘Jisōsnōņ guliba malja,’ ” jiyohotka mōtzin.

²⁴ Keu mi möta azi nembuk maljei, yeŋgöreŋök tosatŋan qaksirinöŋ anda ambi yeŋön keu jizei, miangö dop ahöiga ekze. Löm gwamönŋi ekzemö, nanŋi qahö ekze.”

²⁵ Keu mi möta kewö jii mörohot, “Yei! Inini kezapqetok yeŋön keu jigeri, mi pakpak mönö wuanöŋgöra ölanbölan aka ajojohöba gawönjeje mala qahö möt narize? ²⁶ Amötqeqe Tonji Kraistnöŋ sihibölö mewöŋi mötagun nanŋi asakmararan uruŋe öŋgöma. Miangö dop ohoget ahöza me qahö?” ²⁷ Mewö jii mörohotka Moses aka kezapqetok ambazip pakpak yeŋön keu jigeri, miangöreŋök könahiba nanŋaŋgöra keuŋi pakpak ohoget ahözawi, miangö könari jim asarim etkiyök.

²⁸ Jim asarim etkiba anda miri anbitkö jiba anohori, mi dopdowiba miangöreŋ toroqeba anmangö mörök. ²⁹ Mewö mörökmö, yetkön kapan köl waŋgiba kewö jiyohot, “Miri mare aiga wehön jeŋan lök gemangö akza. Miangöra ölop netpuk tata ahöman.” Mewö jiyohotka yetpuk mire öŋgöba tatket. ³⁰ Tata yetpuk nene nemingö aka beret memba kötuetköba mindipköba etkimangö aiga yuai kewö asuhuyök:

³¹ Miangöreŋök jeŋiran tohoiga ek kutuyohotka atatop (jiataton) köliga kunbuk qahö ehot. ³² Mewö aiga nanŋirök kewö eraum mörohot, “Köna namŋe Buŋa Kimbigö keu jiba könari jim asarim netkizawi, nalö miangöreŋök mönö urunire könöp jezawaŋgö dop mötzit.”

³³ Mewö jiba miangöreŋök wahöta Jerusalem sitinöŋ lilingöba aŋgota gwarekurupŋi 11 aka alaurup yembuk tokoba tatkeri, mi miwikŋaim

engiyohot. ³⁴ Miwikɲaim engiyohotka kewö jiget mörohot, “Kembunöŋ mönö ölna wahöta Saimongöreŋ asuhum waŋgiza.”

³⁵ Mewö jigetka nanɲirak könanöŋ yuai asuhuyök aka beret mindipköyöhi, nalö miangöreŋ uruŋiri tohoiga möt kutuyohot, miangö kösohotɲi mem engiyohot. Mewö.

Jisösnöŋ gwarek kambuŋi asuhum engiyök.

Mat 28.16-20; Mak 16.14-18; Jon 20.19-23; Apo 1.6-8

³⁶ Gwarekurupɲi yeŋön keu mi eraum möta tatketka miangöreŋök Jisösnöŋ nanɲak sutɲine asuhuba kinda kewö jiyök, “Alaurupni, luainöŋ embuk ahöma!”

³⁷ Mewö jiiga keŋgötporiŋ aka jönömɲini undui “Öme imura ekzin,” mewö mötmöriget. ³⁸ Mewö mötmörigetmö, kewö jii mötket, “Inini denöwögöra auruba mötmöt mewöŋi uruŋine ahuza? ³⁹ Ni nanak ki maljal. Mi nanɲinak köna böröni uba eka mötme. Öme imut mi bususihitɲini qahö. Ni bususihitnambuk kinbi nekze. Mönö nömisiriba nek kömume.”

⁴⁰ Mewö jiba köna böröŋi kondel engiyök.

⁴¹ Kondel engiyökmö, mi sösongainanaŋgöra töndup qahö möt nariba welipköba tatketka kewö qesiba jiyök, “Neneŋamɲini kun ki tatza me qahö?”

⁴² Mewö jiiga söra jejeŋi miangö kitipɲi kun waŋgiget. ⁴³ Waŋgigetka memba neiga eket.

⁴⁴ Neiga eketka kewö jii mötket, “Ni embuk mala nalö miangöreŋ keu jibi mötkeri, miangö ölni nalö kiangöreŋ asuhui ekze. Nöŋön kewö jiba malal:

Nöngö keu mi Mosesgö Köna keu aka kezapqetok azi yeŋgö Buzup Kimbi aka Sumbara (Buŋa liŋet) buknoŋ ohoget ahözawi, mi pakpak mönö ölnambuk ak teköma.”

⁴⁵ Mewö jii mötketka miangöreŋök Buŋa Kimbigö könaŋi möt kutumegöra uruŋini metohoyök. ⁴⁶ Metohoba kewö jii mötket, “Keu kewö ohoget ahöza: Kraistnöŋ sihimbölö möta kömumba sömaŋi karöbut aiga kömupnöhök wahötma. ⁴⁷ Miangöra eŋön mönö Jerusalem sitinöŋ könahiba Buŋa keu nöngö qetne jim asariba kantri pakpak dop köla anda uru kuŋgum eŋgimakŋe. Denike yeŋön uruŋini melenmei, Anutunöŋ mönö yeŋgö siŋgisöndokŋini mosöta saŋgoŋma.

⁴⁸ “Keu mi ölnambuk ahök aka akŋawi, iŋini mi asuhui eka naŋgöba jiba dangunu ewö kinme. ⁴⁹ *Mötket! Iwinan kalem eŋgimapkö keu jöhöyöhi, nöŋön i melaibiga uruŋine gema. Euyangöreŋök kukösum albi qakŋine öngöma. Iŋini siti kiangöreŋ miangöra mamböta tata malme.” Mewö.

Jisösnöŋ Suep mire öngöyök.

Mat 16.19-20; Apo 1.9-11

⁵⁰ *Jisösnöŋ keuŋi jim teköba gwarekurupŋi eŋguaŋgita anda Betani miri kösutŋe angota miangöreŋ böröŋi mem wahöta kötuetköm eŋgiyök. ⁵¹ Kötuetköm eŋgiiga miangöreŋök Anutunöŋ waŋgiriga eŋgömosöta Suepnöŋ öngöyök. ⁵² Öngöiga sösoŋgai ketanŋi möta sipköba waikŋi memba möpöseim waŋgiba Jerusalem lilingöget.

* **24:49:** Apo 1.4 * **24:50:** Apo 1.9-11

⁵³ Lilingöba sundan dop jöwöwöl jikenöŋ mala Anutu möpöseim wanḡgiba malget. Mewö.

Burum-Mindik Bible
The New Testament and portions of the Old Testament
in the Somba-Siawari language of Papua New Guinea,
also called the Burum Mindik language.
Sampela hap Buk Baibel long tokples Burum Mindik
long Niugini

Copyright © 1992, 2002 The Bible Society of Papua New Guinea

Language: Burum-Mindik or Somba-Siawari (Somba-Siawari or Burum-Mindik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-22

PDF generated using Haiola and XeLaTeX on 11 Nov 2022 from source files dated 9 Oct 2020

c0871260-68cc-5a50-953f-52200e105d1e